

傳

孫蕢者平步人也字仲衍性敏警表儀秀偉於
書無所不窺詩文多不屬草援筆而就初若不
經思而雄渾深致駸駸乎魏晉矣少負節槩不
妄交農夫販婦望而目之曰孫先生元季避亂
山澤間東莞何真保有南海洪武改元征南將
軍廖永忠至蕢爲真作書請降永忠不戮一人
而南海晏然者蕢之力也永忠尋徵蕢典郡庠
三年庚戌始 詔天下設科取士蕢舉于鄉授
工部織染局使主簿虹縣時經兵燹室十九空

勞來安輯一載典籍翰林學士宋濂樂韶鳳承
旨詹同甚重之日侍 上奏對便給容觀飄灑
瀟葦皆自以爲莫及也八年同脩洪武正韻九
年以奉常之節監祀于西川居翰林三載力求
補外主簿平原無何逮繫輸左校築墻望都門
謳吟爲粵聲植者以聞 召至陳詩語忠愛釋
之十一年罷歸田里十五年 召拜蘇州府經
歷二十二年謫戍遼東都帥梅思祖節鎮二韓
素聞蕢迎居家塾是年竟罹黨禍長歌就刑天
下寃之門人黎貞時亦在戍收其骸葬于安山

蕢所著有通鑑前編綱目孝經集善理學訓蒙
西菴集和陶集集古律詩其孝經集善濂所序
也蕢沒諸書散逸惟黎貞所編詩文行于世李
承箕曰嗚呼死生榮辱當得不得不當得得之
自古及今豈少也蕢死何惜哉傳者論蕢究天
人性命之理濂洛關閩之學蕢書散逸無可考
意其風采似禰衡而器量或過之與

撰

順德人物
傳葉春反

西菴集目錄

卷之一

五言古

雜詩 六首

南園

南園夏日飲酬王趙二公子澄佐

溪山小隱 道上作

期羅浮蕭鍊師至 不 寄琪琳黃道士

崖山有感 安期昇仙臺

夏日 過蒲礪寺後 二巖觀菖蒲 寄琪琳黃道士墨竹

寄關大舉隱士 西郊秋日

南園懷李仲脩

贈從弟 三首

贈留隱士中羨

北上

別弟

別鄰

別友

別內

代友贈別

代內贈別

寄王給事佐

寄鄭進士 新修宏

車駕遊天界寺

應制

朝回呈諸閣老

贊翰林宋先生

老諾

輸役蕭墻

治縣事作

送王給事南還

還山行

擬古

行行重行行

青青河畔草

青青原上栢

今日良宴會

西北有高樓

涉江采芙蓉

明月皎夜光

冉冉孤生竹

庭中有奇樹

迢迢牽牛星

回車駕言邁

東城高且長

驅車上東門

去者日以踈

生年不滿百

凜凜歲云暮

孟冬寒氣至

客從遠方來

明月何皎皎

卷之二

樂府

將進酒 紫騮馬 烏夜啼 望行人

長相思 飲馬長城窟行 行路難首

白頭吟 昭君歎 湘妃曲 阿嬌怨

班姬怨 烏孫公主歌 白紵四時詞四首

團扇詞 梁父吟 桂劍臺 銅雀臺

楊白花 休洗紅 蔣陵兒 苦寒行

鞠歌行 傷哉行 懊惱曲 長安篇

上京行 採蓮曲 短歌行 長歌行

古意有二首 秋風詞 三首并序 南浦曲

橫塘曲 春愁曲 春開曲 游絲曲

落花曲 木葉曲 蓮花曲 葵花曲

鴛鴦篇 織婦詞 古鏡詞 漁父詞

樵父詞 田家歎 耕父詞 耕牛詞

牧羊詞 射雉詞 射虎詞 採菱曲

石榴詞 採蓮詞 蠶婦詞 貧女嘆

卷之三

歌行

南園歌贈王給事彥舉

廣州歌

草書歌贈顏景明

羅浮歌寄洛陽李長史仲脩

智空和尚種松歌

題皇甫文遠所藏左司郎中塔炳山水歌

南京行

虹縣行

平原行

平原田家行

驪山老妓行補唐天寶遺事戲效白樂天作

高昌老翁行

碌碌行寄保昌縣丞童豫

湖州樂

雲南樂

卷之四

七言古體

閨中聞子規

晚發英德

贈端孝思

贈高彬

送何三元帥北

題昭陽草堂手卷為增城縣丞謝英賦

題高彬白雲山房手卷

會鄉友

送張仲庸歸陝西

送高文質遊杭州

異橘圖

白雲山

桑梓圖為左布政徐本賦

題石城秋晚圖送人

西塘為姑蘇吳隱君題

贈皇甫隱士文遠

題黃萬戶德清羅圖

贈關元帥景熙

戲贈端孝思

送何都閫濟南省還廣

送友自餘杭歸
代內贈別二首

往平原別高彬
寄訶林張老明靜照

寄羅都事文章
送都大尹

贈虹縣顏景明
送虹縣尹陳景明

送翰林典籍張敏行之官西上
送崔振宗

捕魚圖
過隋宮故址

題堵法曹文明所畫匡廬圖

次李陽河
阻風雷港

次武昌
題錢叔昂瀟湘圖

武昌別魯侍儀舍人文濬

五言排律

翠筠軒為源上座題

七言律

南山雜詠
峽山寺三首

遊羅浮三首
拜祖墓

重過林氏別業
題海翁詩卷後

靈洲
秋江送別

送趙宣使之德慶
鍾山應制

新春從幸天界寺次詹冢宰鍾山應制韻

駕遊鍾山應制
駕幸天界寺和朱太史帝韻

陪翰林宋承旨遊鍾山訶林送趙生留南歸

寄趙進士安中送張典籍誦之官大

奉太史令護軍公投贈山東何方伯首

送張翰林孟廉赴山行軍二首奉酬劉友賢黎仲輝

寄彭萬里給事時參山西政送沈主事起復除西

寄羅友章先生圓丘大祀

寄黃負外文博時佐守徐州送劉芳之入蜀

餞宋承旨潛溪先生致仕歸金華五首

贈脩撰道夫西樵

懷脩撰朱備萬冬至

乙卯除夕鳳凰臺

再遊鍾山懷舊遊寄李士行

寄高彬送蔡九節還南安

春興寄端方故居送人還鄉

西巖圖為嚴彥恭題懷白雲山房

除夜

卷之六

七言律

之官平原留別諸老別妓

江上

金山寺

送牛應祥都閩

高郵

秋風 二首

虹縣九日登 三五 女冢

淮上憶京

清河口

圯上懷古

過三洪

過呂梁

帝子

徐州洪 二首

漢祖廟

歌風臺

戲馬臺

范增墓

過黃石公祠

過高唐

客平原春日有懷

宿高彬第

挽夏尚忠

送陳御史 孟陽之官三河

贈 揚主簿時為金銀開堤官天台人二首

古河

出關

冬至

思家

南昌鐵柱觀

十八灘

寄高彬 二首

采石太白墓

次黃州

望廬山 二首

至儲潭廟留題

過岳州

巫峽秋懷 二首

懷四川 二首

懷羅浮寄蕭鍊師

訪單孟雄不遇

曾氏耆壽翁詩

懷萬脩撰謫遼東二首 奉寄文淵學士吳公

懷朱太史弇宋瑤人 懷揭孟固

懷碧虛觀寄止菴蕭鍊師四首

思家古河

悶興 觀海

戊遼渡海二首 渡海呈同遊

沙門島三首 與謝縣丞坡山聯句

送董文恪出宰江 挽李樵雲

卷之七

七言絕句

紅菊 墨菊

紅梅 墨竹九首

王孫圖二首 一打鳥 一挾 宣和樹

析枝桃花圖 桃花白練

楊妃出浴 楊太真對鏡圖

村姬牛圖 梨園按樂

昭君五首 題葡萄

雜畫十首 四皓圖

畫梅四首 梅 松

嘗草圖 舞馬圖

送翰林宋先生致仕歸金華 二十五首

寄高彬 寄王彥舉

寓居傳小樓懷成以 臨清題壁

憶得四首 龍江夜泊

過楊州 下邳

呂梁洪 聊城

聊城見荷二首 武城

過荏平望嶧山 周公

范蠡 伍子胥

黃歇 荆軻

昭陵 符堅

二喬 赤壁

魏臺 姑蘇墓

靈巖寺 姑蘇開元寺

望九華山 過赤壁

過荊州 巫山

出蜀 次張仲舉詩韻四首

幽居雜詠七十一首 秋閨思四首

閨怨一百二十四首 訪某附馬 闕門書所

五言絕句

臨刑口占

卷之八

七言集句

朝雲

琪琳夜宿聯句一百韻

卷之九

文

祭竈文

詞

飛仙歸來詞

和歸去來辭

關敏廟詞

目錄終

西菴集卷之一



明翰林典籍五羊孫贊仲衍甫 著

姑蘇葉初春選 邑人曾仕鑑校

五言古

雜詩 六首

飄風振長薄夕日澹無輝良人久楚蜀今在沅水
西別時春花發秋葉忽已飛無由通精神夢寐長
相隨欲寄一尺書臨風久徘徊游鱗沒水曲征鴈
杳雲涯哀猿常對吟凍鳥亦並棲居然獨處廓坐
使恩愛違何能一會晤以慰悽惻懷

浮萍無根蒂泛泛江海間
狂風簸巨浪漂泊何當
還亦似離家客長年去鄉關
莽莽涉萬里迢迢度
千山沉憂損精魂遠道多苦
顏無爲歌此詞惻愴
傷肺肝

大堤有游女盛服佩鳴璫
冶容麗皎日錦綺華若
英含情采秋綠薄暮不盈筐
問女何所思疊疊哀
怨長夫君久離索杳邈江與湘
寒涼入短褐波浪
汎舟航芙蓉謝初夕巖桂亦已芳
渺渺燕北歸飛
飛鴈南翔風飄流塵起木落天
兩霜俯視慚遊魚
仰觀愧七襄此情君詎察懷玉空自傷

燦燦園中樹灼灼枝上花
朝迎雲間日暮逐東逝
波秦樓起荒煙鄭谷棲餘霞
浮雲等霧露富貴爲
足多

邊城亘長雲迢迢接沙漠
時平宣威遠壯士從軍
樂霜風朝出獵錦旆明揮霍
營田懸兩狼都護挂
雙貉前矛擁死騎後勁吹
羗角官勲四時轉征戰
胡塵邈腐儒身計疎中夜思
奮躍何能校章甫從
爾上麟閣

卜月良家子從征上邊州
明月照鏡匣北風吹馬
頭少年有竒志思欲分國憂
誰能學李廣百戰不

封侯

南園

詩社良讌集南園清夜遊條風振絡組華月照鳴
騶高軒敞茂樹飛薨落遠洲移筵對白水列燭散
林鳩雅興殊未央旨酒詠思柔玉華星光燦錦綵
雲氣浮麗景不可虛衆賓起相酬長吟間劇飲楚
舞雜齊謳陵陽杳僊駕韓衆非我酬聊爲徇時序
娛樂忘百憂

南園夏日飲酬王趙二公子澄佐

郡城多暇日公子專幽尋招携無俗士歡宴盡華

簪臨水釣遊魚凌風弋高禽南園當盛夏灑氣絳
煩襟澍雨朝浥道流雲豁輕陰芙蓉被曲渚灌木
秀窮林展席羅長筵美酒對坐斟交交黃鳥弄聒
聒玄蜩吟歲時迺遷翰賢聖皆銷沉於時不痛飲
負此芳賞心

溪山小隱

日出景更好流青入窓戶木落葉上霜泉添夜來
雨策驢過石橋傍舟向沙渚遇此休禎期何須羨
簪組

道上作

高林翳當道莽莽秋向深田風亂落木驕陽亦化
霖我行泥塗中淒厲入我襟白日晦平陸玄雲生
夕陰歸鳥靜不飛暝猿長哀吟感此時景邁况將
陽月臨不怨行路難所嗟歲駸尋悲鳴激楚奏思
苦調南音鍾儀久已死誰復知此心

期羅浮蕭鍊師不至

石室松桂秋涼風滌殘暑柴門敞空谷曠夕懷仙
侶吹笙久不至鶴馭今何許朗月流清輝山中幾
延佇

寄琪琳黃道士

兩絕天景佳前榮樹光綠遙憐採芝侶遠在春山
曲琴歌久已斷酒賦何由續有約今夕同開樽掃
茆屋

崖山有感

崖山峙海門迺宋沉國所雙龍如九淵義士赴疆
虜妻子驅先淪焚香亦何補我來吊忠魂但見浪
花舞底用璽發光淒其爲懷古

安期昇仙臺

神山莫可稽欲弔踪多漫惟有安期生遺臺粵山
畔想當避秦亂南還事冶鍛砂採芙蓉靈火煬電

光爛丹成遂輕舉跨鶴涉雲漢尚留如鳧鳥世上
作竒翫飛騰今何之翹首起吁嘆

夏日過蒲礪寺後二巖觀菖蒲

炎威鬱難攄况值日方永揮蓮偕同袍遠詣山中
靜消暑得清泉流來自巖頂循澗見石蒲瀰布水
光映蝟毛刺針鏗虎鬚簇錐穎婆娑濃靛敷翠色
香挺挺傳是古堯韭一覽心已領採餌可明日爍
爍電光耿尤堪引壽齡又視閱遐景遂躡安期蹤
雲路恣馳騁旋歸乘天風浩笑塵夢醒

寄琪琳黃道士墨竹

漾漾太湖水涓涓文玉叢龍光起夕霧鳳羽生秋
風水輪出寒情瘦影飾玲瓏因之懷所思邈在蓬
萊宮

寄關大舉隱士

秋陽化爲霖流潦漲平陸陰霾晦萬象歲暮時運
速居者窘營爲行者困馳逐晨興起慨歎旅懷傷
局促颺風振叢薄泥塗沒車軸庭樹無全柯原草
變餘綠靜念窮居士杳然蒼山麓短褐纔掩脛糗
糲常不足從事屢失會養高動違俗空櫝隋侯珠
誰明卞氏玉貧賤少知已隱淪愧親族勵節希世

賢君子善自勗

西郊秋日

斗柄揭西晨杪秋天氣肅零落沾野草驚飈振林
木西疇農務成勤忙事刈獲歲時樂豐稔膏澤遍
種穰思昔遊京洛寒至未成服弊裘感季子知貧
仰鮑叔哀樂如流電撫已心已足無煩抱龜策更
就詹尹卜

南園懷李仲脩

幽獨攄雅懷逍遙步南園繁卉耀陽德嘉木秀春
暄時暘燠土膏流澌漲遠川荅蘭楊朱英山樊炫

大軒垂楊列曲渚鳴鳥何關閑展席芳醕陳開觴
群物妍顧瞻失儔侶高情寄所宣馳思望遠人迺
在伊洛孺賢勞事會計日昃不遑安聊復縱長唵
引領希令言何能此會合宴樂舒我顏

贈從弟三首

鴻鵠在陂澤立志恒不群獨鶴唳九臯音響常遠
聞令器逢盛時豈將久煙淪無爲秉孤節甘與巢
許鄰

青陽播林麓百卉生光妍如何空谷資尚爾霜霰
纏守節抱苦貞豈不幽且寒由來松柏性羞學桃

李顏

荆山有良玉韞此璞石中玉人彫琢之始能成珪
琮良玉豈非寶亦在彫琢功願言保令譽龜勉光
吾宗

贈晉隱士中羨

商鱗落庭木芳歲倏已週感此流序易惻惻但懷
愁念我同志友不得偕宴遊一居玉堂署一在炎
海陬王道今清平有才贊鴻猷誰令抱孤志坐戀
林與丘

北上

京華文物盛東南紫氣浮祥雲間甲第春陽寫道
周觀國方振纓彈冠始鳴騶臯夔預接武多士爲
我儔如何舍此去北上賦遠遊揚帆渡淮水驅馬
入青州青州非故鄉鬱鬱久難留西望太行巔南
臨清濟流行日以遠役役安得休微官宦况薄
旅邸芳歲邁嚴風被艸木密雪沾衣裘迢遙百越
地杳邈炎海陬那能計歸日苦道阻且脩

別弟

離離原上草歲晚霜霰滋與子爲兄弟生世逢亂
離漂蕩各分散生死安得知樂土歎無食南州嘆

無衣良時幸休明天路開清夷翩翩兩鴻鵠振翼
思奮飛一留故山樹一望雲中涯東西各異勢顧
影相徘徊遠道去茫茫會合未有期吞聲念同氣
淚落不敢揮他鄉儻言歸庶邂逅相思

別鄰

諺云骨肉遠不若鄰里親往來旦夕念眷意一何
勤願言永相保不謂遠離分携壺與挈榼送我衢
路津合愁向往軸酌酒當霜晨戀戀踈者厚依依
故情新去去歸未期留家猶食貧有無通假借此
道古所敦無爲忘寄托別語多苦辛

別友

喔喔晨雞唱蕭蕭征鴈鳴行裝戒往僕遊子趣脩
程嚴風裂弊裘霜氣集冠纓亦知歲聿暮奔走詎
遑寧盼盼依衢路粲粲別友生鵲鴿傍我飛楓樹
送我行商歌慘無歡飲酒催盡觥車輪倏已遠賓
客如晨星離別固可惜志在身與名相期各勉
天路方清平

別內

秋霜凋女蘿夕露沾兔絲依依兩夫婦貧賤生別
離思昔結縵日適際離亂時布衣纔掩脛糟糠不

充饑性拙命復窮偃蹇世所嗤賴子同甘苦孤貞
常自持幸逢世道平天路振羽儀歡愛未云竟殷
勤方自茲執袂詎忍分清涕流裳衣淹留日月促
去去無歸期晨雞咿喔鳴行李戒路歧僕從已嚴
駕寧能更遲遲所嗟長辛苦不爲兒女悲遺語望
鄰曲含酸望親知惻惻重惻惻此懷當告誰

代友贈別

金蘭結深契厚愛兄弟親歡娛暫相違一日勝九
春如何捨我去去逐衢路塵行役冒雪霰驅馳極
宵晨寒雀思集樹凍池念潛鱗物微尚有托君作
歲晚人歲晚風已寒蕭蕭吹車輪征袍弊不補野
飯新亦陳別曲亂無腔別酒醉失巡私情豈遽忍
欲上知何因落日如銅鉦遠山生紫雲君去意惻
惻我留涕紛紛王度今清夷世途無荆榛前期慎
努力莫用懷苦辛

代內贈別

惻惻重惻惻君爲遠行客遠行無時還千山復萬
山不怨別離苦所嗟道路難鴻鴈集沙渚鳥雀棲
山樊遑遑欲何之竟歲不得安昔爲風中柳今若
霜後蘭雪霰被平野風沙侵苦顏苦顏日以凋去

路日以遙妾今守空閨歲暮不自聊寒花無妍姿
凍柳無秀條淒其舊容色坐爲憂患銷臨期一樽
酒聊以求今朝前途善珍重努力登雲霄

寄王給事佐

休沐展幽眺步出鍾阜阿卉木春氣益淮水揚素
波泛泛波上鷗游泳鮮羽儀端坐愧此鳥長遊成
蹉跎安得理歸楫翩然解珮珂揚舲過關右鼓枻
入江沱友于事讌集物候方陽和酌酒南園上與
君同笑歌

寄鄭進士毅德宏

步出城東門豁我幽素懷茂樹交綠柯鍾陵敞雲
厓有鳥鳴春樹顧聲何喈喈靜言感物理心思寡
所諧生念同門友襟期曠以乖亨衢未接武丘樊
尚高棲王度今清夷縉紳若雲來鳴珂登鳳闕曳
履上鸞臺誰憐抱孤貞甘分棄草萊朝吟小山篇
暮詠猛虎詞會酬盍簪願天意諒不違

車駕遊天界寺應制

車書渾文軌海嶽獻嘉祥皇風載清穆王度日隆
昌開歲時豐慶九域會冠裳璇文星再紀五色日
重光順令下宸遊招搖隨西行靈雨浥馳道條風

清太常萬騎羅長雲千官沸鳴璫翠華旋地軸黃
道闢天閭糾殿開祇林金蓮燦上方百靈儼扈蹕
龍象肅周行于時春始和淑氣播青陽卿雲籠羽
蓋瑞旭炫虹梁多士溢詞林侍從叅翱翔玉音聞
鏊欬御翰灑琳琅賡歌詳舜訓文思粲堯章天顏
穆以愉清宴樂未央願言敷聖澤仁風被八荒

朝回呈諸閣老

承恩入翰苑竊祿侍彤幃日月行黃道璣衡耀紫
微菲才忝下列丹衷無由披凌晨陪稷契日晏揖
臯夔海岳方奠安神人亦恬熙歛蓋瞻鑾馭鳴珂

集鳳池遙望雙闕門飛觚切雲霓交疏羅結綺踈
柳轉文鵬輕裾隨風旋綠樹晝景移明良感嘉會
文物應昌期濯濯聯華采翩翩秀羽儀宣情寄芳
藻聊用頌清夷

贊翰林宋先生諸老

依依野田雀本在桑榆間深林蔭棲息卑枝覆羽
翰春風照九垓陽和德澤寬翱翔霄漢上迺得隨
鴛鸞群公珪璧才盛世仕明君出入金門裏百辟
同繽紛顯宦極崇高下顧念斯文惠然枉禮遇揣
已愧明恩際會信有時感激復何言斐文謝嘉誨

又敬道彌敦

輸役蕭牆

係組赴烏臺解珮辭禁垣弛刑許輸役獲譴尚承
恩跼踖感明宥引咎復何言平明操板築日沒就
微纏寒氣襲敝裘重負頽我有撫已諒無愧服勤
思益愆息杵入屏城仰瞻東華門祥風拂左纛卿
雲護彤軒翬鳳麗羽翰飛稜高中天重關起象魏
光彩一何鮮百辟羅周行鳴珂翕鏘然臯夔儼穆
肅董賈來翩翩白日光昭融下照寧有偏微命嗟
薄劣獨茲阻周旋

治縣事作

訟庭敞公館牒訴日紛紜退食常少暇吏牘苦長
勤刻木對胥曹皇華勞遠賓清晨起坐署日入未
解紳出沐事宴遊聊用散我神雲還幽谷曙鳥鳴
芳樹春信美非久居欲留嗟無因逝言謝簪紱垂
綸越水濱

送王給事南還

良時幸一違嘉運難再逢流序若飛電倏忽歲云
終羨子瑚璉器林麓隱高蹤適此徵俊彥奮起惠
家邦觀光充上賓恩禮赫以隆金門拜給事百辟

蕭敬恭迴翔忽斂翼言歸滄海東昔若雲中鳳今
若南飛鴻出處各有道顯晦詎能同微官慚苟祿
仰首慕清風文成德亦著節立道斯崇願言秉夙
志永保貞素躬

還山行

禽魚不可友出就斯人居迂才忤盛世復此歸
敝廬投迹近逸民振衣辭高衢白雲遶我屋清澗循
我除深林挽雲軒松竹鬱森疎貧家何所有但有
琴與書日暮無人來濁酒聊自娛神全慮斯澹妙
得景亦俱宜不樂守貞幽抱恒未舒屯膏違聖訓

獨善曠仁譽徘徊望嵩衡惻惻懷居諸

擬古

行行重行行

岐路一尊酒送君當遠行交持未及竟絲管激哀
聲冉冉歲華暮悠悠雲氣征馳車戒往路惻惻傷
我情我情默已傷歡愛不可忘昔爲春花妍今爲
秋艸芳秋草芳有時夫君見無期獨宿坐長夜淚
落如縷縷白日儻回照孤懷君所知

青青河畔草

青陽煦林薄春氣匝道周婉孌都人子采桑南陌

頭脩眉姚清揚玉顏和且柔明粧照碧落五馬爲
久留久留諒奚爲妾非貴者儔貧守蓬蘞餼食
獨安羞

青青原上栢

置酒高堂上賓友列長筵綺食羅雕盤烹鱉膾熊
蟠回風吹繡縠悲管間清彈遺響妙入雲慷慨有
餘懽流光若逝水安得長駐顏薄酒聊斟酌幽襟
良可歎

今日良宴會

南園有佳人窈窕桃李顏容華一何麗顧見生光

妍進退禮自防秉德幽且閒良媒候嘉意君子希
令言鴻鴈念儔侶睢鳩鳴河間盛年若流水隱處
獨長嘆

西北有高樓

華月散高樹列曜何參差流光射結綺思婦慘中
闈良人涉遠道感嘆夜何其清聲發妙曲宛轉有
餘哀妙曲固可聽餘哀知爲誰春至桃李妍歲暮
華色衰居然獨處廓顧影久徘徊

涉江采芙蓉

故人隔千里寄我青琅玕琅玕色美好愛重若立

山感茲纏綿意將以遺所懼路遙不能致欲種排
風翰

明月皎夜光

離離谷中樹燦燦春華芳枝葉何盛茂忽然隨風
揚流光有凋換物理安可常擾擾路旁子哀歌使
我傷杪秋天氣肅白露結嚴霜攬衣不能寐起視
夜何長明月出東壁衆星羅縱橫歲暮鷓鴣鳴百
草青自黃遠道者誰子驅車登太行太行鬱嵯峨
天路無津梁興言念同志涕下沾我裳

冉冉孤生竹

青樓何高高綺疏臨道旁美人娛永夜皓齒發清
倡玉顏羞掩媚妙曲婉成章含宮亦泛羽忽復轉
徵商行雲駐遠漢飛塵連虹梁識曲世所稀遺音
空飄揚歌竟夜聞寂悠悠哀思長

庭中有奇樹

洞庭木葉下悲吹激微寒美人倚脩竹凝睇九疑
山層雲沒遠巘軒車絕來還既懷文玉佩復采澧
水蘭結言欲有贈天路遠險艱沉憂坐將老歲月
銷令顏

迢迢牽牛星

北風吹雪霰同雲四垂陰惠而能好我寄我瑤華
音蟋蟀入床下晨風飛北林川梁限楚越思子間
傷心

回車駕言邁

壯士悲白日達人愛景光景光無停留鬢髮忽以
蒼嚴霜被野草行旅思故鄉禽鳥有所識百蛩知
潛藏如何不弔勉老至空自傷

東城高且長

咸陽九原上昔日冠蓋塲秋風動禾黍曠野浩茫
茫大化無停留榮耀安可常煙雲迷五柞榛棘沒

長楊時運理則然來者徒自傷所以放志意酣歌
稱我觴鳴箏縱繁響緩此幽思長回車長樂坂將
去復彷徨願爲雲中鴈寥廓恣高翔

驅車上東門

良辰集寗酒登北邙百草何離離高墳被山
岡四野生悲風夕日寒無光狐狸穴空壙穉子覓
亡羊人生寄一世奄逝若朝霜高堂與大宅終作
荆棘塲蓬萊隔弱水仙說成荒唐及時且行樂勿
用徒悲傷

去者日以疎

孫西齋集
白口無流光逝水無迴波浮生類轉燭運盡歸山
阿松栢夾長路高墳起差歲古來皆若此咄咄將
柰何誰絃雍門琴和此薤露歌

生年不滿百

日月逝朔望推遷無時停鼎鼎百年內所爲竟何
成賢者解斯理達生外其形良辰有美酒日對宿
友傾迢遙閨風丘竒樹秀瑤英周王八駿沒天路
杳冥冥

凜凜歲云暮

江潭十月交霜露萃郊原卉木無留榮百草日夜

乾鴻鴈鳴洲渚猿狖悲空山閨人念遠道撫節涕
泚瀾川梁一睽隔魂夢夜不安厚愛君詎知新思
忘前懽忘誠不見白剖心良獨難望望千里道無
由生羽翰

孟冬寒氣至

愁人起視夜北斗低復昂中垣耀室壁良月知載
陽客行涉遠道葛屨履嚴霜願欲同辛苦江漢愁
且長臨風付書札鴻鴈無來翔悄悄閨闈心歲暮
惟獨傷

客從遠方來

妾有錦繡段文采裁爲衾上羅連理枝下織雙飛
禽惜此嫁時物珍之比南金良人隔山海歲月亦
已深願因飛鴻翼寄以表此心

明月何皎皎

歡愛夏日短憂愁春夜長房帷敞虛白對此華月
光薄寒凄以至入我羅衣裳悄悄感心目欲寐還
不遑良人遠行役三載滯遐方別時木葉落今已
花卉芳無由達衷曲悵望隔河梁

西菴集卷之一終

西菴集卷之二



樂府

將進酒

青瑤案上離鸞琴一徽已直千黃金開樽花下對
明月欲彈一曲還沉吟沉吟幾低首且彈商
聲勸君酒雍門風樹春蕭蕭地下田文骨應朽

紫騮馬

紫騮馬黃金羈妾家夫婿金陵兒金陵正值繁華
時日與遊俠相追隨追隨遊俠金陵下長跨金羈
紫騮馬賭勝初登蹴鞠場縱酒還來鬪雞社越羅

楚練照晴空飛鞚揚鞭去似龍却轉端門回輦路
斜穿夾道過行宮行宮夾道通三市長使旁人誇
意氣紫陌春融錦繡連青樓日暮簫笙起青樓娼
女研羅裙清歌宛轉駐流雲歌闌陌上春風度舞
罷樓前壁月新陌上樓前相識多相陪相引屢經
過房櫳寂寞交疏裏雲鬢粧成柰爾何

烏夜啼

龍葱窓閉雲凝影織錦梭停蜀絲冷蘭心欲語還
自緘待郎不來秋夜永秋烏夜夜啼啞啞鳳書應
來郎到家開門自把批把花

望行人

高樓臨廣路朝日麗綺疏美人盛容飾凝涕倚踟
躕踟躕長太息愁思鬱煩紆愁思知何爲自言惜
離居將期歲暮返忽歷三載餘昔如春園花今若
蘊水蕖盛年詎可再獨宿誰與娛思逐北風翔相
從千里餘中途儻相失浩嘆何所如

長相思

洞庭清秋灑氣多金盤彩月搖碧波湘靈朱絲奏
雲和九疑木落風娑娑長相思渺何極湘山雲斷
湘水深淡竹年年雨花碧

飲馬長城窟行

長城去迢迢征馬鳴蕭蕭馬飲月窟水長城萬里
遙征人行從軍離家今幾春春花復秋草閨人念
遠道遠道歸無期漂流不相知徘徊復展轉展轉
長相思相思不相見涕淚鉛華滋風從西北來吹
我井上桐寒涼颯將至惻惻傷我衷乘月搗寒衣
丁丁砧杵悲衣成欲寄遠君在天一涯瘦馬戀破
櫪倦禽思故巢君行亦已久孤妾寧自聊遠使來
長城帶得音信還書中何所道但道寄平安平安
不顧返歲月忽已晚君心知若何妾意今無限

行路難

君不見翟公昔時作廷尉蟬聯賓客填門至竝披
縫掖曳長裾夕振鳴珂晝停騎綈冠博帶稱往古
吐氣揚眉論當世交態渾如金石堅朋情肯數芝
蘭契當時意氣何豪雄炙手可熱噓生風日晏聯
鑣登紫閣平明騎馬出銅龍只道浮華長若此誰
云生死不相從一朝官罷成索寞門外庭前可羅
雀寂寂蓬居向午開蕭蕭木葉驚秋落古來此道
今可悲須知榮悴亦無時花前且盡一壺酒世事
悠悠儂不知

行路難

龍門西接崑崙丘中有一帶黃河流風雷噴薄
不可以利涉鬼浪吐雪龍爲愁我行欲濟無方舟
長吟澤畔成久留暮天搖落對羈客白石楚楚青
楓秋行路難歲將夕靈槎八月秋風生安得乘之
沂空碧

白頭吟

妾昔深閨裏風情未嘗識獨有如花容嬋娟自憐
惜願言嫁得同心人共駕雙飛彩鸞翼君時走馬
從東來揚眉吐氣萬人開當時鴻鴈豈無侶妾獨

憐君英俊才一夕誤踰垣從君共君語君指松柏
枝歲寒永相許從君衣錦還故鄉蓬屋蕭然但環
堵相守存貧賤栖棲還共居自除花壓面起結青
羅襦當壚滌器不知耻逢君他日乘高車一朝意
氣題橋柱偶上金門見明主十年詞賦髮成絲縱
博黃金只如許才華備供奉富貴能幾何文園病
消渴憔悴亦已多金莖瑞露不得賜起視雲漢空
星河不謂羈旅餘向來聘私室舊好如塵埃新情
若膠漆清晨起坐白頭吟哀怨凌天薄雲日哀怨
復哀怨娥眉空自顰生來見事晚怨妾不怨君投

珠擲壁不自惜晚節末路當何云妾已無復言於
君更何道願君與新人歡愛永相保莫貪春日兔
絲花亦作秋霜女蘿草妾有青銅鏡蛟螭蟠玉臺
自君一爲別棄置生浮埃志殊心異不在貌珠簾
繡匣寧勞開案上龍唇琴冰絃冷將絕悲來試一
彈不覺淚成血因君一曲鳳求凰誤妾淒涼百年
月浪盪指明月清光無定時君心亦如此中路豈
不移妾心懷冰霜凜凜君詎知君心儻有能回日
缺月重圓應可期

昭君歎

憶初少小入宮時風鬟霧鬢綠萋蕤自言佳色已
無匹不謂官家猶未知十二瓊樓動光彩三千彩
女妬娥眉鴛鴦不作春宵夢紅葉常題秋日詩畫
工不識媽妍趣卻遣丹青故相悞買工不是吝黃
金黃金已盡相如賦早知容貌世稀有臨別夫君
猶可顧翻將寂寞倚門悲啼向迢迢去鄉路窮廬
雪落似梨花五月天山草未芽鏡玉塵昏孤鳳影
臂紅香冷守宮砂長門無復沾恩澤絕域誰知有
歲華不恨胡沙埋絕色還聞漢國選良家人言北
狩封姑衍盡日凝粧候金輦憔悴雖緣別恨添娉

婷尚勝良家選五雲迢迢山宛宛日近長安一何
遠新愛雖濃獨自憐舊恩未斷誰能遣琵琶一曲
苦從軍調苦單于醉不聞霜壓甌觥秋欲半月低
絃索夜將分溶溶淚濕龍香撥冉冉愁看鴈塞雲
病裏常思霍去病夢中猶詛奉春君

湘妃曲

沅江木葉下洞庭秋水多湘靈羨清夜隱約倚層
阿水雪耀玉容遠山歛翠娥風鬟散香霧羨盼溢
回波明璫結珠珮絞綃夾素羅金支色璀璨翠蕤
光盪摩小環奏玉簫雙成鼓雲和瑤管雜哀怨清
彈間嘯歌妙曲隨風揚餘音泛流霞林端舞鸞鴉
水際起蛟鼉問汝何所思慨嘆慕重華軒車去杳
邈黃陵起差葦汀洲生蘼蕪松柏掛女蘿清泝下
灑竹爛斑隱成花日暮天氣肅星移歲嗟陀靈荃
不可見婉戀悲如何九原儻可作千載復來過

阿嬌怨

妾昔初入昭陽時橫雲學得內家眉風鬟霧鬢在
君側長恃娉婷不自持侍宴前樓春爛熳承歡別
殿夜逶迤西涼絃索龍香撥北苑葡萄金屈卮一
從寵薄恩光歇長門求巷喧呼絕斗帳香銷豈蕊

垂舞裙寬褪丁香結熏籠夕倚瑣窓兩羅襪秋凌
玉堦月淒迷夢醒心似灰零亂憂來涕如雪橫塘
浦口大堤邊女伴年年憶採蓮雙飛翡翠渾如畫
竝蒂芙蓉只似僂傍舍誰唵白華曲下堂長詠綠
衣篇君恩若許重相惜缺月清光應再圓

班姬怨

燕燕復燕燕飛來尾涎涎朝辭烏衣國暮入昭陽
殿羽毛一何好似許令儂羨遂令同輩人咫尺不
相見新愛易舊歡物情有遷變白日尚移光君恩
詎能徧懷今思獨永感昔淚如綫秋草沿玉堦流
塵滿紈扇紈扇知妾心携持自障面時來即所遇
勢失貴亦賤庭樹秋風生無勞匣中怨

烏孫公主歌

咽咽復咽咽羊車鳳輦恩光絕新新復新新駝裘
貂帽來相親昔爲花月漢宮女今作風沙胡地人
漢宮胡地何分別人生過眼如一瞥彩雲易消月
長缺柰可嬋娟涕如雪且喜華夷罷戰爭天南天
北樂昇平一堆紅粉壠頭塋百萬兒郎邊上生漢
宮剩有三千女豈憚邊庭有強虜從此龍泉不用
磨只從天下選嬌娥銀鞍白馬金橐駝琵琶絃索

聲相和葡萄酒綠朱顏酡壻家兒孫日日多年年
只報烽火息莫問嬋娟傷綺羅

白紵四時詞 四首

姑蘇臺上春風和江花亂落江水波交疏楊柳綠
參差華筵夜列開綺羅當筵西施間羣娥朱顏爲
君起微醺自拈紅牙節清歌飛花著人思繁多華
月耿耿度斜河疎星出河夜欲過烏啼啞啞柰爾何
閶門輦路薰風時江光瀲灩芙蓉披翠羽霓旌照
洲渚鑿輿出遊初避暑西施含顰嬌不語群娥鬪
起歌白紵回風舞袖爲君舉歌聲窈窕一何長白

紵之白白如霜木瓜花紅荔子香東江月出西江
光銀壺酒多樂未央

館娃宮畔風蕭蕭芙蓉隕香楊柳凋銀河影淡烏
鵲橋熒熒雙星麗碧霄美人微醉臉紅潮筵前舉
袖催玉簫舉歌白紵闌嬌婉越羅楚練風飄此時
奉君情欲絕銅龍夜深宮水咽銀床低轉梧桐月

北風吹江日宛宛江天飛雪簾櫳滿美人臺上鬪
腰肢羽觴流霞照華瑄筵前西施含醉眼歌停綠
水聲欲緩群娥玉環低欸欸別宿臺前水僊館美
蓉帳高錦雲暖儂覺寒宵作那短

團扇詞

團扇復團扇秋風浙浙昭陽殿燕燕飛來尾涎涎
同輦夫君不相見長信宮深秋夜長玉階坐對明
月光玉繩低垂夜未央牽牛織女度河梁自投長
袂數愆殃夢魂彷彿若有亡夫顏夢見在我旁覺
來邈若天一方起樓鳴箏發清商舊怨未平新怨
長新怨未平復舊怨怨此啣泥梁上燕雙飛雙宿
令人羨還來啄人嘴如箭燕燕子飛柰爾何閑愁
不爲傷綺羅長陵百尺高嵯峨山精日落悲薜蘿
誰能爲譜螽斯羽翻作當筵白紵歌

梁父吟

江水何深深青楓映雲林衡門一杯酒抱膝梁父
吟君不見夷吾奮袂投南冠故人薦引登君門揚
眉吐論下荆楚糾合冠裳朝至尊又不見樂生徒
步從西來燕平一擁帚調笑黃金臺轅門一日見
旌節七十齊城生暮埃古來英俊人所遇皆有立
袖拂驪龍珠能令鬼神泣而我獨何爲幽泉凍蛟
蟄荒蘿繞屋秋兩凉山鬼吹燈冷光濕幾欲乘風
朝太清芙蓉縹緲白玉京天田角井散煙霧阿香
布鼓琅璫鳴星辰可望不可即手把琅玕空復情

孫西齋集 卷之三
爲臣自古良獨難我史懷之摧肺肝田疆古治三
益士昔者虎視青齊間悞罹相國二桃計恨血今
爲春草斑白頭勳舊且如此何況新知而醜顏梁
父吟聲正苦日落未落天星黃西園灌木秋楚楚
青青千里草如霧兀兀當塗高踞虎長陵百尺空
嵯峨夜半山精泣風雨世無女媧五色石天柱欲
倩誰人補荊州水碧岷峨青思美王孫渺何許梁
父吟聲苦傷歌闌玉壺缺白髮千丈長起坐擊長
劍仰天悲流光西歸白日爲誰晚東流之水何決
決青冥黃鵠儻垂翅我亦凌風隨爾翔

桂劍臺

我有白虹青霜之寶劍舞時燁燁蓮花艷去年北
上東蒙峯君眼如猶看不厭今年匹馬歸江東將
期豁我抑鬱磊落之心胸懷君不見淚如水墳樹
索索生秋風歲華零落對杯酒酒酒酣脫劍爲君壽
今爲君贈君不知墳前掛向桂樹枝等死酬知心
所許劍有神靈劍應語金環魚腸寧足數草平翁
仲月荒涼山鬼提携學吾舞

銅雀臺

阿瞞在時起臺殿宰割山河幾征戰賦詩橫槊氣

何雄賣履分香淚如霰良辰吉日入自悲安有繁
華非昔時華容慢舞對松栢歌笑喧喧知爲誰有
歌有舞還尚好莫怨西風翠蛾老君不見栢梁廢
榭無人登煙草淒淒茂陵道

楊白花

楊白花 花離離隨風化萍草蕩漾無還期
僊桃醉日甌餽暖荔枝漿凍黃金盃連臂歌殘翠華館
愁來玉環低欸欸春宵長春宵短

休洗紅

休洗紅 洗紅顏色落莫思君思君懷抱惡君恩原
不淺妾命由來薄君如白日不回光妾有芳情向
誰托休洗紅洗紅生寂寞

蔣陵兒

蔣陵律兒身手捷青年好遊仍好俠錦衣繡帽綵
絲囊綠鬢葱籠映朱頰春風二月蔣陵西柳暗秦
淮花蒲堤窈窕裊金鞍搖日出輕盈紫陌踏花嘶佳
人紈扇和詩贈上客金瓶帶酒携上客留連正及
時佳人妙舞鬪腰肢舞回壁月當空見歌罷楊花
似雪飛楊花似雪紛紛落酣醉人前誇浪謔自然
不分揖金張况肯低頭拜衛霍意氣由來凌七貴

豪華豈必資三畧五侯宅裏聽啼鴛廷尉門前彈
羅雀楊雄寂寞掩柴扉艸得玄成髮若絲歲歲年
年書閣底惟應羨殺蔣陵兒

苦寒行

隆冬十二月四野雲氣浮寒日霾夕光層陰肅幽
幽苦哉離家人歲晏尚遠遊北上太行坂屈結阻
且脩西轅指張翼東轍望幽州嚴風裂短袂密雪
凋敝裘熊羆啼路隅鬼火照林陬車轂陷泥滓馬
毛凍颼颼涉險終日行薄暮不得休苦顏帶冰屑
涕淚沿眶流空山絕人煙野飯依古丘行囊已

盡何以慰旅愁苦哉離家人坐念生百憂

鞠歌行

熒熒園中花濯濯堤上柳春日齊敷榮秋至就衰
朽萬物隨變化浮生詎求以自非彭與聃誰能長
壽考君看少壯顏倏忽成老醜及時當電勉遲暮
復何有

傷哉行

長夜何漫漫愁氣悽已悲浮雲掩明月涼風吹我
衣曳履出房帷鳴珮下重階俯觀霜露集仰視星
宿稀倦鳥止復翔百虫鳴聲哀飛翻念儔侶呻吟

知歲時感茲時物變惻怛傷我懷誰能駐流光息
此心所思

懊惱曲

妾家良人壻執戟明光裏四時遷顯官寵幸無與
比似妾初嫁時容光照鄰里芳榮有衰歇喧赫詎
可恃火熱變灰寒懊惱何時已

長安篇

長安形勝地京華富才雄北開左馮翊南列右扶
風漢道方全盛象魏何穹窿逶迤長樂坂壯麗未
央宮游俠多少年妖女秀華容凌雲飛甲第照日

輝簾櫳行樂正及時綺羅繡籠葱珠葉搖蟬鬢銀
鞍被玉驄千花色炫爛萬柳景昭融擊鞠都門外
鬪雞馳道東青樓啓夕月瑤箏沸春空良時逝不
留流連會有終且極娛心意無爲虛光風

上京行

京華全盛日江南鉅麗時鳳閣凌天翥雕甍向日
披堤楊垂宛轉溝水遠逶迤萬國年方泰三陽景
載熙少年縱娛遊游俠相追隨載酒聯絲絡乘驄
鞚玉羈鬪雞初賭錦擊鞠復爭馳百卉照眼明步
障隨風移珍禽哢幽響咬嘎一何悲日暮宴青樓

稱觴侑瓊姬開筵列上客急管聞哀絳爲樂殊未
央但惜白日歎豪雄極志意黃髮以爲期

採蓮曲

江南好採蓮蓮葉何田田魚戲蓮葉下鷗飛蓮葉
邊蓮葉蓮花耀洲渚桂楫蘭橈下長浦採蓮採葉
忘採花隔水停船共君語君語不還顧妾心將柰
何回船向明月月照江水波江水照妾影明月知
妾情卽心得似此明月兼照蓮花與蓮葉

短歌行

擊長劍和短歌短歌聲無歡調促情苦多盼流光
疾逝波青銅霜飛杰老何

長歌行

彈鳴絃發清商悲吹激林木歌聲一何長歌聲長
絃聲緩百年鼎鼎不易滿

古意二首

山樊花落春風起吹妾芳情渡湘水夢中蝴蝶相
交飛門前鵲聲卽馬歸

梧桐初落金井牀斷蛩聲裏月如霜沉沉玉漏清
秋夜妾顏如花恐愁謝

秋風詞二首并序

魏文帝作燕歌行蓋秋風四時之變而其音韻鏗鏘情思悽愴爲千古七言之祖其後如少陵秋風兩首邢君實秋風三疊皆本此而作者也今特衍其詞語分爲三首略竊三疊之意雖未能以配詩祖則亦可彷彿四愁之遺響云

秋風嫋嫋天意晶寒虫唧唧霜露零白雲孤飛鴈南征念君歲闌遠遊行長年驅馳竟何成閨閣盼望空熒熒哀來傷秋百感生感極涕淚沾衣纓何人月高彈鳴箏繁絃急絲攪離情銀河橫天湛空

明哀徠寥寥共悽清微禽安棲夜不驚夫君胡爲未遑寧

秋風颯颯林木空吳山楚山千萬重湛湛江水上
有楓念君遊行遠從戎不遑寧居走西東寂寞空
閨敞房櫳獨宿涕淚沾襟胸悵望不見憂怔冲長
雲遙天叫孤鴻哀音嗷嗷思無窮黃姑斜河夜正
中牽牛七襄淡橫從夫君胡爲苦匆匆

秋風淅淅庭宇虛日行南陸露如珠江空木落芳
歲徂念君遠遊今何如別離不得尺素書妾又悲
傷惜君諸惻惻涕淚盈衣裾疑思關山倚踟躕南

鄰誰家吹笙竽清聲撩人思煩紆繁星麗天明月
孤城頭夜棲白頭烏夫君胡爲未寧居

南浦曲

君家住南浦妾家住橫塘少小曾相識况復是同
鄉妾年與君相上下月下花前幾相許相憐相愛
君不知卻共何人隔花語芙蓉被霜那得連荷風
蕩露那得圓君情君意苦難定妾貌妾心長自憐

橫塘曲

鶯黃不染衣蝶粉不勻面有情翻作無情悲相見
渾如不相見落花深處紫駟嘶紅藕香中畫舫移

藕絲難疊同心結花影空成連理枝君如呼沙鴻
妾似浮波鴈暫時照影相和鳴逐浪隨風各分散
分散杳然去幾時還合并芙蓉易謝月常缺亦似
人間離別情

春愁曲

妾意一何長春光一何短良人遊冶卽去去不知
遠含桃石竹花盡紅房櫳蝴蝶醉春風令人翻愛
遠離別孤絕相思情更濃

春開曲

去年百花開春風妾顏窈窕如花紅今年花色仍

自好妾顏比花已漸老良人新愛移平生妾貌如花空復情花開無言妾不語妾淚長垂花帶雨

游絲曲

游絲映戶春風盪雕簷雨浥蜘蛛網春花亦笑綺
帳空故遣飛紅入虛幌青樓夫壻醉忘歸魂夢相
尋意轉迷恍似妾心懷舊愛還如君意戀新棲綺
疏鸚鵡通人語戲把琵琶擲金羽含情暗卜無心
負今夜渠儂到家否游絲管花風葉葉吳羅袷薄
新寒怯蜂遊亦解錯綺疏不獨房櫳出蝴蝶懷人
不爲青春過別有閑愁幽思多君情妾意俱腸斷

舊愛新憐奈爾何

落花曲

昨日見花開今日見花落花落花開還滿枝人老
終無年少時勸君及時且行樂莫管花開與花落

木葉曲

南風木葉青北風木葉黃木葉有零落客心與爾
同悲傷悲傷日日人漸老明年木葉依舊好

蓮花曲

蓮花復蓮花蓮花相交加葉如雲鬢偏宜綠花比
妾容還更佳蓮葉蓮花相對好妾容妾鬢愁中老

孫西齋集
卷之二
十七
葵花曲

蜀葵花開開復落黃金滿地秋風惡良人遠去不
歸家秋風吹落蜀葵花蜀葵花落開復好良人不
歸愁欲老

鴛鴦篇

南浦雙鴛鴦生來不獨宿葉底已雙飛花邊還對
浴鴛鴦可羨復可憐况妾容華方少年

織婦詞

吳中白紵白如霜春風入衣蘭麝香二月城南桑
葉綠新蠶初出微於粟採桑日晏携筐歸夜半懸

燈待蠶熟線成素絲經上機兩日一匹猶苦遲織
成裁衣與即着妾寧辛苦教即樂家中貧富誰得
知即無衣着他人嗤

古鏡詞

貧女池邊得銅鏡鄰媪歡呼喜相慶持歸鉛粉三
丁磨龍影模糊面猶瑩機中剪素爲鏡囊染絲繡
作雙鴛鴦橫看豎照心不厭借挿金釵學士堂廢
銅雖舊惜於寶無錢買新舊亦好誰識青樓金鏡
開珍珠綴匣瓊爲臺

漁父詞

順流得魚易逆流得魚難難易有天定順流心所
安網羅踈踈釣曲直老翁取魚兼取適

樵父詞

清晨腰斧出日暮腰斧入青青遍原野造化若不
息我願嚴霜殺荆棘蒼松翠栢高千尺

田家歎

田家養牛如養龍妻孥望歲長防冬耕田得暇縛
屋茅編竹着坭防北風山田不兩水欲涸田頭水
車鳴角角歸來夜半猶未眠新婦懸燈照蠶箔田
家作苦無休時夏來糶穀春賣絲無因昨夜到城

郭羨殺狂遊輕薄兒

耕父詞

朝耕山下田暮耕山下田辛苦食筋力持此終歲
年耕田得穀豈不樂但願年豐莫作惡

耕牛詞

朝出牛亦出暮歸牛亦歸牧牛如種樹貴在不擾
之放牛散食山下草草香水甜牛易飽

牧羊詞

隴羊尾篔篔山虎毛離離願得山虎死隴羊長自
肥蒼茫大化良亦苦怪底生羊復生虎

射雉詞

春雉巢草中子母不相離時時引子嬉翅短還墮
池回弓落箭不射之深山大澤從汝飛

射虎詞

射羊得羊食射虎被虎傷始知學射虎不如學射
羊村前村後腰我弩但願逢羊莫逢虎

採菱曲

朝遊大堤口暮泛橫塘邊紅粉照綠水自羨還白
憐紅粧照水人見好涉江採菱何可道

石榴詞

纍垂纍垂復纍垂纍垂壓倒珊瑚枝西風擘破玳
瑁皮露出數顆珍珠兒

採蓮詞

誰家遊冶卽日日在橫塘只採蓮葉綠不採蓮花
香採蓮採葉猶自可憐新棄舊愁殺我

蠶婦詞

朝看箔上蚕暮取繭上絲絲成給日食不得身上
衣早知阿家蚕事苦不若當初學歌舞

貧女嘆

寒花難爲紅貧女難爲容蕭條鏡中影寂寞林下

孫西菴集
風蛾眉翠黛誰家女日日東鄰教歌舞

西菴集卷之三

歌行

南園歌

贈王給
事彥舉

昔在越江曲南園抗風軒群英結詩社盡是琪琳
仙南園二月千花明當門綠柳啼春鶯群英組絡
照江水與余共結滄洲盟滄洲之盟誰最雄王郎
獨有謫仙風狂歌放浪玉壺缺劇飲淋漓宮錦紅
青山日落情未已王郎拂袖花前起歡呼小玉彈
鳴箏醉倚庭梧按宮徵哀絃泠泠樂未終忽有華
月出天東裁詩復作夜遊曲銀燭飛光白似缸當

孫西齋集
時意氣凌寰宇湖海詩聲萬人許酒徒散落黃金
空獨卧茅簷夜深雨分飛幾載遠離群歸來城市
還相親閑來重訪舊遊處蒼烟萬頃波粼粼波粼
粼今日將夕西風一葉凌虛舟猶可題詩寄青壁

廣州歌

嶺南富庶天下聞四時風氣長如春長城百雉白
雲裏城下一帶春江水少年行樂隨處佳城南南
畔更繁華朱樓十里映楊柳無龍下開戶牖閩
姬越女顏如花蠻歌玳曲聲咿啞尙我大舶映雲
口賈客千家萬家宰春風列屋艷神仙夜月滿江

聞管絃良辰吉日天氣好翡翠明珠照烟島亂鳴
鼉鼓競龍舟爭觀金釵鬪百草遊冶留連望所歸
千門燈火爛相輝遊人過處錦成陣公子醉時花
滿堤扶留葉青蜺灰白盤釘檳榔邀上客丹荔枇
杷火齊山素馨茉莉天香國別來風物不堪論寒
落秋花對酒樽回首舊遊歌舞地西風斜日淡黃昏

草書歌

贈顏景
明隱

鍾王去我忽千歲字體變恠少復真虫文鳥跡又
不見塵姿俗態空紛紛邇來繼者誰獨步前有禿
張後醉素詞林秘府頃見之令我嘖嘖生遠暮君

家此本猶清妍神奇老筆真可傳頽墻敗壁霹靂
死枯檜古栢蛟龍纏秋蛇春蚓未易得見爾爲爾
重嗟惜寶之不翅珪與璧煩君收取謹護藏莫遣
風雷化真迹

羅浮歌

寄洛陽李長史仲脩

亭亭西樵峯宛在南海湄日華麗仙掌影漾金銀
池我昔扁舟恣長往凌風浩蕩烟霞想尋幽更欲
探神奇復向羅浮事仙賞仙家三十六洞天羅浮
復與滄洲連丹霞射影四山靜群真環珮來翩翩
縈珠之峯數千丈君時與我緣蘿上水簾直下飛

晴虹萬壑天風度流響山中劉郎司玉臺仙書授
我琅函開心如明月炯虛照身與浮雲同去來此
時會合那能再塵土分飛忽三載我行奏賦登金
門君亦乘輶渡淮海淮海迢迢烟樹深相思歲晚
結愁心長風萬里碧雲遠何由一寄還山吟山中
洞房春寂寂山中之人長嘆息松花酒熟人不歸
瑤草春風幾回碧

智空和尚種松歌

老僧種松如種柳封植不知年歲久寒梢未解蟠
穹蒼已見鬱律蛟龍走焚香展席坐松陰白石清

泉清道心虛無自有神鬼會風雨不妨猿鶴吟老
僧與松有深契浮華淨盡存實際歲寒不受冰霜
欺靜隱山中閱人世亭亭只作如是觀松年僧臘
俱高寒夜深滕六雪中立日落山精林際看老僧
愛松如骨肉不比枯梅與瘦竹君不見人間艷陽
枝春盡飛花滿岩谷

題皇甫文遠所藏左司郎中堵炳山水歌

繁華亂翠時共喜金膏空青人罕識每觀皇甫先
生圖令我感此三歎息墨樵避俗如避鴉折花頻
見先生招亂雲團城樹宛宛澹墨掃作山迢迢人

言此是雲谷底武夷下映九曲水不然五老匡廬
峯萬疊芙蓉照彭蠡低低茅屋溪澗濱墨樵更寫
先生真千章古木一藜杖毛骨自是仙中人塵緣
淨盡丹砂熟蒼虬停飛虎亦伏山童卷取琅函經
縱有黃庭不須讀烟霞此樂真不迂臨風卻作長
嗟吁十年未得還初服蕙帳石室今何如先生歸
來早卜築我亦同棲此山曲便煩作賦邀墨樵更
與泉南數竿竹

南京行

南京自古說豪雄遠勝秦中與洛中吳越千山高

拱北巴江一道遠朝東秦淮水入丹陽郭北固城
連六代宮岌峩石頭如踞虎逶迤鍾岳似盤龍龍
樓鳳閣天中起萬戶千門霄漢裏太乙勾陳紫極
通翔鸞舞鶴珠峯峙卻日觚稜駕寥廓行空複道
侵箕尾仙掌銅盤玉作流靈芝華蓋霞爲綺華蓋
靈芝粲綺霞御橋金水正當衙五門彩旭朝天仗
馳道香風散日華細柳千章爭拂地嬌鶯百轉競
啼花紫電龍光飛武庫雕甍甲第列侯家侯家卿
相真才彥玉笋蟬聯奉天殿屈宋摘文入石渠韓
黥耀武專方面黃閣承恩宣雨露烏臺執法行霜

霰環珮聲清散早朝葡萄酒綠沾春宴春宴春風
坐百花歸來 君馬香車金張富貴人爭羨王謝
風流世共誇隱約商笳隨赤羽葳蕤大纛映彤牙
盤陀寶校光前導組絡鳴鑣隘狹斜斜西下通
三市紫霧紅塵拂天起南陌東廂馬似龍烏衣朱
雀人如蟻爭看買珠輕薄兒亦訝探九游俠子猶
懷鳳臺醉李白無復新亭泣周顛井傍美人悲麗
華道上行入譚結綺結綺臨春總可憐龍河一帶
但寒烟天界叢林開象魏冶亭高閣艷神仙神仙
盡是蓬瀛侶更畫秦臺玉簫女渺渺青鸞月下來

飄飄彩鳳雲中舉別有青樓大道旁烟花萬樹儼
成行飛瓊裊上翠羅袖小玉峨峨紅粉粧小玉飛
瓊兩少年清歌妙舞鬪媽妍舞態盤迴芳樹底歌
喉宛轉落花前彩雲作雨朝朝合璧月流光夜夜
圓朝朝暮暮長如此秋月春花若流水去歲今年
景不殊南來北去人相似生綠羅屏遮上客流蘇
帳暖邀公子爛熳三春錦繡城空濛一片笙歌市
繁華佳麗樂無邊我獨胡爲困一廛已似楊雄棲
白屋還如司馬卧文園誰將積業三千牘換取楊
州十萬纏桃李風前歌扇底看花騎馬過年年

虹縣行

虹亭村落如秋花十里五里方一家山城縣治開
草屋草屋低窄旋桑麻丁男當官應徭役婦女看
家種山麥汁溝淤塞無稻苗麥足家家黍爲食野
桑養蚕收繭絲棗根染絲來作衣秋湖水落蓮芡
盛臘月雪深鶉兔肥歲時澆酒五月暮但願開雲
雨如注蚕成麥熟官事閑柳堤人唱桑陰樹

平原行

古原縣郭如荒村家家草屋荆條門自罹喪亂新
復業千家今有一家存稚子採薪割蒿草婦女携

筐拾梨棗丁男應役不在家長駕牛車走東道黃
河水涸無魚蝦居人七月方食瓜人烟星散不成
集棠梨苦葉烹為茶凌州九月官稅促黍子在田
猶未熟春霜夏旱蚕事空不賣新絲賣黃犢銀河
七夕如水流明年麥好君莫愁

平原田家行

零星矮屋茆數把散住榆林柳林下磊墻遮雪防
驟風婦女頽垣拾磚瓦黃牛買得新墾田土戟犁
淺牛欲眠古河無水掛龍骨自縈蒲繩探苦泉山
蚕食葉黃繭老野火燒桑棗樹倒四畔靈雞喔上

啼九月霜風落紅棗春絲夏綃輸稅錢木綿紡布
寒暑穿夜春黃米為新酒學唱清商作管絃平田
早多麥少熟杏盡梨枯惟食粟衣粗食惡莫用悲
猶勝北軍離亂時

驪山老妓行

補唐天寶遺事
戲効白樂天作

秋風楊柳凋金縷冷露芙蓉落芳渚寒香晚色何
所如驪山唐姬教坊女蛾眉淡掃山遠碧蟬鬢半
拋雲亂吐時粧無復新妖嬈曩態猶存舊嬌嫵我
昨咸陽縱冶遊冶遊爛熳遍西州青山直抵雙龍
闕綠水橫過五鳳樓南國佳人金錯落長安公子

三驂騶銀壺送酒青絲絡皓齒當筵白雪謳琵琶
橫笛空聒耳唐姬搗箏妙無比清彈一曲又含羞
呼喚百迴纔強起移柱相參鴈成列調絃未就人
先喜俛首斜拖珠步搖向人高露春纖指接高韻
發響泠泠急管悲歌一霎停初聽乍如風雨至再
彈還作鳳凰鳴清如玉女鈞天奏壯似雕戈出塞
聲澗水帶冰時哽咽春雷震石忽憑陵憑陵未已
旋清悄清悄漸凝聲漸小四座無言俱寂寂餘音
已斷猶縈繞溶溶宛宛復悠悠切切淒淒還窈窕
深閨斷蚓怨寒宵淺谷嬌鶯破春晚纏綿萬恨與

千愁婉意柔情不肯休蔡琰胡笳悲紫塞班姬團
扇掩清秋樓前皓月明如練天外行雲凝不流促
拍未終南內曲新腔忽過小梁州梁州一摺月向
午唐姬此時心獨苦銀甲悲深不忍彈衷腸斷盡
無由語低籠翠袖搵香泪翻使歡娛變淒楚訴盡
平生富與貧可憐人世今成古憶昔開元正太平
兒家生長在天京十三學舞曾驚座十四搗箏能
擅名玉貌羞花長窈窕宮腰怯柳更輕盈春寒不
離鴛鴦枕日晏方開孔雀屏五陵年少秦川客爭
愛兒家好顏色殢雨尤雲最惱人追歡買笑寧論

直聲名每出流輩上風致獨覺旁人惜承恩况得
登掖庭宛轉隨龍侍君側海晏河清久息兵四夷
賓貢盡充庭炎方已見來丹荔交趾還聞進雪鷄
耀日香車連紫陌飛雲畫棟列朱甍空濛一片笙
歌海浩蕩三春錦繡城驪山山上多樓閣萬戶千
門通碧落大駕深居在九重四時多暇惟行樂已
營連昌勝結綺復起芳鳳齊花萼壺飛玉女迎更
籌舟載金龍動鱗角侍臣傳勅選嬌容特許兒家
步輦從宮扇影移花雨外山呼聲沸錦雲中千株
火樹爭明月萬炬金蓮闢彩虹子夜歌詞翻白雪

霓裳舞隊散旋風歌停舞歇徘徊久銀箏獨進纖
纖手明眸麗質一當前含顰美人俱在後數聲清
響動絃索八面涼風生戶牖豔曲新裁萼綠華中
官催賜葡萄酒年年秋月復春花多在宮中少在
家嬌笑不愁宮監怒艷粧長得阿姨誇朝遊複道
瞻天表夜步西廂拜月牙闔草經春陪號國藏闈
竟夕伴昭華韶光忽逐流年轉野鹿嘶花上林苑
鏤騎東來鳳闕空金根西狩蛾眉遠上方無復聽
宣召新籍寧辭避差遣約臂金環兩雪寬凌波錦
襪風埃蹇星移物換得無情復向驪山悄地行紫

禁無人芳艸合瑤堦兩過綠苔生歌臺索寞花千
樹舞榭蒼涼月半檣繡閣秋陰連瓊闥銅仙清淚
落金莖高梧墮翠蓮飄玉太乙勾陳者不足百子
樓寒霧影昏長生殿古烟光綠宮牆瓦落見蒿萊
輦路塵生走麋鹿舞馬雕床惱夢思花奴羯鼓驚
心口故宅新人作宴遊內家紅錦列纏頭珠簾綉
柱俄成夢鳳管龍笙總是愁舊曲聞來眉自歛盛
年說着口應羞飛蓬短髮難禁白老屋踈茅不柰
秋舞衫長借鄰人着同伴相呼只推却臉玉香隨
翠靨消淚珠暗逐燈花落夏來倒插黃金鳳夢裏

時彈白翎雀百感中來不自由芳心一片從誰托
唐姬言語一何長句句淒其字字傷滿座聞之聲
唧唧沾巾我亦爲浪浪滄桑轉瞬誰能識富貴浮
雲安可常覽鏡每聞悲素髮舉杯長欲勸流光唐
姬亦莫懷抱惡自古佳人多命薄傾城西子逐鷓
夷絕代明妃嫁沙漠尊前有酒且懽咲身外閑愁
付眞漠皎月秋來幾度圓穠花春盡從渠落唐姬
攬涕復陳情請作驪山老妓行桃李風前霜月下
長吟亦足慰平生不因水上琵琶語那識江州司
馬名爲爾臨風歌一曲百年哀怨起秦箏

余既作此詩本戲筆吟弄以爲懽笑耳而
客有問余者曰子詩淺易明白恍惚樂天
然用事不免多誤上林苑是漢家事白翎
雀是世曲子百子花萼樓恐不在驪山上
如何余笑曰那知許事且啖蛤蜊西山朝
來頗有爽氣

高昌老翁行

高昌老翁背隆然黃鬚高鼻毛髮拳自言少小家
幽燕生長適值繁華年出身從戎事西邊十七八
九南營田雕戈如雲護中堅流蘇帳暖垂蜿蜒三

珠虎符誰喜懸偏裨盡戴黃金蟬軍中無事惟游
畋錦袍白馬青連錢胡鷹一掣冲九天駕鵝洒血
來連連夜闌愛月醉不眠衆賓呼盧各爭先輸籌
唱飲開錦筵美人照座紅娟娟涼州葡萄斗十千
金盤丹荔明珠圓野駝之酥香不膾爭持寶刀誇
割鮮忽爾不樂心悄悄琵琶催張鳳凰絃纖歌一
曲清聲傳華嚴天魔開采蓮美人起舞鬪嬌妍腰
肢宛轉飛花旋玉釵斜橫翠袖偏春風徐來拂筵
前此時意氣如熊虎伯仲聯翩享珪組青雲頭上
高楚楚却笑旁人不好武一朝零落來南土白髮

蕭蕭守環堵北風怒號朔雪舞羊裘無溫故不補
人間俯仰成今古老翁無乃獨愁苦霸陵將軍舊
征虜青門秦侯亦開府浮榮飄風何足數

碌碌行

寄保昌縣
丞童豫

碌碌復碌碌驅馳半世爲斗粟去年臘盡江左邊
今春又駕江南船家貧每畏別離苦不知携累還
顛連炎雲四月閉門道青泥滑滑雜流潦黃梅雨
裡鈎輶啼瘦妻前僵子後倒君時相見能相憐自
出床頭官俸錢東家蹇驢覓借我使我枯槁回春
妍貧賤結交常草草多難逢君識君好不得與君

長周旋閉門長望令人老

湖州樂

湖州溪水穿城郭傍水人家起樓閣春風垂柳綠
軒窗細雨飛花濕簾幙四月五月南風來當門處
處芰荷開吳姬畫舫小於斛蕩槳出城沿月回菰
蒲浪深迷白紵有時隔花聞笑語鯉魚風起燕飛
斜菱歌聲入鴛鴦渚

雲南樂

成都賈客向人語黎州多風雜多雨雪山萬古長
不消山下四時風氣暑竹林西畔是雲南不論冬

夏披氊衫蠻官見客花布襖村婦背鹽青竹籃繩
橋跨澗石截寨部落馬蹄皆灌鐵引筒潰索迴客
行插木入崖防棧絕卽筒酒熟蠻人歌太平今喜
無兵戈懸車不成相公嶺賣馬安行六度河牛纓
換貸躋印窄路出彭門綠劍閣火井秋篁截洞簫
幾腔吹作雲南樂

西菴集卷之三終

西菴集卷之四



七言古體

閨中聞子規

交疏日射房櫳曉碧樹初聞子規鳥驚回殘夢了
無歡慘切春愁破清悄獨宿何曾下繡闌寧勞勸
我不如歸鶯花爛熳江南道好向遊人醉處啼

晚發英德

山城斗大臨江橫數椽茆屋炊煙青炎風吹林桂
花落斜日倒影滄江明滄浪萬頃舟如葉舟子齊
橈歌激烈一篙新水靜悠悠今日江頭兩初歇

贈端孝思

端郎白晢如冠玉葩辭麗藻撐滿腹生來未作九
品官聲價蚤已驚流俗阿翁舊日尚書郎出領方
鎮專衡湘掖垣休暇會賓客冠帶楚楚盈華堂憐
君三十猶未娶却向窮簷守章句紛華蒲目何足
云昔者炎門今不遇楊花三月石城西翠袖紅裙
滿大堤良辰歡笑暫行樂永夜索寞猶孤棲興來
呼酒秦淮屋宣州雪梨如碧玉坐中北客爲燕歌
歌得前朝數般曲看君顏面人中英暫時遜縮非
避名鳳雛未必老丹穴謝安亦豈忘蒼生玉堂學

士龍門叟日日談君不容口振翮青雲諒匪遙與
君且盡杯中酒

贈高彬

高彬魁梧身七尺秀眉豐頰仍廣額幾年共食越
江魚此中同作鍾陵客鍾陵上國要路津出門大
道連青雲交遊脫畧舊時輩拜揖盡是英豪人小
年一字都不識近日能詩兼讀易看君意志肯如
此世人見者誰不惜平生於我最知己旅邸浮沉
托生死得錢慷慨即相贈歸家不問妻與子玉壺
美酒桃花春酣歌每到清夜分衝人俠氣儼郭解

不信窮愁如有神人生窮達何足道微名於世須
亦早但憐零落故山雲未得相從逐幽討

送何三元帥北上

春風吹花江水波江頭楊柳綠差差臨歧送別增
慷慨我與何郎情最多何郎昔年十六七明珠虎
符光照室錦臂蒼鷹掣暮雲青絲白馬嘶晴日此
詩我作座上賓星樓月帳長相親班超英傑耻投
筆孫楚兀傲猶參軍何郎嚴親初入覲何郎笑解
封侯印鵲血弓弦滿壁懸青門瓜地從人問今年
會晤蔣陵西爛熳鶯花醉欲迷梧桐葉落鳳臺曲

楊柳烟籠白下堤何郎於我情最厚此別寧堪酌
春酒平原北上路迢迢白鴈南還寄書否

題昭陽草堂手卷

為增城縣丞謝英賦

太傅風流一千載烏衣朱雀今誰在何時文水見
文孫玉樹亭亭繼光彩茅茨還枕小東山山下銀
溪玉作灣不獨澄江靜如練金屏想像如花顏陂
塘別墅恣情適蕩漾寒波映空碧隱隱疑聞躡屐
聲青青似帶羅裙色羅裙翠帶總相宜君家兄弟
况能詩細雨蛙聲來坐席淡雲疎影落連漪南陸
作郡無復意那更旁人知許事訟庭窄狹臨溪水

孫西齋集 卷之四
日倩鷗群伴清致清夢迢迢若箇邊鳴蜩初變柳
盈園詠歌未必慚康樂俊秀真堪比惠連惠連別
來年歲久夢裏知能相見否且停憶草遠生愁便
可巡池酌春酒伯仲聯翩珪組才声名遠播鳳凰
臺暫時分手何有哉行當聯袂赴青瑣莫學柴桑
歸去來

題高彬白雲山房手卷

高彬昔年喜學武七尺長軀力如虎往昔追強過
營門日來從戎事藩府錦袍白馬鐵蓮錢騎將校
獵城南邊鼻頭火發不知熱耳後風生猶着鞭秦

楚山川歲華改萬人零落惟彬在腰間不插黃金
符却向詞林學文彩白雲遠在藩府陰彬馳匹馬
恣幽尋秦臺古樹掛秋色透澗流泉清客心娛遊
日夕歡不足更傍山腰結茆屋多種琅玕引鳳凰
大開門徑邀麋鹿兩龍歸洞白雲閑發鍵綿聯窓
戶間月映餘輝長不夜雲拖晻靄似巫山山中白
雲如白石高彬與雲同枕席雲來萬樹似開花雲
去千岩同一色何年作客帝王州却按新圖憶舊
遊紅樹不知淮水晚白雲遙認故山秋故山白雲
長自好且莫看雲被山惱他年謝病解朝衣我亦

從君拾瑤草

會鄉友

京城客至沽新酒
旅邸蕭條百無有
秦淮釣得槎頭鱖
旋學吳中膾魚手
此時懷抱同君開
况有同門故舊來
醉裏時忘蔣陵道
夢中猶記越王臺

送張仲庸歸陝西

虹亭臘月天欲雪
洪州旅客歸心折
秦關遠在黃河西
行李蕭蕭待明發
憶昔長安全盛年
君騎白馬錦鞍韉
五陵花月映紅袖
京兆春風搖玉鞭
年光去去如流水
華髮棲遲簿書底
却隨征鴈向南

雲三載離家數千里
浮雲往事復誰論
近喜天書出午門
垂簾事簡得休暇
歸訪商顏山下村
臨岐送君飲君酒
五女峯頭握君手
壯君行色百無有
明年二月君到家
寄聲為道平安否

送高文質遊杭州

君昔從戎佐南伯
歸朝名在驍騎籍
有兒截鎗能跨馬
請官得應長番役
繁華三月帝皇州
馳道千花過棗騮
豪俠應憐白日晚
袂斜還作少年遊
玉瓶一雙和酒絡
九陌三衢縱歡譁
白雪騮兒翠毯鮮
石榴裙子春紗薄
今晨告我武林行
一束圖書

畫舸輕賓客追隨白下里鶯花明媚石頭城蘇堤
兩餘春水長三高祠下聞漁榜冷泉濯足乘風歸
野寺哀猿共僧往可憐雲水空西湖畫船邇來一
隻無沉酣久矣厭流俗清冷正可娛潛夫武林舊
日豪華國一一煩君吊遺跡明朝白馬擁波濤前
代銅駝卧荆棘銅駝翁仲事應非惟有孤山似去
時君行若過逋仙墓折取梅花一两枝

異橘圖

憲郎高隱林泉日種得江南幾株橘春日熒熒吐
瑞花秋風磊磊懸嘉實去年起作京華遊臺端六
月如九月烏啼翠栢玉柯冷鶴唳壁山琪樹秋歸
來風景慰吟目依舊繁陰蓋書屋萬顆重垂丹井
黃千頭再結龍洲綠綠映紅稀壓四鄰洞庭隱映
波粼粼羲之帖就霜凝筆巴叟棊敲香滿身廣文
有才過屈宋解撰王孫楚聲頌煩君採摘籠白鷺
載酒談玄作清供

白雲山

白雲山下春光早少年冶遊風景好載酒秦陀避
暑宮踏青劉鋹呼鸞道木綿花落鷓鴣啼朝漢臺
前日未西歌罷美人簪茉莉飲闌穉子唱銅鞮繁

孫五著集 卷之四
華往似東流水昔時少年今老矣荔子楊梅幾度
紅柴門寂寂秋風裏

桑梓圖

爲左布政
徐本賦

君侯早歲逢間關聲名出鎮三楚間江湘霖雨起
諸葛環堵蒼生思謝安憂時兩鬢颯猶綠捧日孤
裘明獨丹笑揮霜蓬向戎壘倒挽銀漢清八寰功
成入奏麒麟殿中外好官敷歷遍才華已羨冠西
曹羊采還來照方面荔枝香凝粉署戟枕柳影入
薇垣旬憑高作賦羨才華柱笏看山憶鄉縣鄉縣
迢迢路幾千齊安遠在長江邊石牛青嶂接巴蜀

螺湖綠水通湘沅鷗飛竹樓笑傲吏鶴過赤壁懷
詩仙迴廊忽披生色畫一幅鷺湖萬金價書屋斜
連洛浦陰漁船暝泊臨臯下天低故壠鎖松栢秋
入平田熟禾稼征帆去住却無情王事鞅掌何由
暇皇恩詔錫許歸榮稚子牽衣父老迎更植社蓮
招惠遠添栽徑菊學淵明香醪再潑新醅白斷綺
重尋舊譜聲匡濟老臣心未減却從江國望神京

題石城秋晚圖

送人歸
金華

金華才子天京客登眺京城壯心魄鍾嶽群峯紫
翠開巴江一道東南折石頭艇子泛中流白紵清

歌起莫愁雙闕五雲籠建業三槐萬樹接揚州烟
景清清何繇邈對面楓林更蕭索月落烏啼北固
城潮生鶴唳丹陽郭懷親作賦已堪憐更托新圖
與代傳瓊珮暫辭丹轂下班衣歸舞鯉庭前遠歸
去去毗陵道歸日還應及冬早冰下寒魚暫可又
霜餘榭葉行堪掃天官若奏選材臣應念詞林卓
犖人君往承顏多暇日看花重入帝城春

西塘圖

爲姑蘇吳
隱君題

放臣海曲懷京華孤旅天涯念鄉國誰傳此意入
圖畫令我一見三嘆息毗陵野老吳中人舊與季

子曾相親太湖三萬六千頃蕩漾咫尺蜀門雲姑
蘇臺荒烟樹綠下着詩翁數椽屋涼風洲渚芙蓉
開細雨林園木瓜熟畫船槳鼓海天晴越文新裁
白紵輕館娃宮暗暮雲合子夜歌闌春水生李家
風流誰與比况是吳興外孫子曲几時攤舊賜書
牙籤滿插前朝史南來無復少年狂茅棟低低一
炷香又嫌塵居隘容膝更置別業開西塘西塘隱
約湖山曲塘邊還種虎立竹對酒菰蒲照座明捲
簾鷗鷺當窓浴此圖風致真可人點染直欲窮天
真平子愁來獨長詠張衡老去誰爲鄰吾觀季子

好風骨正好還家及秋律筆牀茶竈逐天隨蓴菜
鱸魚莫相失

贈皇甫隱士文遠

群英濟濟登廟堂無復幽人卧空谷胡爲冠帶隱
塵市有似山海遺珠玉先生風度與人殊面如頰
玉仍禿鬚侯門不掛一步脚厭殺人間帖躡儒蔣
陵白下清溪曲垂柳踈踈數椽屋芸窓磊落一萬
卷客去自倚風軒讀秦淮買竹起高樓興來酌酒
樓上頭科頭舉白亂浮客胡琴羌笛聲啾啾朋賓
自飲還自散先生醉眠忘早晏蒲葵巨扇醉不醒

人定鍾闌始知飯沉醉本以陶性靈有時兀坐還
惺惺屯蒙火足金母肅卦氣白白升黃庭看君出
處有妙策爲人不遷亦不激隨時無恠互隱顯意
欲不遣人人識我作初交沈逸民卜居遂與先生
鄰雪中長跋東郭履花下時掛淵明巾生平落落
人少喜先生一見便知己非因性情酷相似安得
傾倒能如此居安食飽即爲家山林未必強京華
君不見西湖處士骨已朽至今惟有寒梅花

題黃萬戶德清羅浮圖

將軍昔年在東都虎頭鐵面專城居重營柳暗流

孫西菴集
蘇帳左掖花明金虎符東都郭外多林壑將軍公
餘事行樂露冕旌幢隘北山行厨賓從如東洛紫
雲白雲千萬峯羅浮更在二雲東古木千章排疊
巖飛泉百道瀉晴虹僊家洞天三十幾羅浮巖出
滄洲裏紫極房櫳倚日開紫珠樓觀經天起食霞
道士不知年夜禮星辰詳內篇龍種玉芝耕赤谷
鶴啣瑤草下青田將軍此時事幽討追攀極欲凌
穹昊扶桑縹緲徐福舟輦路依稀漢陵道別來倏
忽幾冬春京洛相逢車馬塵石室琅函仙夢遠朱
衣瓊珮歲華新新圖誰爲將軍摸點染猶能記縣

邈雨過琪花定滿壇星沉寶氣應連閣我與將軍
總可憐遠遊經歲復經年羅浮清賞如堪載同賦
陶潛歸去篇

贈關元帥景熙

君在前朝帥東閩虎符三珠秩二品轅門裨將懸
金章黃頭奴子州縣尹楊僕樓船下瀨時君隨左
相入京師端門萬錢宴珠履輦路千花明錦衣天
官宗伯司邦典藻鑑論君第高選君言下國羈旅
臣生來好武文筆淺願縮銅章佐北征還來作吏
錦官城宣勞豈言爵高下貴在晚節完虛名歲華

荏苒容髯改朋舊飄零蒲湖海星辰霜木餘幾人
我與蟾溪老高在前年佐縣淮山陰今春待詔入
詞林比來奉節領祀事會面錯愕驚愁心郢筒新
酒凝寒翠清夜懸燈共君醉醉來自起彈鳴箏一
曲清歌數行淚有歌有酒君莫辭人生會遇信有
時百年莽莽任所適不必借箸籌前期但憐奔波
稀會面此去何時復相見明朝掛席下瞿塘我似
伯勞君似燕

戲贈端孝思

君不見長安遊俠兒銀鞍白馬青春時朝出呼盧
夜飲酒美人娟娟照窓牖若爲君作梅花仙不隨
桃李爭春妍臨流自敞書畫軒獨夜可憐邀月飲
一春長是背花眠

送何都閩濟南省親至京還廣

伊昔關河事征戰君家嚴君擁方面君拜元戎領
大藩虎旗耀日光於電北山之北南河南鯨波虎
壘相嶮巖轅門上日開將閩白馬朱纓銀作銜軍
中呼盧日向午錦筵置酒夜擊鼓龍潭降卒解西
歌翁源女兒學東語有時俘賊珠海頭海門六月
如九秋牙旗揮天虎豹怒霹靂迸火魚龍愁銀漢

林漓洗穹昊嚴親入覲承恩早角巾還第誰最高
君與君家兄弟好竭來寧親東入齊歸舟一繫蔣
陵西鶯花爛熳春如海歌舞流連醉似泥蟾溪高
彬故部曲開宴斗門橋下屋宣州梨子鶯兒黃吳
姬指纖白如玉酒酣耳熱悲故鄉孫蕢在座情更
傷關河北去五千里目斷南天如許長秦淮水生
風似雨十幅蒲帆醉中舉龍灣江口辭故人小孤
洲北失前侶知君第宅遠西湖門對羅浮列畫圖
梅花白白想猶昨蘆橘青青今有無三郎今年三
十幾平生與蕢最知己明歲春還若寄書玉堂華

館西清裏

送友自餘杭歸富春

君住西湖已清楚胡爲更憶莊遵渚歸舟昨日凌
天風湖水秋風似秋兩憶昔任遊載酒行畫船爲
屋花爲城銀箏度曲對豪客紈扇題詩招小瓊小
瓊雲鬟十八許自按紅牙歌白紵歌罷流雲咽大
堤舞回落日低南浦高陽酒徒散如雲君亦携書
隱富春俠氣未全消野興青簑聊復謝塵氛富春
世外真林壑不比西湖近城郭楊柳當門春正深
珊瑚拂袖花初落英髦豈必老江濱天上應須有

故人重着羊裘趨鳳闕還將高卧動星文

代內贈別 二首

君之去也青驪之駟不可追妾之留也凌波之襪
不可隨僕夫倉黃戒往路斷柳錯莫留殘暉玉觴
行酒和淚血問君此去何時歸何時歸亂心曲春
風看盡長安花莫道新人如美玉

君不行兮夷猶長風颯颯林木秋歲云暮矣白日
晚君之行也不可以久留山川悠悠靡終極獨立
空閨長嘆息臨岐不得逐行踪別後相思復何益
水中摸月那得輪鏡中照影那得真百年長是遠

離別 寃夢相逢那得親

往平原別高彬

銀壺綠酒沾春宴環珮朝回奉天殿平生不作兒
女悲獨向高彬淚如霰高彬昔年桑梓雄好賢乃
有古人風東林詩社靜來結北海酒樽長不空竭
來弓劍已蕭索短髮如絲猶好客塞上葡萄火齊
紅宣州梨子鶯兒白沉綿不獨重相知文采今還
勝昔時小樓焚香每讀易淨几把筆常題詩今晨
我作平原別高彬不意情欲絕芙蓉香冷不堪贈
楊柳枝黃未宜折龍灣江口石城頭一幅蒲帆萬

里秋暮雲紅樹儻相憶應有音書慰別愁

寄訶林長老明靜照

龐眉老僧無住着不問山林與城郭談禪到處即
跏趺白晝天花如雨落心知一境萬緣空靜與晴
霄海月同錫振春山常伏虎鉢含秋水自藏龍問
師今年僧臘幾手種蒼松舊松子松身已作蛟龍
鱗定中一念猶未起白石垂蘿淨窈冥爐香一炷
兩函經澗猿時擎野果供山鬼或倚寒巖聽荷爲
袈裟荔爲帶世人見者皆再拜師言是悉有漏因
我今已入無色界十年奔走亂如絲對榻空論不

遂期每歎道緣於世淺惟師與我最相知

寄羅都事文章

梁侯昔在東藩時分符帥閩兼左司君爲幙府貴
賓客咳唾一落成珠璣君年於我當父執我纔弱
冠君六十惠然下作忘年交令我夜夢生搗挹靈
鰲峯在江水邊清賞幾時同周旋題詩秋寫鳳林
竹載酒夜泛蘭溪船蘭溪溪水清如練興盡回船
復開宴水底潛蛟聽鳳蕭波心皓月搖秋扇梁侯
權勢盛莫當偏裨小校皆爲郎惟君與我得禮貌
過者嘖嘖盈路旁別來風物何可道華表青青但

春艸我騎驪馬走西東
梁侯去矣君亦老
人生本是風花枝
升沉聚散何足悲
優游晚歲謝微祿
儻得從君林下期

送都大尹

使君家住餘杭曲
年少狂遊事追逐
蘇公堤上夜浮舟
越王祠前朝擊鞠
餘杭山水綠葱蘢
一片西湖照晚空
桂棹影搖桃葉浪
菱歌聲徹竹枝風
高陽酒侶動盈席
使君丰儀偏白晢
湖光山色靜娟娟
秋月冰壺影相射
折節年來學讀書
褒衣章甫逐群儒
已超藝苑時流上
復耻陳編章句拘
年紀今年三十七
風流衆中稱第一
有才作縣寧以勞
銅章綠綬湏暫屈
石頭艇子泛清秋
曉發金陵信下流
已逐行雲經北固
還隨輕浪到瓜洲
生來我亦悠悠客
邂逅論文心莫逆
家住江南五千里
送君又過江之北
秋風淅淅江水波
君行我留可柰何
長亭日夕一壺酒
從此關山魂夢多

贈虹縣顏景明

淮陽老人讀周易
風吹鬢絲人不識
興闌移席傍寒梅
雙眼如猫對花碧
天風毛骨江海仙
偶來花下同清綠
凌雲文采鳳凰見
照室丹光龍虎全
清

琴調古無人讀且可開樽掃菰屋胎禽起舞和雲
謠山月光於畫樓燭

送虹縣尹陳景明

甲寅三月春欲盡我來洪州尋吏隱芳聲令譽誰
最多太丘之孫陳大尹大尹昔是會稽人文章破
的推殊倫奉天門下拜天子來作洪州司土臣文
章固自不必道爲官作事仍更好閭里小民持牒
來撫摩直欲置懷抱洪州昔日盛繁華大尹來時
一百家稍闢坵墟攢井里旋披荆棘樹桑麻桑麻
春深滿地黑更掠浮泥種牟麥接舍雞鳴桃李場

生甕犬吠藩墻側祭社枌榆簫鼓鳴群農皆醉吏
獨醒群農有酒只自飲相見不揖亦不迎官清事
省無鞭朴縣治門前可羅雀種柳寧慚目老陶栽
花直欲強潘岳父老皆言大尹賢願留大尹更三
年政成入覲不可往百里盼望心悄悄單車就道
虹亭曲卧轍板轅淚相續囊裏時無劉寵錢車旁
肯掛時苗犢三年俸米鶴同食焦尾琴輕古錦寒
蕭然行李可一笑贏得車中裊面寬芙蓉花開亦
已謝十月清霜被平野何因欲去更遲留父老相
看不相捨黃河近日漲淮流車到淮陽當換舟送

行父老在平地感額先作風波愁跨淮浮橋有客
路我教兒男送君去便從淮右向琅琊却望卅陽
登北固北固青山連石城城南之下是天京仙臺
浮雲樹萬直帝里旭日千花明看花騎馬金陵道
金陵行行湏及早知君富貴心淡然功名得後亦
良好宗伯金門奏羨除政湏賢令立高衢天京到
日知安穩多寄洪州父老書

送翰林典籍張敏行之官西上

燉煌城下沙如雪燉煌城頭無六月關西勁卒築
防秋捷書夜半飛龍樓九重下詔徵貔虎推轂上

將開都府黃旗捲日大軍行旄頭化石夜有聲燉
煌迢迢五千里十月即渡黃河水上将翩翩才且
雄平戎不數貳師功叱咤猶在輪臺北疋馬已入
渠黎國左校偏裨晚射鷗倚鞍醉索單于朝西山
黑風吹墮瓦霜角吹秋塞垣下太平今見遠宣威
君往從戎幾日歸幕下文儒兼解武詞林從此耀
關西

送崔振宗

入幕初拋憲卽粟芙蓉照水搖紅玉鸚書迢遞吳
山雲孤棹夷猶越江曲龍江二月千花繁好客元

戎開酒樽花前岸憤一回首應識前朝丞相孫

捕魚圖

小孤洲前春水綠泛湖小船如小屋白頭漁父不
解愁往來捕魚湖水頭得魚換米納官稅妻孥衣
食長優游大兒十三學網罟小女七歲能搖櫓江
口賽神夜吹角村邊賣魚朝打鼓雨來維稍依古
岸風起鳴榔入長浦荻芽短短桃花飛鯁魚上水
鱖魚肥膾魚燒筍醉明月蠻歌唱和聲咿咿月明
在天光在水但願年年只如此無風無浪安穩眠
湖中有魚魚得錢

過隋宮故址

伊昔隋家全盛年周陳部曲按三邊端門徹夜笙
歌合琪樹經春錦綉纏經春錦繡何搖漾別有迷
樓九霄上連拱飛甍次第開朱簾綉柱森相向樓
中美女花葱蘢馬_車圖黃映曉空壁月瓊花新態
度臨風結綺舊丰容碧山螢火光於電更傍沉香
山底宴窈窕清歌來夢兒輕盈妙舞蓮花旋行樂
還來爛熳遊天京移蹕望揚州高起離宮連鳳闕
斜穿汴水入龍舟龍舟錦纜映牙樯玉簫金管切
雲長仙禽自蛺蝶_舞羽野鳥還爲鳶鳳翔棹歌楊

柳春風晚扇影芙蓉秋露香芙蓉秋露香飄玉臺
榭俄成走麋鹿翠華夢斷雷塘路鉄馬聲喧太行
麓遼東浪花鬼啼道馬上夜遊誰度曲燕泥時自
落空梁庭草無人隨音綠繁華堪羨復堪憐高塚
麒麟若箇邊古路斜陽懸木末寒鴉流水遶村前
荒基遠對唐陵樹斷碣猶存大業年往事悠悠誰
與共臨風爲爾一潸然

題堵法曹文明所畫匡廬圖

墨樵仙翁髮垂耳少年嗜畫今老矣山雞野鹿是
前身每見青山樂忘死高堂醉掃匡廬巔香爐縹
緲生紫烟我来一見侶相識彷彿偃卧彭郎船小
孤魚肥春酒好何當舉白醉五老芙蓉倒影月出
早與君同上樂天亭令人夜喚琵琶聽

次李陽河

櫓聲咿軋如人語魚吹浪花作飛雨停船把酒酌
孤山頃刻回稍失前侶危檣五兩飛向東李陽河
水起西風江豚翻波出復没舟人倚柁認晴虹秋
雲陰陰樹葉脫樹頭黃睭猶聒聒明日雲開楚
輶

阻風雷港

秋霜夜落南港沙丹楓柿葉如春花江豚風應九

月節浦口獵獵吹蕪葭舵公移船出沙尾蒲帆逆
風不得使聞鳴雙擣助咿啞鴈應中流水聲起白
頭浪裏龍氣腥三日不到舒州城攏船把酒酌河
伯爲問酒湧何當平九華山色長自好行人一見
一回老

次武昌

大風吹船如馬走船頭水聲作牛吼掛帆初發岳
陽磯轉舵俄灣武昌口武昌城頭黃鶴樓飛簷遠
映鸚鵡洲漢陽樹白烟景濕行人如鷗沙際立江
南風土寒氣遲居人九月着絺衣酒旗臨江開竹

塵當爐小姬能楚曲蜻蜓船尾旋回風今夕停船
酒家宿

題錢叔昂瀟湘圖

遠山如游龍近石如踞虎秋陰迢迢樹楚楚乃是
洞庭瀟湘之極浦西來白波浮太虛鬼物似與空
濛俱潭深蜃氣結樓閣鮫人踏浪隨游魚織綃更
泣明月珠綴成懸璫素裙襦九疑並迎翠華輦絳
節影低群真趨須臾長風起木末高林側亞葉亂
脫浮雲散盡天宇豁雲水遙連帶青潤蒼松翠竹
黯未久殘霞斷靄餘斜抹錢郎毛骨清畫此蕪衆

妙踈踈臨水花白白遠山曉恍疑一葉寒流中雨
後開蓬展清眺日落君山吹鳳簫水雲相間作簫
韶荒祠二女應魂斷試把芙蓉天外招

武昌別魯侍儀舍人文濬

嘖嘖復嘖嘖人生交契真罕得我居翰苑君儀曹
幾載相聞不相識君名蚤已播南衢出入金門早
奏書不謂同乘建業水還來共食武昌魚武昌魚
肥春酒好竟日流連得傾倒黃鶴樓頭葉亂飛金
沙洲上秋將老在歌浪謔清致同看君更有古人
風不如閑西揚伯起性似城東陳孟公相親未幾
還分手可憐新知樂未久君隨征鴈入巴陵我掛
雲帆沂川口歸期去去各悽然今夕星河各一天
秋晚還期來促膝與君同賦遠遊篇

次歸州

歸州城門半天裏白雲晚向城下起市廛架屋依
岩巒婦女提罌汲江水巴山雪消江水長城中夜
聞灘瀨響客船樹杪鈎石稜漁父雲端晒繒網家
家蕪田山下犁倒枯大樹燒作坭居人養犬獲山
鹿稚子縛柴圈野鷄楚王墓高對赤甲四時猛風
長颯颯柁工鳴板避漩渦橈聲搖上黃牛峽

過瞿塘

我本江湖遠遊子扁舟遠過瞿塘水瞿塘八月秋
風生天上復聲落篷底鬼門關黑路險幽我行短
髮寒颼颼洪濤搖山角井裂怪石觸雪電鼉愁冥
搜欲極造化窟颯爽始可清毛骨朝衝神女弄珠
宮夜瞰鮫人織綃室人生哀樂本無端歷此百折
生淒酸橈翻健翅疾于鳥那敢此地長盤桓離家
江月今三皎歸棹乘流湏及早布帆明日掛回颿
晴灘水落漩渦小

贈成都畫者徐文珍

徐郎瀟散雲月姿早年讀易仍工詩金門獻賦鬢
種種天隨艇子天之涯黃牛白馬瞿塘峽雨雪蕭
騷鬢毛颯馮虛歷覽更窮搜眼如肌鷹凍不匝竭
來調笑諸侯門錦城住屋如住村撐腸柱腹何所
有銀河百摺千崑崙酒狂興發一揮掃渺瀟雲烟
塞晴昊點入虛無鬼魅憐光奔霹靂神蛟倒烟收
雲散江海空峯巒錯出金芙蓉恍疑八月十五夜
一葉着我瀟湘中徐郎善畫世稀有同時誰復稱
妙手豪家屏幃林壑間見者嗟吁不容口我謂徐
郎莫自輕便湏濯筆寫蓬瀛層城弱水三萬里與

爾翱翔于玉京

鹽井

寒泓石底莓苔冷百尺長梯掛殘綆荒山寂寂無
飛烟父老相傳古鹽井滾東滾西十萬家煮鹽射
利為生涯筠筒直下汲清泚出釜燦白如霜花太
平幸覩烽火息十萬今無二三百官封此井不敢
開歲歲渝州買鹽食

發忠州

巖風翻山雲黑黑星河無光江
飛翕搖船夜半發
忠州漩深浪緊船欲立宣公祠下灘嘈嘈船頭着

水低復高石稜割裂箕斗影山鬼出雜魚龍號亦
知風水莽回互王事有程那得顧誰歌太白蜀道
難和我靈均遠遊賦

下瞿塘

我從前月來西州錦官城下十日留回船正值九
九節巫山巫峽風颼颼人言灑灑大於馬瞿塘此
時不可下公家王事有程期敢憚微軀作人鮓人
鮓甕頭翻白波怒流觸石為漩渦柁公敲板助船
客破浪一撇如飛梭灘聲擗聲歷亂聒緊搖手滑
檣易脫沿洄劃轉如旋風半側船頭水花沒船頭

半沒船尾高水花作兩飛髮毛爭牽百丈上崖谷
舟子快捷如猿獠攏船把酒聊自勞因笑輕生博
竒好吟詩未解追謫仙天遣經行蜀中道巴東東
下想安流便指歸州向峽州船到岳陽應漸穩洞
庭霜降水如油

桂巖題王昌泰卷

桂樹叢生山之堦岩石磊落枝交撐隱如虬龍出
滄溟玄雲盤盤團紫清源湫石底金飈生天香紛
飄浩盈盈廣寒落陰湛空明五岳印影清岩亭珠
光粼粼搖洞庭美女倒躡黃鶴翎玉簫吹秋入冥
冥嫦娥酌以玻璃觥飛廉列缺撼不醒歸來芳洲
呼禰衡記余天游神所經仙家篆作山中銘

題四川都府照磨陳庭學小蘭雪軒

鮮桃李烘錦城白雪幽蘭冷空谷喧譁綺靡人
所羨君獨胡爲愛清馥君方少年富文采早入西
清掌書牘天官宗伯司銓衡更佐邊臣鎮巴蜀開
府同專三品印退食初架三椽屋既莖蕪畹栽碧
叢復對天花詠黃竹春還國香始吐穎飛霞尚集
風軒曲丹雘着粉餘嫩紅劍葉堆瓊隱新綠一時
芳致正稱妙更與千載相追逐魯連節操高摩雲

太白丰姿莹如玉玉堂學士今太史壯以詞翰盈
篇軸龍鱗篆籀爭雪鮮金薤文章共蘭馥我亦能
吟君好事好買溪藤數千幅聯篇寫作清風圖長
使虹光貫岩麓

題綿州同知曾僚古雪卷

左綿在巴西之西其西爲陰平又其西爲兩
雪山起南廬接北劍橫亘數千里四時巖岷
白一色每歲六七月江流不雨漲涪陵激巫峽
崩裂崖岸舟楫不得下郡人曰西山之雪萬
古不銷此迎日而化者其餘漸也望中瓊崖下

樹猶凜凜自若焉歲八月予以太常之節監祀
于西川會賢倅曾侯錦江之東侯蘇人也脩潔
而文云在郡時開風軒解宇之曲當西山之麓
公餘退食日與寒光灑彩爲對朋舊目其處曰
古雪云邀余詩余爲賦曰

開風軒望古雪瓊崖瑤嶂千萬尋琪樹珠林互明
滅此雪千年亦不消寒光灑彩長岩堯火雲六月
爍金石滕六萬片天花飄曾侯仙中人胸次同皎
絜公餘對雪開風軒岩壑窓扉兩竒絕高寒上與
元氣通冰光百道飛白虹群真縹緲下遙夕高駕

縞車乘玉龍我昨神遊共清賞羽服脩七恣長往
浩水花明載酒船天池月照披風斃蛾眉蒼翠接
仙臺縹緲坡翁跨鶴來桃花犬吠空齋裏黃竹柴
門君自開

題張侍儀貞白獨冷軒

留侯之孫瓊玉相儵然復立洞八荒顏如梅花開
曉芳曲眉烟霏婉清揚朗吟碧空古洞章飄風流
鈴韻何長壁月瑩瑩夜未央天壇萬籟鳴清商歸
來人間寄徜徉寒山洹谷開雲房層冰嗟我照座
光虬龍松檜交青蒼飛蕙怒號滕六狂舞霰不作

天花香四簷銀竹声琳琅山鬼獨宿神蛇藏漁童
樵豎凍欲僵先生兀然方坐忘虛室生白萃吉祥
金彪不躍龍不驤華池神水淡汪汪開元丹田內
煒煌幽齋無人隙軒窓雲封茶竈籠筆牀故人山
陰回酒航老鶴赤壁愁橫江神遊清都朝帝鄉珍
珠爲樓玉爲堂群真環珮叅翱翔皆騎素麒白鳳
凰塵中六月川氣黃我行汗雨如迸漿桂舟無楫
川無梁安得送我置汝旁衣之織女青霓裳酌以
西母玻璃觴頓令煩歎化清涼毛骨爽颺三秋霜

題葉夷仲瞻雲軒

天台之山天咫尺葉侯家住天台裏侯家兄弟聯
班行總以才名佐天子大侯作縣多政声小侯差
小亦作丞鄉人聚首作密語阿堵名門生寧馨名
門寧馨相濟楚大侯好文兼好武小侯詞賦亦驚
人五言七言追樂府天台本與仙家鄰二侯亦是
仙中人芝蘭玉樹曉輝映桃花流水春氤氳十年
分散遊梁楚匆匆高堂日將暮大侯去家已可憐
小侯在官心更苦日想嚴親髮已霜二兒有淚如
迸漿凌風欲借隼黃鵠千里送兒還故鄉鄉中何
物令儂羨雲去雲來千萬片雲來桑梓杳莫分雲

去鄉閔隱還見豈無楊子屋三椽亦有蘇秦二頃
田同居貧賤心亦樂富貴遠別徒悄悄三椽足以
庇風雨二頃寧當代禾黍宦遊經歲復經年胡不
遄歸奈何許丹陽水通東浙河儂今欲度水無波
石頭艇子無錢買雲去雲來柰爾何

題唐侍儀雙鯉軒

唐生昔侍雙親時當庭日舞如花枝嚴親去世慈
母在孝養足慰無窮悲唐生今年三十幾慈母高
堂尚多祉養志誰能論八珍作堂暫寄名雙鯉雙
鯉雙鯉白且鮮日須二斗新銅錢寧勞姜婦水中

覓不學王生冰上眠人生有親殊可樂親饌有魚
尤不惡娛樂從茲到白頭聲名况是登黃閣我生
我生纏百憂庭幃風木悲清秋爲君拔筆賦雙鯉
每一讀時清涕流

題孫典伏可居軒

五宗孫子雲鶴仙荷衣蕙帶神飄然朝吟屈子遠
遊賦夜誦莊生秋水篇五湖風月窮清賞青雀爲
廬桂爲舫二女祠前聽鳳簫小孤舟北聲漁榜歸
八匹馬逐嫖姚環珮鏗鏘近九霄承恩日侍金鑾
展卜筮還依朱雀橋橋頭流水清如玉楊柳青青

映書屋照座雖無鄂渚花當庭亦種沅湘竹沅湘
竹色報春遲文玉踈踈只數枝客去每憑詩作伴
朝回偏與靜相宜卜筮不雕亦不盡廳事門前僅
旋馬高題漢篆名可居君作其中可居者人生出
處本無端坎止流行信可安君不見長安甲第連
雲起贏得人間圖畫裏

題荆徵士茂之藏楊補之梅花圖

老荆好梅如好色嘉樹寧論萬金直屢乘泛雪王
子舟長躡登山謝公屐萬壑千林秋葉乾飛鴻墮
影報新寒塞北偏令百草折江南還得一花看此

花着處真奇絕豹脚蛇鱗綴香雪楚女輕盈練素
裙湘娥冷淡臉脂血破寒踈瘦未宜人照波臨水
韵如真却月現前新態度凌風臺下舊精神梅花
萬樹先春發老荆此時情欲絕爛醉寧辭水部狂
清吟擬補離騷缺歸來白髮老京華無復孤山興
趣佳凍葢枯枝誰更羨夭桃郁李世爭誇畫圖忽
覩陽和面老荆手段却輕旋彷彿瑤池月下逢依
稀庾嶺雲中見無情有恨獨遲遲世外丰容只自
知黃閣由来皆貴眼楊郎老去負明時開圖見花
被花惱有圖有花圖亦好月落參橫柰爾何江空

歲晏令人老老荆老荆吾所憐九還詮訣會當傳
芙蓉寶鼎丹砂熟去作羅浮峯頂仙

題蘇明遠畫竹圖

蘇郎畫竹如寫帖珊瑚爲枝篆籀葉寒梢不及三
尺長遠勢直與青冥接青冥不辨西與東雲光竹
色俱空濛飛廉排山振鸞鷲霹靂迸火驚蛇龍奇
搜不獨竹色老竹旁有石仍更好想其落筆當酒
酣人間屏幃愁絕倒近時吳興趙子昂最能寫竹
窮青蒼蘇郎晚出繼芳躅湖海二妙相輝光十年
不到瀟湘浦環珮空懷玉簫女相期共泛書畫船

濃墨淒迷掃烟兩

題楊肇初墨菊圖

蘇郎墨菊真有香老墨落紙生秋霜宛然着我二
徑底日與野老同徜徉生平愛畫仍愛菊令人見
此二美足猶疑已是重陽過寒花落葉心簇簇憶
昨蘇郎畫菊時君家數本方離披誰云清致不兼
得更對濁酒開東籬明朝酒醒賓客去君獨沉吟
空繞樹還看君家墨菊圖君家此樂陶家無

題袁清溪所藏雪夜泛舟圖

錢顥畫山工畫雪山下寒江更奇絕萬壑千林鳥

飛蒼松古栢凍欲折清人何日
銀濤

渺着孤舟黃嬰碧杓直蓬底定是山陰王子猷故
人高居剡溪曲窄窄柴門鎖黃竹遙憐孤鶴怨空
山鹿榻無人伴幽獨披策童頭縮蝟毛龍鱗冰片
難容篙高凌競歷覽有何好博得老眼如饒徇衝寒
乘興莫匆促回船攏岸也不俗故人開軒掃茅屋
問字以頭抗酒壺畱連坐到東方旭

題廉徵士夢雪舟

生心性如野鷗前身恐是王子猷城居十載困
炎熱夜夢泛雪乘扁舟扁舟一葉凌寒水更着壺

觴筓蓬底鼓柁疑過柳港邊乘潮似出沙洲嘴月
華雪色冰玉同粼粼萬頃涵晴空明月上樓元氣
白皓彩直與銀河通故人山陰無茅屋何處重尋
剡溪曲惟應赤壁鳴臯仙夜半橫江慰幽獨

題陳隱君菊莊卷後

隱君種豆南山陲清晨荷鋤薄暮歸

更學樹

叢菊茅屋前頭花作圍此花不比

令方吐蕊耀日黃金淺淺紅

方
九九期落

小落長

作兒女

曲且高

為人次

時隱君

徠晨

似

風獵獵晚圃寒花語斷垂東籬冷露留殘蝶洛陽
金谷盛繁華江渚芙蓉照館娃歌臺舞榭豈不好
淡烟芳草令人嗟歲華將暮衡門裏寄傲羲皇時
隱几見月開籠放白鷗穿林採藥尋黃綺平生嗜
酒仍嗜書詩比淵明差未如還開三逕望儔侶亦
有五柳臨庭除素琴撫絃惟袖手葛巾且漉柴桑
酒莫勞更賦歸去來惹得聲名滿人口

題唐仙方伎圖

布政徐
本所藏

九重春色浮金輦柳躡雕簷晝陰轉閣門無事簡
書稀朝下三郎幸南苑仗底微風拂赭黃熏爐別

殿送天香昭容婉孌翠娥黛內史委蛇宮錦囊飄
飄野老來何許賜坐從容陪讌語卦氣初生石鼎
丹清風自是蓬壺侶奚童忽啓文書箱白驃隨地
走如羊金華不識紫烟客那得化石初平方驪山
未起朝元閣誰遣御前方伎作招邀青鳥天際來
勾引霓裳月中落漁陽鉄騎戰塵生雲棧榮紆路
不平此時安得仙翁術化作潼關百萬兵

題桃源圖

我昔城居困塵土十年不到青山塢扁舟夜夢泛
滄浪鼓柁揚舲逐漁父江船沿洄落日低尋源直

上武陵溪逶迤綠水春將晚爛熳桃花路欲迷尋
源忽得青山口彷彿微香露林藪溪流已盡復潛
通石洞斜穿不知乂地廓川平景曠然還疑別是
一重天迢遙山逕莓苔兩縹緲人間棄拓烟遙觀
但見攢林木近入茆茨始成簇居人不改故衣冠
井裏猶存舊風俗風俗依依世上人皆言來此避
強秦初期暫隱還鄉邑遂爾高居隔世塵兒孫長
大供衣食男事耕耘女蠶績春至桑麻雨露深歲
寒松栢星霜易東臯北隴恣鉏犁戴勝飛飛布谷
啼傍舍雨晴雲外牧餉田日晏草中歸歸來路暗

山光滅婦女綠車聲未歇解艫仍教稚子撐漁罾
更喚溪童結往來墟落只逍遙無復舟師下叫囂
社日冬旬會村曲黃雞白酒話漁樵漁樵不識人
間世兩笠烟簑但容裔澗水冰融覺候和庭柯葉
落知風厲問我何爲作此來仙凡迥隔兩悠哉園
裏青蔬爲君摘瓦盆薄酒爲君開東鄰西舍爭來
聚相邀具酒猶炊黍旋除新竹敞南軒更掃落花
開別墅初聞嬴氏好紛奢不謂山河屬漢家金雀
重來飛灌木銅駝還去卧烟沙銅駝金雀何時已
年代不知今半是世上紛紛日漸過山中歲月誰

能紀棹開酒醒悵遽遽却向山家對畫圖物外烟
霞猶彷彿空中樓閣已模糊模糊彷彿何由辨只
似當時眼中見鶴唳松梢露氣消雞鳴樹杪晨光
炫臨風撫卷獨踟躕欲寄桃源父老書澗戶岩扉
應未合筆牀茶竈近何如桃源桃源莫浪誇未必
山林穢城郭車書四海今混同來享人間太平樂

西菴集卷之五



明翰林典籍五羊孫蕢仲衍甫 著

姑蘇葉初春選 邑人曾仕鑑校

五言律

雨中寄友

客有還家夢空山
雨正來寒生衣袖薄
風急樹雲開
掩戶坐終日
思君重幾迴
琴邊有清興
能復醉深杯

山中寫懷

野館愁俱寂
空林日未斜
看雲偏憶母
爲客又辭

家獨自嗟萍梗非關戀物華
晚來山雨裏猶見杜鵑花

光孝寺

兩葉菩提樹天花蔭菡林
塵機方外息幽趣靜中
深野色連香積秋聲雜梵音
隨緣僧供裏予亦長禪心

酬王道原

鳳池鴛鴦侶幾載此南遷
柳色迎征棹薇香憶盛
年訟庭栽白蠟官步到紅船
我亦金門客逢君思黯然

過東阿懷雪蓬

故人今不見孤客倩誰憐
事業清時困名聲舊邑

傳紫髯風獵上紗帽月娟上儻
遂幽園約棊樽共
晚年

荔灣漁隱

家住半塘曲沿回幾折灣
門前荔枝熟屋後釣舟
閑杳邈熊羆兆空濛虎豹
閑如何三里外便是五
湖間

五言排律

翠筠軒爲源上題

篁竹本脩修僧房分外幽
祇園栽未合因地養初
稠苦節頭陀行虛心般若
舟禪餘金粉落定起籜

龍抽渭葉慈雲護湘枝法雨流斜穿瘞馬塔高過
講經樓色映菩提靜陰連蒼藓浮護持澆記日山
偈刻枝秋掛袖踈螢度煎茶病鶴愁箇繁教畧洗
籬缺更湏求臘紀應同祖清緣或共脩移床看翠
葆斫汗試銀鈎玉版供香積漁竿拂石頭風旛搖
瑣碎月磬和蕭颼閱歲開荒徑尋盟到野鷗閒門
邀蔣翊精舍候王猷石上攤碁局林邊列酒甌素
琴調白雪彩筆畫滄洲興與梅花共心同造物游
更湏三內翰飛錫問揚州

七言律

南山雜詠

湘潭千頃碧波澄爭似南山一段青山雨欲來雲
氣重江鷗飛去釣船輕詩成多是琴邊興老去應
憐物外情閑喚小童敲白石不知芳草夜來生

峽山寺

三首其三與鄭御史李
喻國同登時再召赴闕

峽束滄江萬壑雷梵王樓閣倚天開山從中宿城
邊去水自連州港口來雲葉捲時猿獻果雨花飛
處客登臺青鞋未訪和光洞奏賦金門亦壯哉

竹裏維舟陟翠微閒門臨水欲嶽巖雲生佛殿飛
來處猿嘯山僧出定時斷刻尚餘梁日記古松猶

偃漢朝枝煙霞二妙應相笑盛世藏珍負夙期
明日青陽逼歲闌繡衣聊得共躋攀雲鋪鶴背浮
金殿風引猿聲怨玉環薄宦豈堪長在客故鄉惟
有一登山繩床睡暖梅花月輸與蒲庵老衲閒

一
遊羅浮三首

白鶴峯頭春暮時水簾洞口鶴鷗飛千林錦樹化
紅兩百道玉虹穿翠微神朝帝闕鶴爲騎靈語仙
壇霞作衣坐憐佳致惱魂夢應覓真人扣息機
四百峯巒列海圖飛雲絕頂敞玄都丹砂五色時
光焰紫翠中天半有無觀裏松株皆住鶴山中竹

葉盡成符鐵橋歸去尋清賞爛醉仙人白玉壺
四百峯巒拱御臺藥珠樓閣倚雲開荔枝花落山
鳩語蘆橘子生江燕來黃野故居羊化石葛洪丹
竈錦爲苔仙遊倘遂凌風約羽服黃冠亦快哉

拜祖墓

芳草淒淒夕照前獨將春酒酌荒阡已嗟世事成
千古纔說清明又一年滿目江山增舊恨幾家榆
火起新煙從來俯仰傷懷抱不似于今倍黯然

重過林氏別業

曾侍先君訪太丘葛巾夜老尚封侯青筠簾捲風

生席白紵歌殘月滿舟興發共吟鸚鵡賦酒闌重
解鷓鴣裘傳家幸有賢孫子別業新成似舊遊

題海翁詩卷後

海屋珊瑚幾度花仙壽長爲記年華天晴霧雨籠
蛟室夜冷星辰泊釣槎巢父詩篇留宇內嚴陵名
字達皇家無因一遂神遊約共覓安期棗侶瓜

靈洲

金鰲露背出滄溟撐柱惟應倩巨靈坡老留題空
斷碣德雲種柏滿幽扉天寒怖鴿依江渚夜靜靈
龍聽塔經畫舫圖書催入覲庾梅關北樹青青

秋江送別

千家城郭遠依依握手離筵話夕暉碧海雲深秋
自老蘆花風急鴈初飛客情猶醉千鍾酒書劔誰
憐萬里歸慈母白頭應問信倚門遙識老萊衣

送趙宣使之德慶

阿翁高步金鰲背南郡今留彩鳳雛名姓幾年通
上國才華蚤歲入中書花明畫省詩千首木落寒
灘酒一壺若到康州煩借問故人黃趙近何如

鍾山應制

蒼翠巍峩插昊穹紫金突起大江東三山避跡投

鯨海五岳齊肩擁帝宮
珠樹鳳鸞鳴瑞日
寶圻龍虎壯威風
萬年聖壽高堪並
嘗有神人祝華嵩
新春從幸天界寺次詹冢宰鍾山應制韻

天界叢林開象魏
朱衣環珮儼群仙
瑞露迎靈飛扈蹕
皇都佳氣藹新年
玉宸香滿三千界
蓮座光浮尺五天
勅賜御前催應制
侍臣簪筆思如泉

駕遊鍾山應制

玉宸警蹕出蓬萊
近望名山翠色開
松栢屯雲車騎過
峯巒簇錦節旄來
九成奏樂喧泉澗
百職聯班蹴蹬苔
讌賞太平當賦咏
小臣侍從媿非才

駕幸天界寺和朱太史弇韻

宴語從容對上方
侍臣揮翰筆如杠
從行衛士隨僧供
出定經声歇梵腔
鷲嶺曉雲扶輦轂
龍河春水漾旌幢
清平自覺文章盛
長憶天兵未渡江

陪翰林宋承旨遊鍾山

天上禪關敞薜蘿
每緣休沐得經過
雲籠梵宇青蓮濕
地接皇居紫氣多
甘露結花凝木末
醴泉和雨落岩阿
欲陪謝傅金屏約
未解朝簪柰爾何

訶林送趙生留南歸

幾年煙月共林垞
此日看花入鳳城
老我未酬清

世念別君因起故園情朝廷有道容樗散獻納無
才愧聖明歸去爲煩先問訊滄江漁艇白鷗盟

寄趙進士安中

詞林每問歸安使聞說先生在德清暇日畫簾公
吏散春風華館子衿明三年不見新書札百里空
傳舊政聲日暮碧雲何處合思君吟遍石頭城

送張典籍訥之官大同經歷

三首

春風鳴玉下天階萬里從戎亦快哉遠仗皇威清
朔漠更依雲氣望蓬萊參軍孫楚登瀛客草檄陳
琳補衮才邊事太平烽火息柳營羗角爲誰哀

邊陲見說青烽滅替畫遙知白羽閑夜月葡萄種
帳底春風篳篥柳營間賈生長是懷金闕定遠安
能老玉關沙漠年年飛羽捷想隨驃騎凱歌還
文章堂上論交日對榻哦詩白晝長晴日畫簾窺
水映暖風羅袂散天香尋常應制才堪並四十從
戎髻未蒼春半黃河水片解旌麾幾日望燉煌

奉太史令護軍公

虞淵捧日帝羽儀文事武備天人師筆端詞翰河
漢決胸次韜畧風雲隨邦基肇造古伊呂謨猷篤
棊今臯夔畫圖麒麟盟帶礪仙遊更與赤松期

投贈山東何方伯 二首

皇風來播南陲日開府兼持將相權千里分封鸞
誥下三珠耀日虎符懸長憐野日違清顧且喜恩
光照暮年勲業已成頭半白蔣陵佳氣麗中天
君侯昔在東藩時英風遠畧人共知帳前鐵騎金
鎖甲腰下寶玦珊瑚枝將相兼權未足貴身名兩
存今始竒便可臨風搔白首對酒且賦歸來詞

送張翰林孟廉赴山西行軍 二首

漢將防邊意氣豪參軍行處擁旄旄雲連白雪飛
花片風捲黃沙似海濤塞曲但聞吹篳篥人家多

自種葡萄昇平見說從戎樂欲解儒衣問戰袍
清時况是金閨老躍馬關河髮未華翠柳東門開
祖帳黃河北岸擁高牙安邊羽檄傳司馬落帽西
風憶孟嘉萬里封侯吾輩事遲君談笑靖胡沙

奉酬劉友賢黎仲輝二御史見過

故人驄馬曉相過錯莫鄰人避玉珂朝下楚城高
蓋合春深門巷落花多飛騰每羨青雲早衰懶無
如白髮何相見惟期樹勲業蔣陵佳氣正嗟我

寄彭萬里給事時叅山西政

與君文采舊同朝翠管文章上九霄輦路香風隨

鹵簿天壇花雨聽簫韶鶴鸞一別京關遠雲月三年楚水遙欲寄清詩慰寥閔汴河東去近無潮

送沈主事起復除西安知縣

年少天官舊考功馬蹄催入未央宮聲名已在雲霄上鄉國猶懸涕淚中輦路繁花明日旭日佳城喬木語天風傳家正欲存忠孝千古君臣此道同

寄羅友章先生

三年薄宦淹吳楚長憶先生在海涯不着朱衣垂玉佩還將白髮映烏紗遙天劔氣藏珠斗百越文光絢綵霞雲路相期苦相失春鶯啼徹上林花

圓丘大祀

松柏蕭森倚半空天壇高峙帝城東宸旒肅穆千官合鹵簿輝煌萬國同上界清都移碧落泰階黃道隱晴虹相如莫獻青鸞賦不是祈靈太乙宮

寄黃負外文博時佐守徐州

使君文學冠賢科入拜工曹意氣多五色雲中披奏牘九重天上振鳴珂趨朝共沐恩波濶出守誰憐歲月過會有蒲輪徵故舊未應黃髮老蹉跎

送劉芳之入蜀

蛾眉西上穆陵關猶似簾櫳響珮環華月高秋沉

楚館綵雲清曉散巫山鸞衿寄恨今宵永錦字傳
情幾日還惆悵風前花落盡相思惟有淚潸潸

餞宋承旨潛溪先生致仕歸金華

五首

鰲峯朝日鵲聲稀內使傳宣下紫薇與告不須留
秘閣許歸仍及賜春衣恩濃玉檢天書濕人去金
莖瑞氣晞况是陽和二三月都門柳色正依依
承恩初入詞林日亦得叨陪侍從班雲影九重開
鳳閣天光咫尺近龍顏彤闈侍讀青春暖彩筆題
詩白日閑此去定酬優老願軟輪遊遍越東山
保傳儲皇二十春白頭歸去歲華新優賢寵渥非

緣老蓋世文章不是貧錦語渙頒雲五色青宮喜
見日重輪懸知戀闕丹心在長倚遙天望紫宸
一自先生離禁闥玉堂清致更無人金蓮颺彩初
寒夕燕寢凝香散莫春著作有官惟故事論思此
道竟誰陳青雲志氣慚悲梗不覺臨岐淚滿巾
龍門佳致接仙山舊築茆堂紫翠間方外羽人霞
作袂瀛洲歸客玉爲顏常時望氣懷京國午夜朝
真響珮環願祝聖朝千萬壽還隨笙鶴到天關

贈脩撰道夫

蓬髮飄蕭洛上翁金門日日候晨鍾論思入奏天

光近對御題詩燭影紅衣故尚餘當日繡馬寒猶
是舊時驄詞華已作青雲客聖代于今雨露濃

西樵

西樵山勢捲飛龍萬里扶桑海色通日麗錦巖開
罨畫兩餘銀渚漾芙蓉紫河車蔭仙人掌白鶴花
明玉女峯上相朝元鳴玉佩三城佳氣鬱龍葱

懷脩撰朱侷萬

先生舊是瀛洲客文藻風流第一人華月玉堂仙
署冷西風遼海鬢毛新文園最憶相如賦茅屋誰
憐杜老貧聖世雲衢需俊彥肯令漂泊暮江濱

冬至

冬至至日日初長又客客懷懷故鄉梅蕊惟愁雪
爛熳柳條又是春將相懶朝違世真自笑憶遠寄
書殊未央海門關外暮雲合應有南還征鴈翔

乙卯除夕

四一今已過二年明日又復歲華遷頭顱種種見
白髮生計落落仍青氈梅花亂開客愁裏雲物長
迷鄉國邊且可吟詩酌春酒爛熳取醉東風前

鳳凰臺

綺翻千年去已遙古臺猶見碧岩堯楓林曉露迷

三楚柳陌春風暗六朝征客昔時揮彩筆飛仙何處拾瓊簫惟餘一道巴江水流向天門作海潮

再遊鍾山

空青樓閣宵冥間云是東南第一山武帝鸞旂烟
草碧誌公龍錫雨花閑江光遠盪電曩窟雲氣常
籠虎豹關欲駕天風凌絕頂上方琪樹夕陽還

懷舊遊寄李士行

憶上高臺望赤霄火輪光動彩虹飄鮫人夜織明珠佩龍女晨參絳節朝迤北關山周正朔平南將校漢嫖姚狂遊又是三年別海上蟠桃露氣銷

寄高彬

條風二月古隋堤楊柳青青拂水齊萬里客懷將白髮一年春信又黃鸝親朋歲久愁多望故國書成醉懶題惟有別君情不淺夢中時到石城西

送蔡九節還南安

幾年爲客怕逢秋每見春來憶舊遊歸夢夜隨寒雨急片帆春逐大江流看山有興還堪寫惜別從來不解愁斗酒殷勤拚一醉相思何處却登樓

春興寄端方故居

亂藤高竹散清烟獨倚闌干思渺然流水浪隨春

浦澗故人家住白雲邊三年遠別空相憶一段新
愁自可憐欲得山陰晴夜雪東風吹放大江船

送人還鄉

歲晏那堪送獨歸石門烟樹晚依依幾回客思愁
江浦十幅蒲帆掛夕暉沽酒乍聞何處笛問程應
爲故山薇到時猶想多幽興一樂堂深見舞衣

西巖圖

爲嚴彥恭題

欲寫滄浪愧不才畫圖今喜見君開峯巒影落寒
潭靜欸乃聲從返照來千頃白波龍伯國百年高
興子陵臺聞君早晚趨金闕風雨漁磯長綠苔

懷白雲山房

家住滄洲洲上山數椽茅屋亂雲間天晴疊嶂開
金碧雨過清泉響珮環高興別來長寂寞故人誰
與共躋攀洞門猿鶴應相問何事先生久未還

除夜

大地白雪似白沙遊子况復未歸家寒雲黯淡暗
海曲春風浩蕩來天涯楚山蘆橘漸舒葉故園枇
杷應着花未得乘船出京口枯坐旅邸如春蛙

西菴集卷之六

七言律

之官平原留別諸老

朱衣和淚別龍庭，瘦馬嘶風出鳳城。
托迹禁幃原已重，之官名邑未全輕。
驅馳祗笑儒生拙，憫念難忘聖主情。
後夜玉堂清漏永，紫薇花月向誰明。

別妓

驪駒西上帝皇州，斜抱雲和淚暗流。
子夜歌詞翻白雪，殘春風物似清秋。
青鸞信斷陽臺路，翠被香

寒燕子樓七十二泉縈別恨濟南烟樹綠幽幽

江上

江上青楓初着花客帆和月宿蕪葭雲過踈兩數
千點臨水小村三四家風起漁船依釣石潮回歸
鴈認平沙秋懷已向南雲盡又是滄洲閱歲華

金山寺

玄洲貝闕爛相輝夾岸人家對敞扉四壁波濤長
觸石孤山花木自成圍橫江鶴向揚州去泛櫓僧
從建業歸遷客馮闌重回首蓬萊雲氣曉熹微

送牛應祥都閩

將軍淮北分符地正在隋家古汴河別館芙蓉飄
繡帽御堤楊柳映雕戈彊兵戍义通胡語降虜年
深解漢歌此去看花朝上國春風天上聽鳴珂

高郵

山日未出煙渺茫高郵放船催下江搖櫓唱歌白
鷄子過湖打鼓黃頭郎鳥拖雲葉低貼水魚喫浪
花高接窓微官所得幾何計吟鬢四十今蒼蒼

秋風 二首

秋風浙浙吹屏山汴河之水聲潺潺歸雲一似宦

情薄飛鴈不將鄉信還千峯澹對寂寞景孤客况
棲羈旅間且可狂歌對樽酒未須慙戚懷江關
秋風浙浙吹江亭汴河之柳猶青青黃姑東渡會
七夕白帝西來朝百靈初開琪樹已云落遠別客
愁今未醒欲寫鄉書寄南鴈故園萬里天冥冥

虹縣九日登五女塚 三首

肺氣經秋久未平佳辰酌酒看君傾兩催黃菊非
無意風落烏紗最有情仙客此時緱嶺上彩鸞何
處玉簫聲透遲未就丹砂術俛仰微官愧此生
老去佳辰得幾逢登臨此會歎匆匆雲來汴水波

光白日落屏山樹杪紅抱病獨憐貧子羨休官惟
羨老陶翁遙知弟姝家山裏幾向天涯倚斷鴻
五女峯頭煙樹荒登臨聊得散徜徉忽驚重九今
朝是却憶三千客路長冷露餘花偏有色朔雲斷
鴈不成行寧教醉裏逢佳節且免醒來望故鄉

淮上憶京

去歲茲辰客帝畿蔣陵西曲鴈飛飛秋風叢菊開
荒逕落日浮雲滿翠微老去吟邊芳物改別來天
上故人稀登臨復對青樽酒醉倚淮山憶禁闈

清河口

清河黃河相間流四月五月如九秋墨雲壓地箕
斗黑濁浪吐雪龍魚愁江河萬里杳何極行役半
生猶未休故園清興自不淺此日松竹風颼颼

圯上懷古

草沒荒臺烟樹踈維舟凝眺久踟躇凌波見說求
仙履博浪曾聞誤副車勲業赤龍三尺劔風雲黃
石一編書獨憐衣赭人如玉鴻鵠歌殘怨有餘

過三洪

官舟已落三洪口猶在飛流湏湧間放棹忽聞過
亂石開窓始覺慰愁顏雲連雪浪瞿塘峽樹隱青

坭古劔閔謾有微吟追太白此身疑謫夜卽還

過呂梁

二月三月寒尚饒上洪下洪春雪消奔霆出地星
火裂吼浪觸石電鼉驕晨昏霧底蒼水佩明滅雲
中丹鳳簫靈風爲我送歸棹故園越海天迢迢

帝子

彭城三月風氣和呂梁雪消春水多濁霧蟠空作
飛雨崩濤薄岸成盤渦鮫人珠佩影明滅龍女金
支光湯摩故山雲物幾時見遷客此地長經過

徐州洪 二首

孫西華集
呂梁積石天崢嶸徐州上洪波稍平蛟龍怒卷四
時雨砥柱亂落三秋星辛夷杜若散洲渚貝闕珠
宮開窈冥舟人倚棹笑相語九里山色連彭城
龍門鐵石倚天開彷彿瞿塘灑瀨堆萬里江風來
灑氣九秋晴雪迸驚雷層陰水府和雲見濁浪漩
渦劃岸迴小艤扁舟待明發霸王臺下久徘徊

漢祖廟

長陵見說石麟荒遺廟卅青野水旁古劍星光時
出沒大風雲氣尚飛揚三秦寶鼎垂鴻業萬歲英
魂戀故鄉莫恠憑高重回首楚臺烟樹鬱青蒼

歌風臺

漢陵秋樹起蒼煙故里高臺夕照邊逐鹿洪圖今
已矣歌風遺跡尚依然赤松人去封留候夢澤雲
浮狩楚年可是君王思猛士青峯和雪暗胡天

戲馬臺

蓋世英雄亦壯哉古河三面對荒臺漢家陵闕迷
春雨羸國江山起暮埃雄劍昔年金錄鏃龍媒此
日錦筵趨鄉雲一笑山花動疑是君王衣繡來

范增墓

舊識荊州老將名秋風此日過佳城群雄逐鹿留

遺跡稚子束羊入廢堂玉斗有聲松雪落蒼精無
影石麟橫可憐牢落祥雲氣又向芒碭谷口生

過黃石公祠

塵編窳落千秋事野客停舟問隱居煙月高名興
漢後風雲遠畧避秦餘赤松仙子依丹室黃石山
精護素書歲晚圯橋風物改坵中履迹近何如

過高唐

瘦馬嘶春北郭門郡城茅屋似山村荒墳胔子雄
風在野曲絲駒舊譜存霏霧出林銷殺氣行雲駐
彩閣朝昏千年往事今塵土廖落幽花酒一樽

客平原春日有懷

悵望鄉園去計違春來惟有思依依客程故向南
天遠花信偏於北地遲漢帝苑邊蘆橘熟秦陀墓
上鷓鴣飛柴門獨對東風掩此日松筠冷翠微

宿高彬第

夜宿故人孤旅卽更深華月滿晴空朋游動是經
年別樽酒寧知此會同上國鶯花明戚里故山松
栢語天風豪吟未覺清狂盡醉裏詩成氣吐虹
挽夏尚忠

疋馬江南更度關寒雲撩亂撲燕山故鄉風物頻

回首同輩衣冠竟厚顏使節謾隨征馬遠宦情長
似野鷗閒黃灣綠水深千尺此日西風旅櫬還

送陳御史孟陽之官三河

幾年文墨侍彤闈妙句曾看對御題翠栢臺前聽
雨漏金蓮炬底立霜蹄當時意氣青雲動此日棲
遲皂帽低岐路相逢又相別灤河煙樹冷淒淒

贈楊主簿時爲金銀閘垣官天台人 二首

寒落清秋老孟嘉向風長是整烏紗西江見說詩
無敵東郡誰憐髮有華金垣晚飛湖上雨中峯晴
漾海門霞微官未遂清遊願華負仙桃幾樹花

黃河四月動官舟河上梁山紫翠浮馬頰餘波衝
岸斷龍門殘雪帶星流熹微署氣鄉心遠颯遯涼
風鬢影秋遙憶釣魚洲渚上幾番吟興負沙鷗

古河

蕭關之北黃河流昔時禹蹟今成丘荒碑苔蘚不
辨色古水蛟龍猶有湫野人千載見清淺海宇萬
里無戈矛明當作頌獻天子高鑄寶用垂鴻猷

出關

忘却看花上帝都出關猶記佩兵符龍歸古寺雲
初定鳥落寒灘水半枯萬古文章關氣運十年風

孫西菴集
卷之六
雪老頭顱馮將翠管三千牘換取黃柑二百株

冬至

朝來喜色動鍾山雲氣從龍杳靄間宮扇影搖春
仗下佩環聲散早朝還書祥謾有三千牘獻頌長
違咫尺顏已擬陰何同結社遍題新句老江關

思家

京華薄宦已沾巾寥落三年濟水濱冷雨青燈吟
客夢東風蓬髮異鄉人雲濤渺渺滄江暮榆柳依
依旅邸春朋舊別來多野興故園應已賞芳辰

南昌鐵柱觀

琳宮石筍露岩堯云是千年此鎮妖方外羽衣能
濟世城中仙麓亦通潮蛟龍水底蟠金鎖雞犬雲
間聽玉簫行橐已垂思點石祈靈壇上倚逍遙

十八灘

五城一別二千里孤棹重經十八灘拍岸怒濤雷
噴薄橫江亂石鐵嶢岩天陰紫蜃籠商軸夜冷蒼
龍吼劔關猶記平南諸將下樓船此地凱歌還

寄高彬二首

與君夙有通家好堂上嚴親未白頭野寺花明春
載酒清溪月朗夜浮舟陶潛此日生歸思屈子長

年賦遠遊煙水五湖歸棹早為余開逕碧林幽
鱸溪溪頭春水生故人卜築節堂清開門雨過芳
樹綠對酒風來幽鳥鳴我纏薄宦去鄉國君亦久
客留天京未知何日遂歸計重結漁郎鷗鷺盟

采石太白墓

冠屨何年墮世塵先生元是謫仙人春雲彩筆驚
飛燕暮雨滄江泣石麟牢落清名元不歿衰遲大
雅竟難陳翛然我亦狂吟客思殺風流賀季真

次黃州

日落放船鸚鵡洲漢陽烟白樹幽幽江豚數起浪

花夕野鶴一聲山木秋帆影掠雲過赤壁檣聲樅
月下黃州何因散髮林臯下得似蘇仙爛熳遊

望廬山二首

扁舟夜泊潯陽岸隱約香爐五老巔紅葉天燈飛
鳥外白蓮僧社斷猿邊蒼崖影合東林寺銀漢光
連瀑布川亦有宗雷違四想千峯無路訪群仙
東林佛閣倚岩堯羅逕逶迤傍石橋松栢千章連
左蠡芙蓉萬疊倚層霄琪花雪影江心見蓮社天
香世外飄歸老倘酬仙賞願藍輿寧待遠公招

至儲潭廟留題

五老峯微楚路分
顛灘猶禮洞庭君
行空鐵馬寒嘶霧
帶月蒼龍夜吼雲
瓊佩倩誰招
帝女桂漿聊復奠
靈氛清吟寄遠成
孤絕思入滄江白
鴈群

過岳州

渺渺孤舟江漢間
歲華搖落鬢毛斑
裁成方朔三千牘
博得瞿塘十二灘
峽口瘴深迷岳渚
洞庭風順過君山
無端又是重陽節
起對黃花一破顏

巫峽秋懷 三首

浙浙金風霄漢間
火雲猶自繞巫山
兩餘神女收旌旆
月朗明妃響佩環
萬頃波光人鮪甕
一天秋

色鬼門闕吟魂未
向三巴斷尚逐東吳
盡舸還八陣圖連
歛灑堆永安宮下水
縈迴風雲舊積林
猶列行在荒臺久
已頽鉄馬躍雲嘶
凍雨木牛遺恨吼
驚雷英雄一去今
千載殘照西風首
重回漢相祠西江水
煙晚風平楚送歸
船千重古錦雲端
石一帶空青峽裏
天詩思每懷秋放
鶴客心那更夜聞
鶻憑誰爲寫高唐
賦譜作朝雲蜀國
絃

懷四川 二首

蜀城風物冷淒淒
馬上哦詩日向西
雪嶺冰融春水綠
錦江花落子規啼
卧龍祠廢碑橫草
杜老堂

空雨漲溪回首勝遊成往事倚風吟斷意俱迷
草堂烟樹入青霄漢殿荒臺秀忝首宇宙詩名今
尚在風雲霸氣未全消寒星夜落支機石錦水春
明駟馬橋花柳舊遊今幾載西風蓬鬢影蕭蕭

懷羅浮寄蕭鍊師

誤解蘭纓下彩峯十年飄泊厭西東秋風楚塞塵
隨馬夜雨吳江浪打篷旅邸寂寥芳歲換仙遊爛
熳幾時同羅浮此日南薰轉無數漫山荔子紅

訪單孟雄不遇

不見龍灘單孟雄欲從山蘚覓行踪門前烏柏經
霜紫樹杪青霞著日紅蠟屐定過蝴蝶洞竹門長
掩鷓鴣峯桃花流水仙源近歲晚漁郎或再逢

曾氏若日壽翁詩

詞林每憶鄉園友曾是才名動縉紳觀國倦騎沙
苑馬幽棲長戴華陽巾芙蓉火足龍蟠鼎松樹天
寒鶴近人天上歸來今白髮泉南水竹願爲鄰

懷萬脩撰謫遼東

二首

垂老謫官瀛海上驚聞嗚咽淚沾巾長憐偃蹇難
堪俗豈信文章解悞身賦鵬幾年留賈誼懷沙此
日弔靈均無勞更用悲萍梗見說皇家雨露均

聞君遠謫三韓去萬里天風裂素衣聖世君恩殊
未薄畏途吾道一何微金蓮炬暗梅花落鴨綠江
寒鴈影稀我亦漂流向滄海相思何處不依依

奉寄文淵學士吳公

翰苑擢文沐寵多遙聞近侍在鑾坡讜言屢進分
香日直筆常濡太液波入相內庭稱褚亮薦賢當
路說常何獨憐落職東遷客遠道西風髮欲皤

懷朱太史芾宋舍人璣

誰憐飄泊向江關獨倚長風憶妙顏老我黃塵三
楚外羨君華藻五雲間清時步武蜚聲蚤晚歲凌

迤奏牘閑鍾阜冶城蒼翠裏何由更得共躋攀

懷揭孟固

弱水神仙路渺然欲從何處問群仙金門正合容
方朔滄海寧當老鄭虔白玉堂前秋月冷紫薇花
上曉風顛吟菟想挹天光近鳳尾游絲五色鮮

懷碧虛觀寄止菴蕭鍊師

四首

安期臺下蓋珠宮舊雨題詩紫翠中五夜丹光虹
貫日四山松樹鶴呼風雲深洞口藏金母歲久林
楓化玉童吟客遠遊仙子去錦桃春晚爲誰紅
飛泉作雨落寒岩蓋闕凌天起翠嵐禹栢千年青

藹藹充蒲九節玉氈氈天游別我知誰共世故撩
人祇自慚雲月舊盟應未冷可能相待解朝簪
平生最有滄洲趣一住三吳十二年愁逐亂雲生
隱隱夢隨孤鶴去翩翩尋真謾爾懷仙侶鍊藥憑
誰授秘編目斷南雲心欲絕祇今無計脫塵緣
前身恐是臨臯鶴長占烟霞物外交幾向滄洲乘
野艇更依蓬島結書巢千年果熟雲明樹五粒松
寒露滴梢爲報羅浮蕭羽士好開羅逕碧山凹

思家古河

古河烟草暗南天此去鄉園路幾千燕子來時春
寂寂海棠開後雨綿綿滄江水遶吟詩社綠渚
明載酒船更憶故人王給事愁來書破薛濤箋

悶興

各愁愁不醒誰憐新舍在南溟佳人花底占
鵲令弟沙邊喚鶴鴿度嶺南來雲漠漠清江東
下雨冥冥幾回吟罷空惆悵謾對寒梅倒醪醑

觀海

海上蟠桃冬着花蓬壺高處敞仙家天寒霧雨籠
鮫室夜叉星辰泊釣槎神女步蓮珠結鳳醉翁題
竹墨淋鴉連鰲未試任公手欲借前籌紀歲華

戊遼渡海 二首

天風萬里嘒洪濤驚見神峯立巨鰲緝節影搖龍
伯國繡幢光拂海鳧毛浮空員嶠隨波長繞石珊
瑚出浪高儻許從戎樹勳業白頭歸路擁旌旄
清詩字字盡琅玕水底蛟龍夜起看未結柳船驅
五鬼又將蓬鬢犯三韓靈臺降夕通仙語海屋添
籌紀歲闌萬里封侯期可遂春風笳鼓入長安

渡海呈同遊

同來文章諸鉅公昔時作宦今從戎不論西蜀西

東廣共渡北子期首河軍鶴子佩雙虎左

沙門島 三首

書歸奏蓬萊宮

白銀堆裏湧仙臺歲晚登臨亦壯哉烟成
海市巨鰲擎石作蓬萊金翅翠羽空中見貝闕珠
宮水底開凱奏北旋應有日同遊俱是濟時才

立占滄溟碧玉簪蜃樓高過百花香巖興來落筆才
無敵老去從戎力尚堪詩卷長年留海內夢魂清
夜繞江南綸音早晚需前席日望登萊使者驟

沙門滄洲洲上山九河碣石高巉岩雲來氣通巫
女峽月出光映藍田關宮前彩鳳駕車下祠底白

龍行兩還浴鳧飛鷺立沙際疑是青瑣晨朝班

與謝縣丞坡山聯句

幾年來作交州客今日方登第一樓謝萬頃煙波

涵碧落四山雲氣藹清秋孫瑤臺鶴駕排空下石

室丹光傍井浮謝蓬島依微天路近凌風直欲訪

丹丘孫

送董文啓出宰江百

委瑯晨看拜玉除西遊真食武昌魚王孫碧草

無際仙掌金莖露下初今日才名百

說相如然月

對南

戶竹

挽李樵雲

相國靈輦闕九京桓桓松柏表佳城雲已際興

王運雨露偏傷孝子情一代文章遺汗簡千秋爨

鼎勒勲名平原賓客今誰在獨寫椒漿帶淚傾

西菴集卷之七



七言絕句

紅菊

龍山九日宴斜曛萬朵秋香散彩雲
醉岍綸巾對芳物西風應識舊參軍

靈均且莫怨清醒楚水朝雲炫落英
宿酒未平佳節過西風吹帽最多情

墨菊

熹微衡宇露初乾九月江南動早寒
肺氣暫平新斲酒天香零落醒中看

三徑松門掩翠蘿
白鷗飛去曉霜多
天隨艇子無人共
寥落寒香柰爾何

紅梅

瑤池王母閨風西
夜晏群仙錦繡幃
月落參橫天向曙
醉騎丹鳳繞湖歸

丹青學寫壽陽姿
艷杏仙花嫩柳枝
猶記醉邀何水部
淮西歌吹舊臺池

墨竹 九首

洞庭春盡水溶溶
錦瑟輕寒起卧龍
行客欲投蒼水佩
亂雲遮斷九疑峯

誰拈秃筆寫淒迷
亂石橫江碧玉低
猶記畫船初泊岸
落花時節郭公啼

虹光雲影綠參差
赤壁餘艤晚更移
春雨乍晴燒玉版
鱖魚上水鱖魚肥

陽雲臺下曲江頭
一徑笙簫萬頃秋
莫向晚涼歌白紵
碧叢深處有鞦韆

秋寒萬玉倚雲青
青入君山白鳳翎
偷得雲和千載曲
夜深吹與老龍聽

昨夜春雷震楚山
籟龍驚覺錦斑斑
蛾眉老客禪心在
應化橫江老鶴還

巖上烟消見日光
歌聲遙隔水雲鄉
漁翁莫汲清湘綠
留取高枝宿鳳凰
澧水春陰午未消
寒梢低護木蘭橈
天涯風物餘空翠
應是英皇淚點飄
歲稔萬玉曉撐風
應是清溪野水東
更畫接羅顛倒着
嫩涼添我綠陰中

王孫圖

二首一挾
彈一聽鳥

誰拈金彈倚青駃
鞍面開元結束同
好似華清二三月
綠陰籠仗入離宮

東風馳道直如絃
琪樹春陰護馬韉
從幸少年初賜錦
數聲啼鳥落花前

宣和樹

木翎毛

上林芳樹藹崇宣
澹墨踈翎膩粉牋
何似白榆棲凍雀
蕭蕭風雪蒲初連

折枝桃花圖

扁舟獨上武陵溪
花暗漁郎路欲迷
忽見畫圖驚一載
東風憔悴一枝低

桃花白練

沅江江口武陵溪
翠影紅香粉翅低
爲向東風頻寄語
莫將春色到安西

楊妃出浴

浴罷溫泉體未乾，歛襟非爲玉肌寒。
胡兒一指痕猶在，只恐三郎着眼看。

楊太真對鏡圖

舞鸞金背隱清光，中有開元墮馬粧。
一線枕痕春色淺，夜來知是夢漁陽。

梨園按樂

白雪飛香玉作城，霓裳度曲按新聲。
東風吹醒漁陽夢，一段春愁畫不成。

村姬牛圖

玉環迷恨馬嵬坡，出塞明妃淚更多。
何似阿婆牛背穩，春風一曲太平歌。

昭君五首

莫怨嬋娟墮虜塵，漢宮胡地一般春。
皇家若起凌煙閣，功是安邊第一人。

曉來攴帳理鉛華，對鏡偷憐復自誇。
如此玉顏君不顧，更從何處選良家。

閭闔龍鱗開玉陛，嫖姚馬影度旌旗。
誰憐漢道昇平日，是妾漂流薄命時。

回使殷勤莫寄辭，君王此去苦相思。
容華自昔能

傾國只爲風沙遠別離

玉顏啼淚濕胡沙東望長安不見家月滿穹廬愁
似海強將心事付琵琶

題葡萄

驪龍弄影照高秋萬斛明珠露氣浮還憶玉人歌
舞散紫駝銀甕出涼州

雜畫 十首

曾記東林信杖藜遠公門對石橋西長松月落猿
聲歇羸得青山似虎溪

羅浮山水滄江曲水連清溪樹連屋舊兩仙翁乘
興去荔枝應過楊梅熟

溪雲漠漠樹宛宛不是三湘定朝川花氣曉迷桃
葉渡虹光夜貫米家船

小甕松花已潑醅縛柴門子夜長開天寒動有王
猷與應放清溪夜艇回

驚濤一葉海門關秋淺吳楓未著斑千載宦遊今
看盡澹煙斜日小孤山

不見扁舟採芰荷天風何處度清歌芒鞋此日雲
門寺應是鑑湖秋水多

望湖亭上倚清秋水落吳城樹色幽何日松巢招

五老九江同泛釣魚舟

愛此名山似蜀中山如斑笋樹如龍瞿塘幾日漩
渦小欲駕扁舟訪赤松

沾恩幾載入承明雲冷漁磯白鶴盟忽見新圖被
山惱欲辭簪組乞歸耕

白鷺洲前野艇歸釣魚磯上綠楊垂人間野况都
如畫柰此窮生薄祿爲

四皓圖

只合滄芝老萬山誰教鶴髮動龍顏蛾眉對酒歌
鳴鵠怨入商林紫翠間

畫梅

四首風
烟雪月

游龍扶風飛上天明珠萬斛爭春妍師雄醉夢颯
驚覺羅浮月墮西湖邊

梨花香冷月陰陰青女橫陳萬玉林繡箔珠簾人
不見相思無地着春心

小國佳人窈窕娘春風環珮素綃裳千年獨抱靈
均怨夜結明璫獻楚王

仙樓十二敞春風千樹桃花似錦紅瑤水玉娥清
宴罷素鸞歸去月明中

松

雙松如蓋倚雲長，曾憶匡山問艸堂。
拂石坐來龍影濕，半陂春雨茯苓香。

梅

天風吹墮白霓裙，五嶺雲深路不分。
千丈玉階尋步襪，碧牀香落始知君。

嘗草圖

疾藜勾吻總青青，慚愧春山草木榮。
幾欲騎龍叩人闕，綠章祈雨護黃精。

舞馬圖

露鬣風髯錦彩鮮，登林胡旋更翩翩。
青騾祗識連

雲棧不辭啣杯獻御筵

送翰林宋先生致仕歸金華

二十首

海內才名五十年，聖恩榮許晚歸田。
金華父老如相問，曾是瀛洲第一仙。

新賜宮衣雪色如，歸榮况及早春初。
公卿祖帳都門外，人道風流似二疏。

二十餘年侍禁闈，趨朝常早晚歸遲。
春坊一掬臨分淚，記得垂髫受業時。

門生日日侍談經，獨向孫蕢眼尚青。
幾度背人焚諫草，風灰蝴蝶滿中庭。

千載班揚亞六經先生高步續芳声高麗日本朝
王使長向仙班問姓名

萬丈文光北斗懸清名不獨域中傳東夷買得潜
溪集已向扶桑石上鐫

頭白勲庸列上卿君王豈是重文名朝廷禮樂新
寰宇半是先生撰次成

幾逆龍鱗進治安朝回只說聖恩寬小儒日侍絲
綸閣不得囊中奏稿看

令子内庭書制誥佳孫復作序班郎一門三代沾
恩澤更着錦衣歸故鄉

事業文章滿汗青白頭歸去世緣輕雙溪水繞長
松下只讀楞伽一卷經

紅鞋金帶荔枝花三品詞林内相家歸去山中無
箇事瓦瓶春水自煎茶

盖世文章未是雄真純卓有古人風賜金長是沽
春酒醉殺鄰家桑苧翁

乞與山童潤筆錢歸時正及早春先玉堂分取薇
花樹種在雙溪淺水邊

玉樹芝蘭取次成小孫開歲亦能行懸燈夜讀元
朝史認得前編老祖名

不用黃牛教子孫爲儒三世受君恩却將視草堂
前筆歸去題詩水竹村

山僧野客莫相過碑板人間刻已多從此黃庭不
須讀自開池水養群鷺

榮歸詔許老山垆火棗交梨養性靈秘府圖書翻
閱盡却從方士借丹經

近欲長叅不語禪水雲飛盡月輪圓惟餘一冊龍
門子留與西江學者傳

後學無師誤少年在於貧也更堪憐聯班欲上陳
情表留取先生住講筵

華髮朱顏六袞餘還鄉猶駕軟輪車龍江閔吏知
相識應止青牛乞著書

祖考榮封寵數優君王親爲制衣詞與臨流好起雲
章閣高壓清風八詠樓

羽衣來自大江西打得旌陽鐵柱碑聞道珊瑚纏
藥石碧潭清夜老龍嘶

建業鍾殘禁漏稀九重天上早朝時正堂清暑風
霜冷常恐先生入奏遲

鳳翥龍飛御製文人間未見墨花新恩榮獨爲詞

林重親向宮門賜老臣

孫西菴集
卷之十
晚出金閨望故鄉芙蓉峯影月蒼蒼歸途跨得銀
鞍馬原是天閑小乘黃

寄高彬

條風吹綠滿蟾溪蠟屐行春日向西獨木橋邊鳥
柏樹鶉鳩飛上上頭啼

寄王彥舉

綠楊陰下玉驄嘶絲絡銀瓶帶酒携
夜雨不知身在蔣陵西

寓居傅小樓懷以成

故人何處艤蘭舟誰念西窓客
留賴有姪娥憐

寂寞流光偏照讀書樓

臨清軒題壁

思君幾日不相見特向城南問隱居
巢鶴不驚流水靜一爐香炷數編書

憶得四首

憶得垂髫少小時青燈黃卷日相隨
于今放浪江湖上一段閑情總付詩

憶得初年不解愁藥欄花迳日風流
臨池書罷黃庭帖走馬城南看舊遊

憶得栖遲泉石間衡門無事鎖常閑
日長書困南

窓下燕子驚回夢裡閒

憶得曾陪紫府仙風流儒雅興備然夜來貪玩西
窓月花影侵堦尚未眠

龍江夜泊

蔣山山頭秋月明龍江江上暮潮生行人又是金
陵客卧聽西風鼓角聲

過揚州 二首

江上垂楊覆白蘋斜陽啼鳥斷吟魂朱樓翠箔今
何在一帶寒城鎖暮雲

垂楊白白折殘枝春盡瓊花作雪飛少日狂遊今
是夢竹西歌吹舊臺池

下邳

淮南五月叫春鳩花落清河錦浪流偏恨寂寥鄉
思裏澹烟寒月下邳州

呂梁洪

驚濤觸石雪潏潏五月河風尚作寒問訊南來荆
楚客官船幾日到淮安

聊城

兩滄頽墻草翳空魯連千載見高風愁來自撚鵝
翎箭日落登城射斷鴻

聊城見荷 二首

踈踈寒綠間天香
細雨微風澹曉粧
憶在古原山
縣裏寂寥三載負紅芳

花不成粧藕未乾
嫩紅新葉捲輕寒
官河水落南
風小不似賀家湖上看

武城

獨上荒城野日陰
絃歌千載憶遺音
黃堂皂蓋成
塵土何處春風綠綺琴

過荏平望嶧山

已敝天寒草殞青
授經誰吊伏生靈
嶧巖石刻鏤

竒古終慙沙丘混
鮑腥

周公

帝子揮戈復故都
三監才畧佐鴻圖
扶危不仗蒼
髯老誰奉新王六尺孤

范蠡

已作江湖物外仙
歸舟誰遣載婫娟
登樓有客思
傾國幾度臨風夜不眠

伍子胥

忠言極諫起君猜
託宰讒行劔賜來
從此強吳隨
作沼果然麋鹿走高臺

黃歇

終古天心不可虧陰謀祇是得傾危春申更使能
成事只似秦家呂不韋

荆軻

悲歌慷慨髮衝冠上殿披圖却膽寒生劫詛盟緣
底事錯將秦政比齊桓

昭陵

萬里山河幾戰征阿爺機不見先明春城鼓吹黃
金甲肯伴藩臣奉乃兄

符堅

戰鬪爭雄國作墟離民恨不總為魚誰云未得降
王長先向長安為卜居

二喬

中原落日一星黃虎躍龍跳有底忙漳水鳳臺高
百尺小姑何用嫁劉郎

赤壁

百里旌旗蔽楚天黃龍青雀化炎煙可憐醜酒臨
江上正是孫郎躍馬年

魏臺

魏臺金雀舞晴空鮒閣雲烟起卧龍詞客倚樓空

孫西齋集
卷之六
作賦不騎羸馬向西東

姑蘇臺

娟娟江風泛玉臺荔枝香老木瓜開蛾眉不飲盃
中酒日暮闔門野鹿來

靈岩寺

屏脚猶記館娃名照水荒臺草自青幾樹芙蓉依
水閣雨餘西子醉初醒

姑蘇開元寺

梵宮春盡落花時倦鳥猶啼竹樹枝想見風流唐
太守綠陰蒲院坐題詩

望九華山

一葉扁舟渺漠間白雲飛處九華山生來自有清
幽興每被微官誤却閑

過赤壁

樓櫓炎烟舊事非留題孤壁日斜時周郎慷慨空
橫槊如此江山不賦詩

過荊州

高情長記仲宣樓醉裏臨風賦倦遊千載詞華人
似玉客船今日過荊州

巫山

孫西齋集 卷之二
巫山高知幾重朝雲暮雨楚王宮人心對面有
巖險更勝高唐十二峯

出蜀 二首

白帝秋高木葉黃蜀中長是兩浪浪瞿塘水落漩
渦小一路看山到洛陽

雄風淅淅雨淒淒啼殺春山蜀子規江到岳陽舟
楫穩夢魂從此怯巴西

次張仲舉詩韻 四首

重重疊疊水南峯五五三三石上松釣艇蕩歸春
雨足草堂猶有白雲封

江上依稀栗里峯峯前隱約故園松征鴻盡向南
天沒不爲離人寄一封

遠遊三載別青峯見盡長思問竹松歸棹五湖烟
水澗柴門應有落花封

雲連江上九華峯露沐仙家五粒松但使風光如
畫裏余生不羨五侯封

幽居雜詠

七十四首自洪武十
一年平原還家作也

仙衣自種一池荷采采青黃當綺羅怪底邇來秋
氣早水禽飛去曉霜多

紈綺紛紛幾戰場閒身贏得水雲鄉扁舟日暮鳴

柳去付與沙鷗管夕陽

少日三吳樂事饒木蘭船上醉吹簫松風驚覺游
仙夢疑是錢塘八月潮

自別瀛洲鶴背寒石田茅屋歲漫漫梅花落樹先
春發猶自金蓮炬照者

學鍊還丹歲月遲要觀滄海倒枯時人間甲子成
何事不似山翁一局棋

乍起新涼理釣船秋雲映水色澄鮮漁童解撒攔
江網賸得槎頭縮項鱸

淺水漁船學捨風竹竿斜着抗孤篷青蒲葉底寒
波起吹入蘆花汊港中

野老烹雞會四鄰瓦盆盛酒亂無巡風林自奏陽
春曲一日鶯聲到夕曛

遠公蓮社久相招老大無心到石橋遙想東林山
月出白猿啼處樹蕭蕭

十載山中讀道經石壇煙雨桂花生年來賣藥長
安市漸喜無人識姓名

隱去無心戀歲華惟同野老問桑麻門前莫種青
青柳怕有人呼縣令家

酒伴詩僧日見尋高歌劇飲坐攄陰雷連莫恠盃

孫西齋集 卷之十 十一
中盡賸有床頭舊賜金

高原極目浩茫茫鳥盡遙天若箇長一片夕陽秋
草地不知今古幾興亡

醉裏臨風吊屈原楚吟空賦遠遊篇凌空語意誰
能解千古惟應待我傳

試學鷗夷物外情水雲空濶釣舟橫從來用盡無
高策浪得歸湖范蠡名

終古無名識是非百年高興子陵磯沙鷗不管人
間事細雨斜風自在飛

玉裴仙子住山椒靜夜能來不待招莫怪寒林星
斗黑野人踈懶坐相邀

長樂歌鍾醉五侯滄浪何似泛扁舟無人解得閑
中意雲蒲秋空水自流

厭看桃李媚春陽最是秋來樂意長千點黃花數
行柳幽居人道似柴桑

野吟詩句出天成景物如雲眼底生白石江頭烏
桤樹夕陽踈雨鷓鴣聲

鶴背腰纏有幾家老陶貧薄太無涯青鞋布襪歸
來好却使無錢對菊花

依山茅屋小於舟吟對風光憶舊遊平地白雲秋

萬頃五湖烟水似揚州

村醪舊甕按新筇四月蚕成麥亦收但使百年都
若此吾今於世亦何求

幽花蒲樹酒盈樽白水斜陽度曲村曾憶少陵風
雪裡也曾朝叩富兒門

恠底襄陽孟浩然寒驢衝雪踏江天無人說與寒
梅樹只合開花暖閣邊

幽居僻類杜陵家春日垂垂橘柚花花遲今朝緣
客掃磁瓶汲水自煎茶

凍露初開日暈青長松落雪報新晴茅簷聞瀑俄
驚起何處鴻門碎玉聲

野人於世本無營尚有閑功日計程篋竹縛梯求
密甯連宵運水搗香秬

夢覺哦詩醉後眠春來秋去總茫然山中曆日從
來少欲倩何人記歲年

本學埋名坐釣磯誰言天上客星移前灘水落西
風冷覓得羊裘不敢披

迴塘曲渚月明多遊女相呼采菱荷老去風情渾
盡減隔花誰唱竹枝歌

歸休贏得卧中林坦腹蓬頭綠樹陰非是葛巾渾

忘着邇來華髮不勝簪

垂柳陰陰護釣磯
溪流盡處着柴扉
時人莫用知名姓
清世林泉老布衣

爲報奚童掃綠苔
柴門長日便教開
曉烟晴日鶻聲急
應有故人天上來

勲名本不到旂常
徒得烟霞冷趣長
林下一瓢桑落酒
誰云得及市朝香

書生元亦羨封侯
經世才迂不自由
萬一鶴書求野逸
素琴重到碧山幽

洪武十五年果起用

青年出仕奉明君
老去投簪卧白雲
千載周顒風

致在此山先自錯移文

桂樹叢生山正幽
王孫歲暮儘優游
不知招隱緣何事
眊眊風前詠不休

約客聽琴掃石臺
竹門唧軋倚風開
空山日暮碧雲合
天外美人來不來

卯酒初醒午夢餘
南風入戶北窓虛
閑身已在羲皇上
到此令人悔讀書

韓子高軒不再逢
草廬長倩落花封
若無韜畧能匡世
伏枕惟應愧卧龍

淵明千載我知音
縱有冰絃不鼓琴
聞說商於尋

綺角寂寥誰識古人心

雲本無心偶出山幽林薄暮鳥知還如何世上驅
馳子只在紅塵擾擾間

故人肥馬衣輕裘意氣揚揚得自由林下兩餘苔
徑滑免勞相過碧山幽

多才宋玉又能詩誤對清秋景物悲湛湛長江楓
樹底扁舟正可學鷗夷

最愛徜徉阮嗣宗秋懷當日賦偏工酣歌裸袒青
林下晚歲心期與爾同

容得蕭閑亦已多敢論官綬與漁簑東流逝水西

流日百歲只消如此過

雨泥琪花落蒲牀寂無人到讀書房閑中不覺青
春過靜裏方知白日長

呼龍種木豈無經痊鶴藏書亦有銘獨對梅花寫
遺恨招魂未續楚騷聲

露氣橫山夕未晞古松枝冷鶴聲遲東林日出西
溪白正是仙翁睡熟時

欲鑄鍾期未買金斷絲寒絙案頭琴虛堂月底彈
清曲別鶴離鷺自賞音

笑殺仙源避世翁洞門猶與世人通臨流莫種桃

花樹惹得春來着處紅

一自衰翁惹世譁川原錦樹飲紅霞
閉門不倩烟霞鎖都向春風怨物華

笑殺山陰王子猷凌競雪夜泛扁舟
地爐蒲着松明火芋栗香中酒一甌

梅花不解十分清香影撩人說姓名
林壑未忘居鼎鷓老枝留子待調羹

山真幽絕人稀到柑子陰涼客屢過
不見晚來傾白墮小園當奈月明何

幽幽綠樹圍華蓋眇眇流泉奏玉琴
不必畫堂絲與竹自然山水有清音

黃菊花開貧不厭茅柴酒熟醉相呼
平生最愛陶彭澤風味全然似老夫

柳塘昨夜雨聲急早起春水欲平橋
放教汀草芊綿綠添着林花婀娜嬌

春酒獨酌不成醉可憐溪上百花開
花前幾日南風緊門外今朝好客來

如花女兒春柳腰高歌自駕木蘭橈
彎彎纔見初生月隱隱斜明第四橋

鄰屋白酒近初熟老子盡日爲花忙
將隨粉蝶聯

翻舞欲趁遊蜂上下狂

不覺門外春已過只說飲酒日豪吟林花盡褪娟
娟色澗竹都成密密陰

初開草堂三五日池上鷗鷺日頻來桃花枝嫩未
堪折楊柳陰疎還更栽

江上好景莫虛度屋邊亂紅今已深不是春風相
勾引道人爭看日携琴

栢子香消晝景遲坐調元氣學希夷旁人那解玄
中意文火温温只自知

半世爲儒好自輕狂歌浪詭闔詩聲內庭消盡還
丹火傳得江湖說姓名

自入珠宮捧玉宸別招猿鶴作新鄰空林寂靜無
來客千載丹楓作老人

塵緣靜盡覺神清對月虛堂煉鶴形采得石橋花
上露研硃自點石臺經

羽步天壇禮帝居星文拱北似連珠寒雲不鎖丹
砂井一夜虹光徹太虛

煉得梅花白雪顏閑元靜夜浴金丹呼龍起種春
田玉白日山精倚樹看

蒲團靜坐思窈冥清晝只誦大洞經碧壇玄鶴忽

飛起琪花亂落風泠泠

天台二月風景新石橋流水起龍鱗美人相約看
花去雲暖洞房仙帳春

丹成八極恣神遊藍關風隨鶴騎秋上苑看花猶
一夢五雲回首帝王州

秋閨思 四首

天上姮娥也可憐廣寒宮裏夜孤眠早知人世相
思苦不若移居桂樹邊

涼夜簫聲處處過玉樓高起逼天河西風瘦盡梧
桐葉添得西窓月影多

壁月斜明翡翠屏水花零落點秋螢夜闌院院垂
金鎖獨立蒼苔望帝星

踈櫺鉄馬亂風飄火冷金鳧百和銷怪底芙蓉清
漏永不知何事苦迢迢

閨怨 一百二十四首

憶初癡小嫁君時只道長年不暫離鴛被未寒揮
別淚愁來心事情誰知

都門不去亦何妨行色匆匆有底忙欲向碧桃花
樹底牽回白馬紫遊韉

別來初種小桃花艷蓋今成蒲樹霞辛苦遠遊成

底事半生贏得負韶華

小園蝴蝶太愁懷作對雙飛趁曉風已逐黃蜂過
鄰屋還隨花片入簾櫳

不恨韶光似水流綠池景色自生愁門前幾樹垂

楊柳日日對啼黃粟畱

即黃

一段春愁未易裁百勞飛去燕飛來房櫳半掩東
廂裏幾度山櫻落復開

家住長干白下間黃頭奴子識花顏欲趁郎船着
明月寒潮惟到小孤還

青年幾許謾狂遊一種相思兩地愁早晚郎船發
楊子相迎不憚下瓜州

欲向東風訴別因四時原自不傷春薰籠靠着交
疏裏婀娜濃花惱殺人

新燒鉛粉作春紅病掃雙蛾淡復濃宮樣雲鬟巧
粧束不知愁裏爲誰容

怨殺聯翩白馬蹄遠馳夫婿路東西歸來繫在垂
楊下踏破春風錦帳泥

寄語多情燕與鶯莫勞花底弄春聲千吟萬轉知
何益空使寒閨夢不成

阿玉雙成奉紫姑自拈香炷禮仙鳧郎騎白馬歸

來日得及庭花未落無

惱殺春山怨子規風前雨裏幾淒淒如何只繞深
閨樹不向遊人醉處啼

晚思沉沉倦倚闌玉簫聲歇酒闌珊澹雲還掩初
生月誰護梨花作夜寒

睡到黃昏坐到明只緣君去沒心情常時欲寄平
安字及至人行寫未成

別眼愁容怎地看任他塵撲鏡中鸞腰肢不學昭
陽舞那作羅衣日日寬

生兒不合住京華綺陌香衢見百花雲鬢縮成村
婦樣只教夫婿學農家

翠竹陰中栖鳳凰綠蘋深處浴鴛鴦迢迢萬里巴
江水比妾春愁分外長

故國園林玉樹新路旁休戀野花春尋常世上癡
兒女只重黃金不重人

仙母蟠龍隱玉臺合歡羅帶下牀開深房內閣無
人到怎麼春風驀地來

舞女歌兒艷兩川回裙掩面闔嬋娟那堪白馬狂
遊日正是青樓薄倖年

愁寂偏多感物華春寒故故入窓紗無端一夜東

孫曰... 卷之... 十五

風起吹落庭前夜合花
誰識沅湘路幾千
夢魂夜夜到君邊
春光不管愁人恨
故傍楓林叫杜鵑

薄寒猶可夜藏闌
向晚那堪獨倚樓
最是着人添懊惱
海棠枝上月如鈎

繡線針寒不待拈
金爐香燼亦慵添
月移花影偏當戶
風攪遊絲故入簾

昨夜裙腰忽褪圍
清晨蟻子繞深閨
春來吉兆頻頻見
定是遊人北夕歸

試掃雙蛾偶便成
容華今日倍分明
綠楊堤上嘶春兩
莫是吾家白馬聲

見說新隨蜀客船
亂漩渦裏下西川
還聞又向瀟湘去
偏是君山有夜猿

夜漏沉沉似歲長
小鬟貪睡懶添香
春風莫撼流蘇帳
待妾分明夢一場

接得封書妾自開
分明說與便歸來
千回枕上聽春雨
幾度階前掃綠苔

不如嫁與弄潮兒
潮去潮來自有時
誰似阿歡無信幸
說歸長是誤歸期

壓夢春愁情不醒
忽聞剝啄猛然驚
羅裙旋繫開

朱戶原是幽禽啄木聲

舊栽楊柳色氤氳千里渾忘寄一緘春鴈高飛惟
向北不知遊子在江南

腸斷閑山路轉迷房櫳風氣冷淒淒幾回愁倚高
樓望錯認行人到日西

燈不成花夢欲闌素羅衾薄掩春寒忽聞風響秋
千索夜半倉惶出戶看

雖緣遠別擾憂煎正合同心到百年莫學錢塘蘇
小小又隨人上販茶船

聞說風濤暗洞庭只將心事抱神靈一爐香篆寒
星下學誦蓮花妙法經

月斜風細夢初回日掩重門夜却開花影亂中人
影過失驚原是小瓊來

夜靜焚香禮玉娥杏花涼露濕衣羅幽情不遣旁
人解盡是喃喃細語多

聞喚飛瓊學問禪緣何於意獨涓涓未酬前世鉛
華業來結今生寂寞緣

對盤雙陸打黃金掛樹朱籠賭百禽不是愛他延
日子免教提起別時心

殘春寂寞似深秋風蒲簾櫳月滿樓一捻芳心柳

孫西菴集 卷之十
子大若爲裝得許多愁

春雲莽莽欲遮天
蒲眼如雲復似烟
明月趕回青嶂外
長風吹到畫堂前

淚似花枝兩點流
愁如江上亂雲浮
淚盈方朔三千牘
愁滿瞿塘十二樓

青春桃李少年時
正好歡娛又別離
直到紅顏都去了
却來相對喜成悲

莫入襄陽與洛陽
綺羅勾引少年郎
歌樓美酒三千斛
舞榭金釵十二行

青樓曲譜怨湘娥
半是閨山別意多
愁緒春來怕絃索
雪兒休更抱雲和

理得粧成坐少時
淚痕依舊濕臙脂
從今已後無心性
鉛粉常拋不要施

怨女和戎黑水河
玉環埋恨蜀山坡
佳人薄命頭頭是
比較兒身好幾多

月色花香滾滾來
不容些子暫開懷
杜鵑啼血方停舌
芍藥移陰緊上階

生來自愧不爲儒
歛手逢人念起居
空有一腔離別恨
倩誰脩作萬言書

新愁舊恨積如林
欲訴還羞復不禁
安得越禽秦

孫西齋集
卷之十
古了替人終日道勞心

兩態雲容惱殺人
虛無似夢復疑真
陳晉子建多才思
莫向江臯賦洛神

春來道是兩浪浪
却又開門見日光
欲落朱奩看明鏡
頭風半日不成粧

對花誰與擲樗蒲
自倚危闌到日晡
愁裏漏聲遲欲咽
自傾新水入金壺

記得兒孫樂事多
女郎同唱採蓮歌
紫驕嘶入落花去
柰此空閨日暮何

過從要與善爲鄰
况復炎涼世態新
不用爲他煩惱得
阿歡原是讀書人

爲怯琵琶不忍听
龍香撥子暗塵生
東牆恠底春風過
又是鄰姬按玉箏

細展占書綉閣前
不知速喜定番連
憑誰斷得即歸日
願與金釵當卜錢

遙天月暈一環紅
明日商量定起風
想怕玉娥心緒亂
故教攔住廣寒宮

已許紅絲繡鏡囊
更饒金粉拭清光
鏡中神聖知人意
托夢兒家白馬郎

別意空馮遠信傳
幾回臨起復纏延
天長白鴈相

將去知在南雲若箇邊

黃昏也待睡些些月影撩人故故斜簾幙數重花
萬疊愁來只是不能遮

畫籠鸚鵡日啁啾自與離人替說愁戲擲枇杷打
金羽兒夫去後憶如否

世錄文星苦不齊我辰生處直孤栖大都離合原
閨命錯怨車輪與馬蹄

朱簾落索掉簾鈎日裏枉風夜未休花底過來吹
蠟燭也如人淚一般流

愁裏飛花一夕空寸心無奈倩神通閨闥不省文
王易卦落誰知吉與凶

便擬招魂誦楚詞何緣生別故遲遲臨風試學巫
陽些偷把寫釵掛竹枝

春宵誰道直千金妾獨愁多思不禁花月只消長
惹恨管絃惟有更傷心

昔聞仙客好幽棲除却清齋醉似泥生世不諧遭
遠別妾身何異太常妻

百年夫婦本同心舊愛新憐夢裏深料得君非題
柱客枉教人賦白頭吟

少日雙眸炯動人倚風回顧頰生春無因暗滴相

思淚減却秋波一半神

午夢驚回是不誰阿奴偷捻紫簫吹寒聲未斷腸
先斷怨曲將成淚已垂

過眼年光總是愁嫌春春去淚還流荷香柳影裏
涼夏月色蟲聲冷淡秋

碧草初看上玉堦飛花又見點蒼苔年年好景那
人願懷抱何時得少開

繡閣朝來與頗新試拈錢卜問歸人花言巧語梁
間燕舊館新粧鏡裏塵

怯雨愁花過一春嬌姚半是女兒身朝來逐伴鬪
百草門外天風吹倒人

玉臂無人點守宮戲拈花瓣貼春紅香痕忽被風
吹落彷彿逢君是夢中

一從君去負芳春幾歎容華誤妾身也似崔微啼
別後蕭條不及巷中人

供佛清齋折露葵課經時繞白蓮池雲鬟祗欠金
刀剪頓是山庵苦行尼

班姬紈扇奉餘恩蔡琰胡笳墜虜塵此命一生如
紙薄好和孤妾是三人

夜雨偏傷獨睡情芭蕉點點助寒聲分明隔着窓

兒紙直向心頭滴到明

村巫市媪莫相過聞汝深中術數多心似後園金井水從來不會起風波

採桑隨伴出城隅不謂途逢使者車錯把明粧照壚落賺他駐馬久踟躕

年少離家志未堅閑雲騰雨滿江天舟行若過巫山渚莫向蓬窓白晝眠

枉控朱簾十二鈎一身何用許高樓桃花流水隨卽去只學漁家住小舟

寫得鴛箋數十言絨成不寄淚如泉瑤池欲倩西飛鳥帶到湘靈錦瑟邊

窓紗雲影竹梅霖冷蓋香凝案上琴幾日生疎絃上手愁來無地着春心

心如金鈿只須堅歸早歸遲總信天錯聽幾聲簷外鵲朝朝江口望卽船

高堂朝夕奉姑嫜冬裏溫湯夏扇涼不是西山春日薄只拋孤妾亦何妨

悞透單居一味禪丹光如月靜中圓人間若有蓬萊島也合乘風作女仙

無非秣爲隔關山若箇牽纏又未還二十五程荆

楚路順流江水霎時間

臂上紅絲錦作符竈前香火玉爲爐無人爲起凌
烟閣畫作紫姑仙女圖

欲掃鴛牋寫綵雲惟將心思怨夫君蜀山花竹湘
潭兩杜宇春深獨不聞

婉意柔情似海深却將離索負光陰村姝野媪無
風致也解團欒怨景砧

青草湖邊日欲西黃梅雨裏鷓鴣啼江南氣候春
來惡莫聽寒聲助慘悽

生兒豈免涉江湘身世無成取故鄉人事由來多
錯忤知君不是故相忘

遠路迢迢水隔天流光冉冉箭離絃惟應自築青
陽室學煉還丹駐少年

薄命真成枉嫁卽嫁來三載守空房鳴鳩語燕皆
求匹秋菊春蘭各自芳

翻羨南鄰賣酒姬近來嫁得住家兒何常蕩着風
波性步步相隨不暫離

金屋長年貯阿嬌好教虛度幾良宵尋常未嫁人
家女也向深閨怨寂寥

楚水吳山萬里餘兩年方見一封書都來費得鴛

箋紙何處春江無鯉魚

偶弄青梅凭短牆誰騎白馬傍垂楊撥雲潑雨來
相擾不是巫山窈窕娘

洞庭暮雨起春波翠旆金甍帝子過遙想泊舟明
月渚夜深歌枕聽雲和

放着南來北去舟江波不住也東流良人解得西
歸日可道相思到白頭

濯錦江邊楊柳條浣沙兒女詫裙腰子規啼罷春
花落遊子青驄萬里橋

瞿塘猿聲天上哀白帝城下水如雷百指漩渦人

鮒甕莫着郎船八月來

人鮒甕
在歸州

湘江兒女單紵衣娥皇廟前歌竹枝春來只會閑
相惱不管人家有別離

客程愁雨復愁風君意憐儂却忘儂把似相憐不
相忘只消那轉馬頭東

歲歲年年君去家年年歲歲樹開花年年君去無
消息歲歲花開感物華

寂寂寥寥紙半張嗟嗟嘖嘖淚千行言言語語空
相憶苦苦頻頻更寄將

別恨過於別緒濃背身斜着倚東風庭前徧是春

花樹樹樹花開枝上紅

對月臨風不自由都緣觸景便生愁春來總是相思夜夜夜相思月滿樓

暗卜街頭好幾回連連去語道來來當樓素月明於練一任房櫳徹夜開

靈鵲朝來噪屋山奚童先背錦囊還銀鞍隱隱穿青柳珠淚滋滋濕玉顏

春鉛數日不曾施貼翠塗黃只半時爲報小環休寫月且教留着澹雙眉

相逢錯愕喜傷神臨到相親且未親清夜已涼猶秉燭對君疑是夢中人

執手翻成喜極悲到來嗚咽淚沾衣流光去去不相待落盡春紅君始歸

去年記得打春牛夫壻歸來上翠樓醉把春泥揮綵筆引教春色上簾鉤

訪某附馬不遇題壁

青春附馬不還家公主傳宣坐賜茶十二碧欄春似海隔窗閑殺碧桃花

闕門書所見

隱隱旌旗颯落暉方山遙望錦城圍平蕪一帶香

孫西菴集 卷之四 廿五
塵合知是諸王射獵歸

五言絕句一首 臨刑口占

鼙鼓三聲急西山月又斜黃泉無客舍今夜宿誰家
明興雜記云 高皇誅藍玉籍其家凡有隻字
往來皆得罪。賈因與玉題一畫故殺之。此詩乃
絕命詞也。高皇問監殺指揮孫賈死時何語
指揮以此詩對。高皇怒云彼有此好詩汝乃
不復奏而殺之何也。竟殺指揮。郡邑傳皆謂賈
死以梅思祖非藍玉。豈雜記別有考與。今頌此
詩。賈可謂一死生。而高皇亦
憐才矣。鑑識 卷之七終

西菴集卷之八

七言集句

朝雲

庚戌十月余與二客自五仙城泛舟遊羅浮道出
合江訪東坡白鶴峯遺址還艤舟西湖小蘇堤下
夜登棲禪寺留宿精舍時薄寒中霜月如畫山深
悄無人聲二客醉卧僧榻上余獨散步東廊壁光
皎潔若雪隱約有字急呼小童篝燈讀之字體流
麗飛動似做衛夫人書法詩凡十首皆集古語而
成者其一曰家住錢塘東復東偶來江外寄行踪

三湘愁鬢逢秋色半壁殘燈照病容艷骨已成蘭
麝土露華偏濕蕊珠宮分明記得還家夢一路寒
山萬木中其二曰妾本錢塘江上住雙垂別淚越
江邊鶴歸華表添新塚燕蹴飛花落舞筵野草怕
霜霜怕日月光如水水如天人間俯仰成今古祇
是當時已惘然其三曰三生石上舊精魂化作陽
臺一段雲詞客有靈應識我碧山如畫又逢君花
邊古木翔金雀竹裏香雲冷翠裙莫向西湖歌此
曲清明時節雨紛紛其四曰東望望春春可憐江
籬漠漠荇田田迤籬野菜飛黃蝶糝徑楊花鋪白

氈雲近蓬萊長五色鶴歸華表已千年夢回明月
生南浦淚血染成紅杜鵑其五曰浮雲漠漠草離
離淚濕春衫鬢脚垂秋水爲神玉爲骨芙蓉如面
柳如眉鍾隨野艇回孤棹蟬曳殘聲過別枝青塚
路邊南鴈盡問君何事到天涯其六曰身前身後
事茫茫惱斷蘇州刺史腸袿帶玉環歸後洞君騎
白馬傍垂楊鶴群長遶三株樹花氣渾如百和香
慚愧情人遠相訪爲郎憔悴却羞郎其七曰孤月
無情掛翠巒金爐香燼漏聲殘雲收雨散知何處
鬢亂釵橫特地寒去日漸多來日少別時容易見

不西者集
時難明朝有約誰先到青鳥殷勤爲探者其八曰
杏花踈雨立黃昏金屋無人見淚痕短髮欲星愁
有効此身雖異性常存閨門不鎖寒溪水環珮空
歸月夜魂倚柱尋思倍惆悵夜寒皺玉倩誰溫其
九曰萬紫千紅總是春登臨一度一思君舞低楊
柳樓心月香溫梨花夢裏雲風景蒼蒼多少恨陰
蟲切切不堪聞思君今夜腸應斷書破羊欣白練
裙其十曰零落殘雲倍黯然一身憔悴對花眠南
園綠草飛蝴蝶落日空山怨杜鵑天若有情天亦
老月如無恨月長圓此聲腸斷非今日風景依稀

似去年其後復書羅浮王仙姑月夜過此有感而
賦予驚曰此非仙語乃人間意態也方欲再諦視
而燈爲北風所滅晦林木浙瀝作山鬼聲予毛髮
森豎不敢久立即還室掩戶踉蹌而卧夢一美人
上衣紅綃衣下繫荷絲裙從花陰中來年可二十
六七奇葩逸麗光奪人目風鬟霧鬢颯然凄冷殆
不類人世中所見者彷彿若有金支翠旌導從其
前後隔水先聞歌聲似吳人語予側足傾耳竦身
聽之則悠揚宛轉欲斷還續半空松栢作簫笙聲
助其清婉而螢蚓唧唧爲之擊節其詞曰舞衫歌

扇舊因緣萬事傷心在眼前雲物不殊鄉國異天
桃窓下背花眠○烟籠寒水月籠沙誰信流年鬢有
華燕子啣將春色去夢中猶記詠梅花○青山隱隱
水迢迢客夢都隨歲月消惟有別時今不忘水邊
楊柳赤欄橋○杜陵寒食草青青長誦金剛般若經
雨冷雲香吊仙客夢中同躡鳳凰翎○遠水寒山石
徑斜宮前楊柳寺前花紅顏未老恩先斷莫怨東
風當自嗟○與君別約記杭州山外青山樓外樓屈
指別來經幾載愁心一倍長離憂○旅館寒燈獨不
眠湘波冷浸一枝蓮何時最是思君處月落烏啼

霜滿天○欲寫愁腸媿不才依稀猶記妙高臺問余
別恨知多少巴蜀雪消春水來○紫烟衣上繡春雲
一樹繁花對古墳辛苦無歡容不理半緣脩道半
緣君○春愁冉冉帶餘醒珍簾銀床夢不成知子遠
來應有意酷憐風月爲多情○光陰卒卒一飛梭
怨入東風芳草多舊枕未容春夢斷秦霜楚雨暗
相和○身前身後思茫茫秋菊春蘭各吐芳慚愧
情人遠相訪爲卽憔悴却羞郎○歌已復續拘體
詩三首○白袷玉卽寄桃葉金鞍駿馬呼小妾翠
眉蟬鬢生別離南園綠草飛蝴蝶○野棠開盡飄

香玉細柳新蒲爲誰綠。忽忽窮愁泥殺人。逢人更
唱相思曲。○瞿塘嘈嘈一灘。逸船明月江水寒。
欲隨卽船看明月。遊絲落絮春漫漫。○其聲哀而
不傷。怨而有容。疊疊而不窮。如孤鳳之鳴梧桐。雌
龍之吟水中也。歌闕予不覺泣下。亟趨見之。環珮
瀝落餘音。猶泠然異香。馥郁襲人。沁入肌膚。含涕
作羞態已。而謂予曰。君知妾之來意耶。妾乃錢塘
歌者。眉山蘇長公妾也。公昔南遷。諸侍姬皆雲鳥
散去。獨妾結衣從之。巾櫛之餘。吟弄筆墨。粗識其
風致。晚得泗上比丘尼教誦金剛釋典。頗誤佛法。

今淪落於茲。無所復恨。但幽情婉意。鬱鬱無相知
者。方將鎔金而鑄子。期買絲而繡平原。江波悠悠
歲月延佇。君富有文米。思如流泉。獨弗能吐胸中
華藻。少慰妾之岑寂耶。古人有云。心誠同隔世。通
不投機。促膝離千載。而下君之情。思惟妾知之耳。
言訖倏忽不見。予亦驚覺。莫察其由。詰旦尋壁間
字已漫滅。不可復辨。詢之寺僧。則曰。寺南有王氏
朝雲之墓。今數百年矣。君蒿悽愴。時露光景。豈或
其餘魂也耶。予爲怛然自失者。即日既陳椒漿。酌
之。復竊高唐洛神之意。爲詩用紀其事。凡一百韻。

悼粉香之零亂。寫溟漠之幽姿。纏綿悽惋。宛然思婦呻吟之聲。非獨以慰朝雲。亦聊以自悼云爾。○思斷蘭臺路。愁填濯錦川。前塘清楚會。金谷狹斜。聯少負傾城譽。名居弄玉先。十三工寫月。二八擅韶年。束素宮腰怯。凝脂國色鮮。倚風楊柳弱。炙日海棠嬌。跳脫鬆龍腕。琵琶重安肩。塗黃勻漢靨。安寫破秦鉛。綠水酣潘岳。紅顏惱董賢。流霞紅錯落。嬌燕掠鞦韆。舞壓梨園社。歌翻樂府編。彩雲生袖底。璧月墮樓前。鏡掩三星曙。春隨五馬韉。青樓亂女伴。瓊珮挹詩仙。蠟炬催傳賜。烏絲待草玄。娉婷

驚世外風度。蓋唵邊霜撲。兒魚畫陰橫。粉署埽。送鱗天咫尺。垂翅路三千。黛減蛾眉翠。筆斜蜀國絃。武林牽北望。庾嶺入南遷。白鶴峯千尺。黃茅屋數椽。練裙參般若。彤管榻張真。蜜鯽調蘇合。邊爐淪海臙。斷霞丹荔嶼。晴雪素馨田。妾命真成薄。即行底未旋。塵蒙纓落串。珠簾步搖鈿。往事腸堪折。殊方瘴莫痊。娃童占吉卜。鄰媪訪沉綿。楚峽深秋氣。羅浮澹曉妍。巫陽招古些。卞女泣新阡。海氣籠翹鳳。嵐光濕鬢蟬。封囊留粉恨。長帽斷塵緣。隴樹含悽綠。經文帶淚鐫。雪兒低鶴馭。雲母凍龍涎。桃葉

僧前渡梅花夢裏天蛾旋三昧火鸚吊六如禪入
道應偷藥凌虛想步蓮浴蘭衣靜土遺玦贈靈荃
天路雲和峭瑤池脉望圓迴鸞珠斗沒驚鵲玉繩
編木落山精笑苔平石獸眠香雲啼子夜慧魄悶
重泉絡緯停寒索飛簾捲夕旃譜餘蘇小曲書暗
薛濤箋亂緒粉團結新知永棄捐屏幃空孔雀衿
繡冷文鴛清吹辟真丁叢林積水連幽局螢擾擾
舊業草芊芊巴舞陳椒醕吳歛裂楮錢霓裳詞蜀
兩班竹點湘煙暮雨從渠濕春水敢自堅詞衣迷
故國華表豎層巖白紵行人唱銀缸傍舍懸芙蓉

羞爛熳蛺蝶舞聯翩繡壤遮王媼鈎欄鎮阿甄紅
顏多蹇劣清涕莫潺湲在世誰非幻鍾情我獨憐
微生同坎壈幽思久婵媛禁闥初通籍儒林早備
負詞華暈五鳳幃幄飲三鱣眉月端如畫丰姿美
且鬟鑿坡披奏牘馳道鞚飛駘雅譽傾詩輩清流
冠吏銓賓筵陪有客羽獵賦于畋綺席延枚叟蒲
車屈鄭虔天顏却下顧雲路快高騫昔似冲霄鶴
今如跼水鳶九關嚴虎豹平楚落鷹鷂拜命沾三
宥歸耕困一廛壯心徒激烈長袖幾翩翩倦泛張
騫梗虛學李廣弦古苔封片石荒櫪卧雙躡草萋

臨丹壑柴扉枕碧連
奚童開雀網
穉子縛魚竿
白石潘郎髮
青燈子敬壇
哀箏開綠蟻
雄劍搏烏攫
雨露從枯槁
山林且靜便
朝真探玉訣
觀妙解名詮
丹鼎團龍虎
玄龜下澗漚
屋頭杉隱隱
庭下竹涓涓
薜荔栽秋服
楓香當晚饘
閑元存太乙
文火養純乾
七夕邀金母
三山候偓佺
醴泉清似玉
瓜棗大如拳
老去渾無賴
憂來獨惘然
有懷通尺素
何計索笄簪
孤况憑誰問
冲襟待子宣
蓮飄知惹苦
藕斷識絲纏
慘淡黃姑渚
玲瓏織女躔
交踈期屢爽
謀拙去何遙
畫餅文章貴
嬰兒造化權
寧勞褰短褐
端合掩真詮
病骨相如在
勞心宋玉傳
韓憑春寂寂
杜宇月娟娟
邂逅時將晚
淹留景莫延
流星光晻靄
雄電動連蜷
艷態千秋隔
羈腸百慮煎
錦蕤空薄幙
絳節映重淵
洛浦凌波襪
西湖菴畫船
佳人不可見
長誦法華篇

琪林夜宿聯句一百韻

歲六月余還自鍾山與王河東佐尋真郡城琪琳
因寓宿東偏之得閒亭亭蓋蕭鍊師之所築去藥
闕三十餘步軒敞清僻遠脫凡境前有茂林嘉卉
竹柏之屬野意藹藹是夕夏之望後石油風節三

日澍雨初止星月明朗河東與余焚香瀟茗共語
疇昔因思年十八九時承先人遺澤得弛負擔過
從貴游之列一時聞人相與友善若洛陽李長史
仲脩鬱林黃別駕楚金東平黃通守庸之武夷王
徵士希貢維揚黃長史希文古岡蔡廣文養晦番
禹趙進士安中及其弟通判澄徵士訥北平蒲架
閣子文三山黃進士原善皆斯文表表者也共結
詩社南園之曲豪吟劇飲更唱迭和翩然鸞鸞鳳
鏗爾奏金石而河東與余爲同庚情好尤篤歡會
未幾殷憂相仍城沿兵火朋從散落河東與余析

袂奔走邈不相見凡十餘年乃幸前左轄寶山何
公恢復茲郡開署求上而余二人首被禮接因偕
從軍西征談笑油幘方甦離索之氣而倥偬又告
別矣茲焉時平嶺莞清奠余二人者乃復遇于此
悵然思痛潛然涕零晤然顧懷猶以爲此身之尚
在夢寐中也於是相與披寫情愫聯爲韻語肺腑
滂沛莽不知其繁冗人之初生其本無謂庚庚一
形之累出罪百年之間忽焉而蛟龍翔倏爾而蚓
蟻伏將造物者欲賦人以智慧而勞之耶不然何
向來哀樂遷變若是其多也故於終篇遂有御風

遺世之意蓋亦昔人所謂無聊之際而托之以自
擴者詰旦因書二通其一以遺觀長黃翁其一以
寄羅浮蕭鍊師云詞曰○紫府黃金榜玄閔白玉
京偶尋方外侶佐因識靜中情夕景低崇闕黃秋
光澹列甍宛聞天籟杳佐渾覺世塵清縹緲群真
下黃森羅萬象呈勾陳聯上界佐析木近前榮竹
炫湘川葉黃荃楊楚畹英旛幢行道影佐環珮步
虛聲桂露光蟾濕黃松濤鶴夢驚古囊緘綠綺佐
陰壁倚蒼精淨几從容凭黃佳篇取次賡奚童髻
髮秀佐仙客髦衣輕頓使心期曠黃從知境界宏

堂因衆妙扁

佐

軒以得閑名宴坐咸嘉會黃興言

憶舊盟丰姿初得覩

佐

懷抱即相傾友誼芝蘭契

黃文聲鉄石錚

錫

鄉關

雖異

縣

佐

年齒

幸同

庚才

邁

誰能匹

黃

情親

我所

兄長

遊期

楚蜀

佐

任俠

擬幽

弁雅結南園社

黃

往爲

北郭

行山

風紅

苾撥

佐

野

日錦繁纓博帶

皆時

彥

黃

高筵

即上

卿柳

塘時

睡

鴨

佐

杏圃

暖啼

鶯南

內霓

裳曲

黃

梁川

鴈柱

箏風

流追謝眺

佐

俊逸

到陰

鏗刻

燭催

長句

黃

飛籌

促

巨觥歡娛隨地有

佐

意氣

村霄

崢嶸

樂事

俄成

夢

黃

憂端

忽謾

生秦

樓絲

管歇

佐

越嶠鼓鼙興培塿封

佐

越嶠

鼓鼙

興培

塿封

佐

系西

卷集

卷之

卷之

卷之

屯蟻蕒滄溟吼怒鯨孤城尋劫火。佐萬姓轉饑飢。

奔走羞徒步蕒艱危學避兵彭衙愁杜甫。佐戰國

老侯羸袖貯生毛刺蕒家餘折脚鐺嬌嬰須椽栗

佐鄰姬遺蕒蕒舊綉裁新褐蕒寒燈翳短擎苦心

灰一寸佐吟鬢雪千莖養志悲華忝蕒傷時賦伐

櫻草玄供寂寞佐居素保幽貞世態何多易蕒人

情實飽更駑駘先歷塊佐嫫母妬傾城康瓠迷周

鼎淫哇亂帝韻含沙叢毒蠅佐觸氣捷飛蟲默處

憂心悄蕒傍觀怒目瞠猛然思奮迅佐鬱爾困拘

梅旅卽榮枯枕蕒秋棋黑白枰正懷三月弔佐復

有二天帡左相通書速蕒群僚倒屣迎劇談勞過

許。佐吾道賴遄亨。楚楚紅蓮幙蕒團團翠柳營前

矛瞻白羽佐後勁擁玄旌尚想從軍樂蕒深慚待

士誠價酬千里駿佐食共五侯鯖祖逖心何壯蕒

陳琳伎善鳴聞雞三尺動佐倚馬萬言成勲業祇

如此蕒行藏莫重評島夷新版籍佐煙雨舊柴扃

鳳曆頒洪武蕒鴻圖啓大明包茅輸禹貢佐卉服

入周正黃道三台正蕒蒼穹八柱擎文臣登稷契

佐武將拜韓彭恢拓神應助蕒提封孰敢爭大荒

空朔漠佐平楚路換搶閩土妖氛淨蕒鍾陵王氣

系西菴集

橫隆恩光岳瀆佐至禮慶宗祊貌虎分環衛菁蛟
龍對拱楹河沉漢后壁佐廟列呂公璜交趾來馴
象菁雕題進語鸚堪輿欣有戴佐師旅遂無征邊
翰開華省菁名臣秉重衡遠猷資上士佐深惠洽
疲氓自念予生息菁于今覩治平屠羊安返肆佐
買犢事歸耕粟里山無數菁桃源水一泓墾田先
種秣佐結屋便株蔓故作深林隔菁還從曲港縈
風蘿徠疊疊佐雲木鳥嚶嚶徑狹交平仲菁洲迴
接杜蘅斷崖歌削鉄佐懸瀑碎飛瓊冉冉松吹粉
娟娟筍脫綳草寒愁格磔沙霽喜鳩鵲漁網溪童

結菁禾船稚子撐物情俱自得佐吾意豈求羸藥
裹從堆案菁書籤或滿棚繩床低窄兀佐石鼎小
彭臍隱具家粗足菁閑工日計程梯岩探野蜜佐
堰水搗香杭紫斲蹲鴟芋菁紅收薦蟹橙缺籬添
補竹佐荒圃賸移檉陶令茅柴酒菁東坡骨董羹
任真形放浪佐坐懶髮鬢鬢更學丹砂訣菁長離
世網嬰御風求抱朴佐縮地候茅盈綺食青精飯
菁黃茅紫石瑛凌虛朝日表佐觀化睨天精蠢蠢
哀群動菁飄飄隘八紘瑤池傳鳥信佐緱嶺度鳶
笙弱水秋初淺菁清都夜正晴寄言蕭羽士佐來

此共蓬瀛黃

西菴集卷之九

文

祭竈文

洪武戊午臘月下澣二十有四日玄陰告晏景翳
虞淵雲歛高漢斗斜孟陬室壁有煥孫子徙倚南
軒弭節寄傲女流喧譁方夜祀竈詢其所由則進
對曰今茲之夕逼迫歲除竈神趣駕入覲清都紀
人善惡上達帝居宸旒翼翼有嚴走趨文昌桂籍
廷尉玉符雷師鼓筆太乙啓書疏名某某以定賞
誅五齊小人職主中饋瓢長杓短米賤鹽貴奴婢

孫世春集 卷之九
乙
笑噴雞鳴犬吠柴荆狼藉毛血腥穢晨昏歲時多
負罪愧匪神包容恐獲罪戾霓旌戒路蓋闕洞開
角耀黃道符平太階東井振鐸良風徐來飛簾前
導列缺後推爰羅酒漿亦進籩豆餠糖馨香菜果
鮮茂鷺鴨全牲糍糕美糗飲神醉飽楮鏹爲壽口
甜舌甘便利進奏矜恕愚頑庶蒙曲覆孫子曰嘻
有是耶盍早語余鬱陶余衷久欲上訴倘因神明
得列其故於是拂裳正巾屏息凝顧仰天叩頭望
竈進步敷欽陳詞神聽無怒惟神名列五祀德具
五行功存既濟位配離明調和鼎鼐烹飪穀蒸翕

忽變化惟神之能司人之命實託死生老幼耆艾
惟神是憑其在孔經于夏有事迎尸奧堂儼若禋
祀非時媚瀆祀諂違義臣之於神其缺畧也多矣
茲者乃聞神以歲終將入述職上天明明考績黜
陟送行餽贐神所不斥少君之詞神憫其癖王孫
之諷神怒其激神寬以仁好是正直稱觴表誠并
獻臣臆臣少薄祜零丁羈孤佩服先訓忝名爲儒
遠祖顏孟近師程朱立志不群抱道匪渝弘深典
謨詰屈盤詰連山歸藏卦象精到群葩分敷列宿
穹昊騷怨而響莊荒而傲班範旁通荀楊曲造昭

彰隱微洞徹突奧懸燈墻壁蓄火爐竈詰朝喃喃
達曙叫噪。臣之於讀書可謂勤矣。靈臺丹府性之
郭郭微猷懿行人之天爵湛然內觀秋月灼爍盎
然外和春靄林薄雲影天光鳶飛魚躍浮烟歛散
青山猶昨軒庭兩餘草色如濯。臣之於性理亦畧
通矣。發舒蘊積學為詞章。文摛藻繪詩詠鳳凰韓
筋柳骨玉潔金光鋪天炫耀擲地鏗鏘。寫堂鳳閣
冠冕琳琅綠窓青瑣粉艷蘭香閑雲野水慘淡微
茫牛神蛇鬼百怪千任曹劉錯愕董賈回惶海若
宵哭山精書藏。臣之爲文可謂有成矣。荒雞一鳴

播水運帚趨蹌堂庭問候安否歲時伏臘親姻具
有既慈妻子復愛朋友切磨童稚理義盈口恩養
輿隸食均衣厚浮雲市金不羨玉斗峻節清霜寧
慙甕牖臣之於內行可謂無愧矣。恭承嘉澤惠此
眇軀天庭冠玉地角秀鬚褒衣魏冠玉佩瓊瑤周
旋步武規矩不渝。臣之外貌可謂不俗矣。英英其
貌濯濯其儀身長七尺六寸有奇人不識字臣吐
珠璣人不能言臣如填箎識雖固陋不爲無知材
雖朴鈍亦足有爲。行逢羸餓如箭入肌嫉視奸邪
眼火發輝思展抱負試于清時朝登金門暮集鳳

池致君克舜還俗雍熙臣之立志可謂廖廓曠絕而不凡矣然而時命大謬進退惟鞠圖封得黥獻璞遭辱山非太行車折其軸水非瞿塘舟破其斛陽和徧地不被槁木赫曦流金不照沔谷叨領鄉薦頭彎工局佐令淮陽塵隨馬足一入詞林旋罹斥逐之官濟上還尋治獄對欵臺端拘攣瑟縮論輸左校親忝板築猶賴仁恩得解桎梏餘生幸存殘喘僅續委頓風埃顛連水陸越山之陽瘴海之曲荆榛爲門茅草爲屋寒衣結鶉饑飯脫粟嚴冬露肘稔歲枵腹心摧意沮魄畔神促覲顏細君取

笑僮僕撫跡如此何賦予之酷與臣聞氣運之塞有時而通庶若尺蠖奮若冥鴻相彼萬類天無不容鼠安于穴蟻樂于封蒺藜膏兩勾吻春風鄙瑣齷齪飽鮮醅醲絲粟么麼曳紫紆紅不論巧拙祗繫其逢臣獨何人坐此困窮今臣年甫不惑未踰知命寒心雖灰宿志猶勁威如怒彪氣如炊甑寧甘溝壑殞絕其性嗟來可食蒙袂斯病焚山可出抱樹非正舖糟啜醢刻彩埋瑩與時推遷乃道之聖臣欲抑氣變志改轍更絃毀裂冠冕焚棄簡編鄧林擲槩麗水投鉛言歸軟美步習輕便突梯婉

變媚俗稱賢。左擇豪曹右挽繁弱。臣學班超建功
大漠萬里開邊三時錫爵揚威玉關圖畫麟閣黃
金璀璨白玉輝煌。臣學齊奴起第洛陽朋遊滿座
女艷成行雲攢綺轂昂沸笙簧綠績蒙頭蒼鷹在
手臣學董賢徜徉花柳登場鬪雞擊鞠賭狗結交
醉徒終日飲酒白虹貫日黃霧塞空。臣學五侯同
日受封車如流水馬如游龍氣凌七貴坐壓三公
載膏其轆載秣其馬。臣學子長徧歷天下楚水秦
山燕都越野征遊縱觀胸次披寫龍蟠丹鼎鶴唳
紫煙。臣學方朔去爲神仙日邊蓬萊海上樓船憑

凌八極瞬息千年撥車叅禪含光蓄耀。臣學達摩
靜觀衆妙天垂寶花日麗靈霞塵空冥冥。臣學
照盡以臣之勲業束置高閣。臣學舟沫泗輟棹閩洛
望罷伊周結交管樂放意舒顏解粘釋縛逍遙爲
城浩蕩爲郭滔平大荒亦孔之樂天鑒伊邇必從
臣求。神明有靈可達此否。下民之疾上帝之憂神
之聽之無作神羞言訖再拜俯伏俟命潛心默存
側耳靜聽時夜將半霜露淒淒勾陳影轉析木光
低缺月入戶靈風振幃車從雜遝若神來歸恍惚
夢寐有告余曰嗟爾來前帝有德音爾其聽之罔

敢弗欽帝聽爾詞。懇至悽惻。金童嗟嗟。玉女嘖嘖。
爾詞雖苦。運則未通。身若泛梗。意如飄風。允民之
生命。各有定祥。灾吉凶順。受其正貴。賤脩短。莫非
自然。枉道妄求。徒取咎愆。盜跖之壽。顏回之夭。交
錯紛紛。非所能曉。匪仁莫據。匪義莫依。此爾之分。
爾其安之。爾鮮不豐。亦未爲薄。遽廬夢中。獨爾先
覺。醯雞蝼蟻。所得幾何。於造化取適。已多豁爾。
殷憂弘爾。高識配以大中。以受多福。言訖更窮。去
影。遄息。予疋拜命。服之無斃。

詞

衍漳河之水流。潺湲商都。綠草生芊。綿崇居厝。厝
不可以久。延飛仙兮歸來。無嘹唳乎華亭。琳琅金
薤。慚世英文章。錦綺身後名。終古白壁。多青蠅。三
吳雲間。不可以久。寧飛仙兮歸來。無浩蕩乎遼海。
離家一去三千載。蜃氣罡風晦文采。華表凌寒欲
誰待。城郭如故。人民改飛仙兮歸來。歸翱翔乎餘
杭。武林水綠。山青蒼。海潮八月來。錢塘潮頭白馬
神龍驤。西湖海風菱芡香。三高琪樹。可以棲玄裳。
飛仙兮歸來。歸同隱于越山。臨清屠蘇雲半間。晴
窓月榭。開雕闌前。楹翠筠玉珊瑚。素琴鳴絲。朝罷

彈匏樽濁酒可和顏衣汝以五彩之春雲食汝以
百斛之琅玕軒庭不驚樂且閑飛仙歸來莫盤桓

和歸去來辭自平原
回作

歸去來兮離家十年今始歸返故園之初服抱去
國之餘悲慕古人之遠引高風邈其難追嗟弱齡
之昧道及暮齒而知非廻獨軫於脩途振江海之
輕衣望松楸其匪遠睇桑梓之依微爰憇我馬自
茲驚奔復掃花徑重開單門朋舊載過宗族具存
既列琴瑟亦羅匏樽俯清泉以濯足蔭嘉樹而怡
顏喜塵緣之靜盡覺靈府之閑安挹涼風以抗牖

延素月而開關極林野之清娛縱卉木之奇觀歲
將闌而獸徃日既夕而忘還感風霜之交集立檜
相之桓桓歸去來兮能吳楚之宦遊撫四方者倦
矣獲素願兮奚求窮歲時以靜賞攄夙昔之煩憂
侶漁樵於山澤服稼穡於田疇心淡止水身如虛
舟慰佳辰以雅集散遐矚於高丘慨吾年之日邁
閱逸景之星流守窮閭以待盡依先隴之餘休已
矣乎人生會遇良有時丹崖綠壑不少留世路如
此將安之心與造物遊全歸以爲期問桑麻於井
里課僮僕之禽耔飲紫桑之薄酒詠秋菊之新詩